

L. NAZ.
MANFLE III

2

I

9

POLI

PROLOGIA
ATURGICA

162

M

39.

BIB. NAZ. NAPOLI

BIBL. NAZ.


VIII. M. SELE III

162

M

39

NAPOLI




*Inter libros
Iosephi Maria Parascandolo
Antecessoris Regii*

A.

L.

N.






DE SACRA
TRADITIONE

DIVINA, APOSTOLICA, ET ECCLESIASTICA

NEC NON

DE SACRA
LITURGIA.



LITURGIA UNIVERSA

BREVI METHODO COMPREHENSA

AUCTORE

P. DOGLIEMEREN. T.




AUGUSTÆ TAURINORUM.

APUD FRANCISCUM PRATO

IN PROSPECTU ECCLESIE S. THERESIE.





STUDIOSIS SALUTEM:

Etsi minime ignorabam, complures extitisse viros tum pietate, tum rerum sacrarum doctrina insignes, qui in contexenda historia Scriptorum ecclesiasticorum remotioris non minus, quam proximioris ævi laudabilem impenderunt operam, obsequendum tamen fuit consiliis, ac suasionibus pii, doctique Antistitis, qui antiquorum Ecclesiae rituum studiosissimus mihi Auctor fuit, ut de rerum Liturgicarum Scriptoribus agerem, & peculiarem, distinctamque eorum seriem elucubrarem.

At enim quum hanc dicendi materiam non valde suapte natura copiosam, nimis Lectori molestam futuram praeviderem, operae pretium duxi, aliqua facta laboris accessio-

ne, perbreve de sacra Liturgia tractationem, & insuper nonnullas de rebus Liturgicis dissertationes adjungere. Quae quidem duo non tam ad majorem hinc percipiendam jucunditatem fuerunt adjecta, quam eo potissimum consilio, ut nempe ab Haereticorum calumniis catholicae Ecclesiae ritus vindicentur, utque praeterea bene multi praecaveantur errores circa quaedam pontificalia ornamenta, de quibus non satis accurate aliqui Scriptores disseruerunt.

In hujus operis progressu ac praesertim in historia Scriptorum Liturgicorum facile mihi polliceor, nihil invicem pugnans, & contrarium repertum iri, multoque minus ullam asperitatem, vel animi invidentiam in eorum ingenio, moribus, ac operibus describendis; nihil enim adeo cordi fuit, quam animi candorem, & ingenuitatem adhibere in re admodum momentosa, quae po-

sterorum commodo , utilitatique inserviet eadem plane ratione , qua veterum Scriptorum commentaria nobis profuerunt . Quae in hoc argumento undique excerptae sunt , & collectae rerum notitiae , tutiores profecto desiderari non poterant , siquidem iis usus sum , eaque delegi antiqua monumenta , quorum fides , integritas , ac perspicuitas maxime commendantur . Cui etiam illud accedit , multa , quae in hoc opere continentur , ea me tamquam testem oculatum proposuisse .

Lectorem itaque enixe rogo , ut , si in aliquibus defecisse videar , veniam mihi perhumaniter impertiat , ut interim aliquod retulisse laboris praemium gratulari queam , dum majus , atque uberius non nisi a supremo bonorum omnium Largitore expectandum . Valete .

CONTESTATIO AUCTORIS.

Quamvis enim in sequenti serie
Scriptorum rerum Liturgicarum a no-
bis aliqua elogia posita fuerint ; ni-
hilominus intendimus obedire in toto ,
& in parte Decretis summi Pontificis
Urbani VIII. per sacr. Inquisitionem
publicatis sub ann. 1625. 1631. &
1634. nec in aliqua parte eisdem con-
tradicare . Et ideo declaramus quod
res omnes , quae in praesenti serie
continentur (nempe elogia) non in-
tendimus , nec voluntatis nostrae est ,
quod intelligantur alio sensu nisi hu-
mano , absque ullo concursu Divinae
auctoritatis , vel Ecclesiae catholicae
Romanae , cui infallibili censurae humi-
liter omnia ponimus ac subjicimus ,



CAPUT PRIMUM

*De definitione , & divisione sacrae
Traditionis .*

Quemadmodum veteres omnes , recentioresque scriptores , sic & nos a definitione , & divisione sacrae traditionis exordium sumemus ; non vero tam late illas accipiemus , quemadmodum ab Apostolo in sua secunda ad Thesalonicensis scripsit , nempe = Tenete traditiones , quas didicistis , sive per sermonem , sive per epistolam nostram = Ea tamen , de qua in praesentiarum loquimur , est doctrina de externo Dei cultu , & ritu viva voce dumtaxat primis Christi Fidelibus a sacris Auctoribus tradita , aut obscure tantum mandata litteris , quamquam ab iis subiade , qui eam acceperunt , fuerit aut primum , aut perspicue exafata .

Quod vero ad divisionem traditionis pertinet , dicimus triplicem esse pro triplici-

2 DE DEFINITIONE ET DIVISIONE

tate objectorum, nimirum, aliæ Divinæ, & aliæ Apostolicæ, Ecclesiasticæ tandem aliæ dicuntur. Divinæ appellantur, quæ primo, & immediate acceptæ sunt a Christo docente suos Apostolos, qui easdem postea ipsius Christi nomine, & præcepto viva tantum voce vulgarunt, ac Christianorum memoriæ, Fideique commendarunt. Cujus generis sunt Genitricis Dei Matris virginitas perpetua, baptismus infantium, sacramentorum aliquorum forma, & materia, cultus sacrarum imaginum, aliaque permulta, quæ in scripturis Divinis quamquam explicata non sint, attamen ea Christum Ecclesiæ per Apostolos tradidisse indubitanter credimus; multa enim, quæ scripta non sunt, & ad instruendam stabiliendamque orthodoxam fidem necessaria erant, Apostolos docuit Christus, præsertim quum post resurrectionem suam apparens eis loqueretur de Regno Dei, ut habetur Act. 1.

Apostolicæ autem traditiones dicuntur, quæ ab Apostolis, ut Ecclesiæ Pastoribus, seu nomine sententiaque propria loquentibus, Spiritu sancto tamen suggerente, ad Ecclesiæ utilitatem circa ritus morumque disciplinam editæ fuere, & ab ipsis per majores intermedios ad nos usque pervenerunt. Hujus generis sunt v. g. Quadragesimalis jejunii institutio, Dominicæ diei sanctificatio, & simi-

lia, quæ per universam Ecclesiam, quamquam de iis Scripturæ sileant, ab ipsis tamen Apostolorum temporibus religiosissime custodita huc usque sunt. Solent tamen interdum etiam Divinæ traditiones dici Apostolicæ, & quæ proprie Apostolicæ sunt, Divinæ quandoque nominantur. Divinæ traditiones dicuntur Apostolicæ, quod earundem præcones fuerint Apostoli, seu prædicatione sua primum Ecclesiæ tradiderint, quum ipsi seorsim eas a Christo accepissent. Apostolicæ vero dicuntur Divinæ, quod ab Apostolis, collata divinitus facultate, & cum assistentia Spiritus sancti institutæ fuerint. Quomodo omnes Apostolorum Epistolæ, dicuntur Divina, & Apostolica scripta, etiamsi quædam in eis sint præcepta Divina, & quædam proprie Apostolica, ut patet ex illa 1. *ad Corinth.* 7. — Præcipio non ego, sed Dominus — & paulo post — Dico ego, non Dominus. — Dum ergo traditio quævis Apostolica, aut Divina dicitur, erit diligentissime animadvertendum, num ea ab Apostolis, an a Christo immediate ad nos pervenerit.

Traditiones tandem Ecclesiasticæ illæ proprie dicuntur, quæ neque a Christo, nec ab Apostolis, sed post Christi ascensum ad Cælos, & Apostolorum ex hac vita decessum, sunt ab Ecclesiæ Prælatiis, vel populis

4 DE DEFINITIONE ET DIVISIONE

introducæ, ac tandem postea per modum legis, aut consuetudinis, tacito sibi succedentis populi consensu, & usu receptæ, & ad nos usque delatæ. Hujus generis sunt festi quidam dies, certa quædam jejuniorum tempora, candelarum, cinerum, palmarum, & similium benedictionis usus, & plures aliæ nec a Christo, nec ab Apostolis ortæ, in Ecclesia tamen usu receptæ.

Divinæ Traditiones eamdem sibi auctoritatem vindicant, quam Divina præcepta, quæ in Scripturis expressa leguntur, & similiter Apostolicæ non scriptæ eamdem, quam Apostolicæ scriptæ habent, ut in Concilio Trid. sess. 4. asseritur. Hoc evidentissime probamus sequenti ratione: nam quæ scripta est sacra Doctrina non ideo vim, & auctoritatem habet, quod in membranis sit exarata, sed quia a Deo profecta est vel immediate, vel mediantibus Apostolis, quos afflatu suo Spiritus sanctus imbuebat. Parem igitur cum Divinis Scripturis auctoritatem habent Divinæ, & Apostolicæ Traditiones minime scriptæ. Quenadmodum æqualis certe sunt auctoritatis apud populum, quæ aut a Rege fiunt mandata, aut a Magistratibus facultate Regia proficiunt; sive ea scripto, sive viva dumtaxat voce edantur. Ecclesiasticæ autem Traditiones

eandem vim obtinent, quam Ecclesiæ decreta, & scriptæ constitutiones: nam etiam in Republica civili eadem est vis approbatarum consuetudinum, ac legum scriptarum.

Quod vero pertinet ad materiam, circa quam traditiones sacræ versantur, triplex est, nempe fidei, morum, & rituum. Perpetuam Deiparæ Mariæ Virginitatem, quæ asserit doctrina, vel quæ quaternarium Evangeliorum numerum, aut aliud nobis exhibet, christianæ religionis dogmata, de fide traditio est: quæ vero solemnes dies statutos præcipit, aut jejuniis sacros, aliaque hujusmodi adstruit informandæ hominum vitæ accommodata, traditio est de moribus. Demum doctrina de cultu Dei externo, de caeremoniis Missæ, sive de Liturgia, sacrorum rituum traditio nominatur, de qua præcipue a nobis in hoc volumine agitur.

Insuper si durationem traditionum considerare velimus, sane aliquæ perpetuæ, aliæ temporariæ dicendæ sunt. Perpetuæ dicuntur, quæ ita in Ecclesia positæ sunt, ut tamdiu sint duraturæ, quamdiu durabit ipsa Ecclesia, cujus quidem auctoritate immutari nunquam possint. Sic e. g. omnia dogmata religionis, sacramenta, omnesque traditiones Divinæ. Temporariæ vero, quæ Apostolicæ, vel Ecclesiasticæ tantum sunt, quum talis naturæ

6 DE DEFINITIONE ET DIVISIONE

sint, ut ad tempus durare queant, seu Ecclesiæ auctoritate pro rerum ac temporum circumstantiis immutari, quemadmodum re ipsa effectum est e. g. quoad trinam immersionem olim in Baptismo servari solitam, vel quotidianam fidelium communionem, Eucharistiæ utriusque speciei penes laicum usum, & alia permulta, quæ hic recensere non putamus.

Insuper ratione locorum traditiones in universales, & particulares dividuntur. Universales sunt, quæ fideles omnes ubique dispersos adstringunt. Particulares sunt; quæ unam dumtaxat, aut particulares paucas respiciunt Ecclesias. Universales sunt festi dies Paschatis, Pentecostes, Nativitatis Domini, Jejunia Quadragesimæ, & Quatuor Temporum, Crucis signum, &c. Particulares, ut sabbati jejunium, quod a sancto Petro olim institutum fuit, ut refert Augustinus in *Ep.* 86. ad Casulanum, Romana Diocesis fervabat.

Demum traditiones aliæ necessariae, aliæ liberae sunt. Inter necessarias collocamus, quæ ad universalitatem pertinere diximus: inter liberas, quæ per modum consilii latae sunt, proindeque sine culpa omittuntur.

CAPUT SECUNDUM

*In quo fundamenta traditionum Christi;
& Apostolorum exponuntur.*

Quatuor a nobis fundamenta traditionum Christi, & Apostolorum admittenda sunt, ne cum Lutheranis, aliisque hæreticis disputantes pro sacrorum rituum defensione ea, quæ opportuniora sunt, nobis deessent.

Primum igitur fundamentum in eo collocamus, quod videlicet Ecclesia antiquior sit Scriptura, ideoque fides, ac religio sine Scriptura constat. Hoc fundamentum validissime comprobatur ex eo, quod vetustissimi Patres primorum sæculorum, qui in lege naturæ ante Moysen veri Dei cultores sunt habiti; sacrificiorum ritum, & veram de rebus divinis sententiam non scriptis legibus, sed more & instituto majorum servavere. Circumcisionem quoque a Deo primum acceptam, Abraham deinceps familiæ prodidit. Populus vero ille hebræus ejusmodi sacramentum non aut membranis aut tabulis inscriptum, sed in animis consuetudine imbutis quasi impressum conservavit: enim vero in Ægypto per multos annos citra ullam scriptam legem, veram fidem, religionemque unius Dei tenacissime tenuit.

§ TRADITIONUM FUNDAMENTA:

Quid magis? Christus etiam Dominus nec minimum librum scripsit, imò nec, quantum legimus, nobis præcepit ut scriberetur: en verba ipsius = Euntes prædicate Evangelium omni creaturæ: non ait Scribite. Et per Jeremiam *cap. 30.* dicit = Dabo legem meam in visceribus eorum, & in corde eorum scribam eam. = Apostolus pariter ait *Epist. 2. ad Corint.* = Estis Christi, ministrata a nobis, & scripta non atramento, sed spiritu Dei vivi, non in tabulis lapideis, sed in tabulis cordis carnalibus. = Igitur a principio lex ipsa Evangelica, quæ spiritus est, in animis fidelium insculpta fuit, non litera exarata.

Hoc enim comprobatur exemplo aliorum Apostolorum, qui viva voce Evangelium docuerunt, & postea literis mandarunt; quemadmodum testes inconcussi sunt Irenæus in suis scriptis adversus Valentinum, Eusebius variis in locis, sed luculentius in *lib. 2. Eccl. Hist. cap. 15.* & *lib. 3 cap. 4.* Chrysost. *hom. 1. in Matth.* Theophilact. in *initio commentarii in Matth.* Hieronymus in *Catal. script. Ecclesiast.* uno verbo omnes Ecclesiastici scriptores nostram sententiam scriptis suis confirmarunt. Quod si tandem Lucæ Evangelistæ testimonium ponimus, omne dubium de medio tollet, securitatemque nobis præbet, in-

quiens = Quoniam multi conati sunt ordinare narrationem, quæ in nobis completæ sunt, rerum; sicut tradiderunt nobis qui ab initio ipsi viderunt, & ministri fuerunt sermonis: visum est mihi affecuto omnia, a principio diligenter ex ordine tibi scribere, optime Theophile, ut cognoscas eorum verborum, de quibus eruditus es, veritatem. Ergo doctrina fidei jam vulgata accessit, non vero præcessit scriptionem.

Constat item christianam Ecclesiam, & religionem primum traditioni substituisse: nam doctrina fidei in primitiva Ecclesia non a scripturis auctoritatem accepit, immo scripturæ a traditione. Sicut tradiderunt, ait, nobis, qui ab initio ipsi viderunt, & ministri fuerunt sermonis. De facto in Ecclesia Christi aliquando catholica dogmata fuerunt, quæ sacris nullis literis continerentur. Unde S. Irenæus ait *lib. 3. cap. 4.* = Quod etsi Apostoli nullas nobis scripturas reliquissent, tamen & oportebat nos sequi ordinem traditionis Ecclesiæ, quam fideles scilicet ante scriptum Evangelium sequebantur.

Secundum fundamentum erit, non omnia, quæ ad doctrinam christianam pertinent, esse etiam nunc in sacris libris expressa. Enim vero de perpetua virginitate B. V. Mariæ, de descensu Christi ad inferos, de Baptismo par-

valorum, de conversione panis & vini in corpus, & sanguinem Christi, de processione Spiritus sancti ex Filio, de æqualitate trium Personarum in una substantia, & de distinctione earundem per relativas proprietates, in libris canonicis expresse non invenitur, & tamen adeo in fide certa sunt, ut qui oppositum sensisset, tamquam hæreticus ab Ecclesia declararetur. Quemadmodum igitur articulus resurrectionis continebatur in illo = Ego sum Deus Abraham, & Isaac = quod postea Christus Dominus minus intelligentibus exposuit: ita nonnulla per Spiritum veritatis explicuit Ecclesia, quæ in sacris literis habentur obscura.

Tertium Fundamentum desumimus ex eo, quod multa pertineant ad christianorum doctrinam, & fidem, quæ nec aperte, nec obscure in sacris literis continentur. Hæc nostra assertio satis probatur ex Innocentio Papa *de celebrat. missæ cap.* Cum Marth. = Verba enim, quibus in calicis consecratione utimur, & quibus Christum Dominum usum esse profitemur, scilicet *mysterium fidei*, & *æterni testamenti*, in Evangelistis non habentur. Ac ne illud quidem = *Elevatis oculis ad Deum Patrem suum*. Sententiam quoque illam, = *Beatius est multo dare, quam accipere* = Christum dixisse nesciremus, nisi Paulus in Actis docuif-

set. Quemadmodum ergo non omnia gesta Jesu, Evangelica scriptura complexa est; ita nec omnia verba quidem, sed quædam per traditionem accepta sunt.

Rursum sanctorum Martyrum auxilium precibus implorandum, & illorum memorias celebrandas, imagines venerandas esse, in sacrificio Eucharistiæ simul cum corpore sanguinem sacerdotibus esse & conficiendum, & sumendum, sacramenta confirmationis & ordinis non iteranda, sacræ literæ nusquam forte tradiderunt. Atqui ejusmodi pleraque alia id genus ita firmiter Ecclesia catholica retinet, ac si sacris codicibus inscripta fuissent. Multa igitur sunt fidei catholicæ dogmata, quæ sacris literis non habentur.

Quartum Fundamentum in eo ponimus, quod Apostoli alia quidem literis, alia autem viva voce reliquerint: causa autem, propter quam quod hoc fecissent, altius repetenda erit. Morem porro hunc tradendi quædam discipulis non scripto, sed verbo, olim quoque scimus a Philosophis observatum. Ait Cicero *lib. 1. De legibus* — Nec scriptis omnia fancienda — & eodem libro rursus sacra putat melius in Republica conservari, si a Patribus accepta deinceps familiis prodantur.

Si consulamus Hilarium in *psal. 2.* & Origenem, dicent nobis Moysen non legem

solum, sed secretiorem legis enarrationem in monte divinitus accepisse: præceptum autem ei a Deo, ut legem quidem populo scriberet; occulta vero mysteria legis ipse ministro suo Josue, deinceps succedentibus sacerdotum primoribus, magna silentii religione revelaret. Anatolius quoque apud Eusebium *lib. 7. Eccl. Historiæ cap. 28.* refert. septuaginta Interpretes Ptolemæo Regi percontanti, multa ex Moysis traditionibus respondisse. Atque illud etiam Auctor 4. libri Esdræ 14. cap. non obscure testatur = Enarravi, inquit, Moyfi mirabilia multa, & præcepi ei dicens, Hæc in palam facies verba, & hæc abscondes. = Ad hujusmodi vero traditiones Propheta *Psal. 43. & 77.* videtur spectasse, cum ait = Deus auribus nostris audivimus; Patres nostri annuntiaverunt nobis; = & rursus: Quanta mandavit Patribus nostris nota ea facere filiis suis. Et Moyses ipse in *Deuteroni. cap. 32.* inquit = Interroga Patres tuos, & dicent tibi, majores tuos, & annuntiabunt tibi. Quædam igitur non scripto, sed verbo tradere non Philosophorum modo; verum Moysis, imo Dei etiam consilium fuit.

Hujus ergo optimi consilii rationem Jesus Christus habuit, habuerunt Apostoli. Enim vero si Apostoli, quibus formis sacramenta essent conficienda, quibusve ritibus administran-

da, & alia hujusmodi passim vulgo tradidissent, quid esset aliud quam sanctum dare canibus, & inter porcos spargere margaritas? Hæc itaque prima ratio est, cur Apostoli quædam sine scripto traderent: nempe ne aut ab Ethnicis sacra nostra irriderentur, aut vulgo etiam fidelium venirent in contemptum.

Secunda ratio est, quia viva vox majorem energiam habet; & fortius sonat, teste Hieronymo ad Paulinum ubi ait = In illud vellem apud vos modo esse, & mutare vocem meam. Indignum ergo erat, ut tota Evangelii doctrina, quæ lex est spiritus & vitæ, mortuis utique literis committeretur, nec ulla ex parte committeretur cordibus, cum de ea peculiariter scriptum esset = Dabo legem meam in visceribus eorum, & in corde eorum scribam eam. = Servorum & rudium est omnia ex præcepto agere. Judæorum ergo sit scripta hæc lex, qua universa, etiam minima præfiantur. At filii perfecti jam viri, & in libertatem gratiæ vocati, habeant legem insculptam in cordibus.

Confirmamus argumentum auctoritate Papiæ *lib. 3. Eccl. Hist. cap. 39.* ubi ait = Si quando advenisset aliquis ex iis, qui secuti sunt Apostolos, ab ipsis sedulo expiscabar, quid Andreas, quid Petrus dixerit, quid autem Philippus, vel Thomas, quid vero Jacobus, Jo-

14. TRADITIONUM FUNDAMENTA

annes, Matthæus. Nec enim tantum mihi librorum lectiones prodesse credebam, quantum vivæ vocis, præsentisque magisterium. At ubi gentium est verbum, quod tanto tempore Lutherani jactare solent? Nam scriptum verbum, proprie loquendo, non est verbum. Apud nos autem, qui Christi, & Apostolorum oracula, & voces tuemur, verbum Domini vere, & proprie manet in æternum. Verbum, inquam, vivum ex Doctorum ore in Discipulorum transfusum aures fortius resonat. Verba, inquit, mea, quæ posui in ore tuo, non recedent de ore seminis tui amodo & usque in sempiternum.

Quod si de confutatione hæreticorum sermo sit, nullus dubitat, quod in traditione major vis, quam in scriptura inveniatur: de facto usquedum Christi Domini Discipuli extiterunt, munda & immaculata Ecclesia permanfit, & corruptores, si qui forte fuerunt, non palam, sed potius in terræ hiantibus delitescabant, quemadmodum Montanus, alique. Ut vero illa ætas, quæ a Domino susceperat vivæ vocis auditum, discessit, tum nudato capite Apostolicam veritatem oppugnarunt, quemadmodum fecit Montanus, qui primus traditioni se opposuit. In hac sententia constantissimi fuerunt Ignatius, Tertullianus, Irenæus, alique permulti. Hic autem

ib. 5. Histor. Eccl. cap. 16 ait — Hæretici scripturis nituntur sua dogmata confirmare, ne sine teste esse videantur: sed deformant eloquia Dei, atque ex figura hominis, vulpis, aut urfi figuram reddunt — In hac parte nobis videtur, quod hæretici id faciant, quod pater ejus diabolus cum Domino N. J. C. fecit, appetentes testimonia scripturarum: quodcumque dogma hæreticus proferat, statim ait: Scriptum est enim: & non unum, sed mille testimonia, mille exempla parat de lege, de psalmis, de Apostolis, de Prophetis, quibus novo more interpretatis, sententiam suam approbare conatur.

Ratio potissima, cur traditiones Apostolicæ fuerint necessariae, hæc est. Sensus enim scripturarum Apostolicarum non erat ab Apostolis scripturis aliis explicandus, nisi ipsi in opera sua ederent commentarios, quod a viris gravissimis semper alienum fuit. Intelligentiam ergo scripturæ sacræ Discipulis suis viva voce tradiderunt: ut illud Deus omni tempore in suis Ecclesiis impleret — Dabo legem meam in visceribus eorum — Lex, ut S. Hieronymus elegantissime in suo *Comment. ad Galat.* scripsit, Lex siquidem Evangelica non in scripturis est, sed in sensu, non in superficie, sed in medulla, non in verborum foliis, sed in radice rationis — Si res aliter se

haberet, nulli essent Ecclesiæ Doctores, sed quisvis plebejus, & rudis omnium rerum intelligentiam quæreret sine præceptore. Nunc autem traditiones Apostolicæ non quibuslibet commendatæ sunt, sed juxta Paulum, sapientibus, & prudentibus, fidelibus quoque ac Religiosis depositi Sacramenti custodibus, qui etiam idonei sint, & alios docere. Æquum erat ut aliquis, quasi Lydius lapis in manu Ecclesiæ relinqueretur, quo falsas verasque doctrinas, verumque scripturæ sensum a falso discerneret.

Quod vero Apostoli Evangelii doctrinam partim scripto, partim verbo tradidissent, auctoritate fere omnium SS. PP., non verba tamen illorum referendo, sed brevitatis gratia loca tantum, in quibus leguntur, citando. Dionysius *lib. de Eccl. Hierarch. cap. 1.* Clem. Alexand. *in lib. de Pasch. Euseb. lib. 6. Eccl. Hist. cap. 11. & lib. Strom. 1. & 5.* Orig. *hom. 5. in num. Papias apud Euseb. lib. 3. Eccl. hist. cap. 39.* Just. Mart. *quæst. 1. 8.* a gentibus posita. Irenæus *lib. 3. c. 3. & 4.* Tertull. *in lib. de Corona militis.* Cypr. *de ablutione pedum.* Epiphanius *de hæres.* Hieronymus *adv. Luciferianos, Aug. lib. 2. de Bapt. conf. Donat. cap. 7. & lib. 4. cap. 24. & lib. 5. cap. 23. & 26.* Basil. *lib. de Spir. sancto cap. 27. & 29.* Posita igitur talium virorum auctoritate, quis resistet? Sed

¶ pro majori robore , hæretici ; testimonia sacrae Scripturae in hac re petant , audiant . D. Paulus 2. *ad Theſſalonicenſes* 2. inquit = State & tenete traditiones , quas accepiftis , ſive per Epiftolas , ſive per ſermonem ; & rurfus *prima ad Corint.* 11. Laudo autem vos fratres , quod ſicut tradidi vobis , præcepta mea teneatis ; & *eadem cap.* Ego accepi a Domino , quod & tradidi vobis cætera cum venero diſponam . Atque *ad Timoth.* 2. Formam habe ſanorum verborum , ait , quæ a me audiſti : bonum depositum cuſtodi . Et deinceps = Quæ audiſti a me per multos teſtes , hæc commenda fidelibus hominibus , qui idonei erunt & alios docere : Joannes in *Epift.* 2. Plura ; inquit , habens vobis ſcribere , nolui per chartam , & atramentum : ſpero enim me futurum apud vos , & ore ad os loqui . Quid multa ? Duæ ſunt Epistolæ Petri , & tamen cum Antiochiæ , & Romæ ſedit , elinguis non fuit ; igitur præter id quod in Epistolis ſcripſit , multa , imo plura verbo docuit . Quid ? Andreas , Thomas , Bartholomæus , Philippus non ne ſine ſcriptura ſolo intercurrente verbo Eccleſias ſibi deſtinatas & fundarunt in fide , & in religione continuerunt ? Igitur conſentiant hæretici , quod negare non poſſunt , fidei doctrinam non ſcripto totam , ſed ex parte verbo ab Apoſtoliſ eſſe traditam .

CAPUT TERTIUM.

*Heterodoxorum, criticorumque objecta
adversus Liturgiae Auctores.*

Objic. 1. **L**iturgiae variis Auctoribus adscriptae, supposititiae sunt. Ergo rejiciendae.

Prob. antec. Variis ex capitibus, & primo quidem teste Balsamone, ubi de Liturgia S. Jacobi minoris Jerosolymorum Episcopi, in sua responsione ait, omnes Ecclesias teneri Constantinopolitani ritus observare.

Secundo. Quia vox Graeca, quae Filii consubstantialitatem aperte significat, & posteriori aevo inventa creditur, saltem sexies in ea usurpatur, ut legere est in *tom. 2. Biblioth. Graecolatinae veter. PP.* ubi Liturgia haec utraque lingua habetur.

Tertio. Quia vocabulum Graecum significans Deiparam, quo glorioso titulo longe post honorata est B. V. Maria, quater de ea in praefata Liturgia praedicatur.

Quarto. Quia trisagium Sanctus, Sanctus, Sanctus, seu sancte Deus, sancte fortis, sancte immortalis miserere nobis, ibi cantandum assignatur, quod tamen Ecclesiis incognitum fuisse videtur usque ann. 446. idque colligitur ex Epist. S. Felicis PP. III. data ex Synodo

Romana ad Petrum Cnaphaeum Patriarcham Antiochenum .

Quinto . Quia Doloxia , seu Hymnus Gloria Patri , & Filio , & Spiritui sancto , qui in hac Liturgia legitur , in usu non fuit ante V. Ecclesiae saeculum .

Sexto . Confessoris titulus , nomenque Monachorum , recentiora creduntur , quam quae potuerint aetate Apostolorum commemorari .

RESPONSES.

Dato etiam & concesso praedictas Liturgias prorsus fuisse ignotas ante V. Ecclesiae saeculum , sequeretur quod etsi ab Apostolis fuissent revera conscriptae ; non potuissent citari per quatuor priora Ecclesiae saecula , & per consequens quod saeculi V. scriptores ullam mentionem illarum Liturgiarum faciant . Semel enim supposito easdem per illud temporis spatium latuisse , in promptu ratio est , cur ex illis Concilia Nicaenum , & Ephesinum argumenta non desumpserint adversus Arianos , & Nestorianos . Quare praefatorum Conciliorum silentium , medium quidem efficax est ad probandum , ignota Patribus fuisse vetera illa monumenta , quae Divinarum Personarum consubstantialitatem , & Deiparae attributum discrete exprimebant : ineptum vero ad demon-

20 OBJECTA HETERODOXORUM

Strandam eorumdem monumentorum falsitatem: nam Apostolos clare agnovisse Christum esse Filium Dei, & Mariam Matrem Dei, & has veritates ab initio fidelibus credendas proposuisse, tam est certum, quam exploratum est, id fide docente, Spiritum sanctum docuisse Apostolos omnem veritatem.

Neque Ecclesia tum praefatas veritates primum didicit, cum oppositos Arii, & Nestorii errores damnavit; imo ideo horum errores damnavit, quia illas fidei Catholicae veritates perpetua, nec interrupta traditione tenuit, credidit, docuit. Alioquin Ariana, & Nestoriana haereses, non ut doctrinae novae, antiquaeque contrariae tantopere conturbassent Ecclesiam Christi. Quomodo enim exhorruissent fideles ad inauditas antea haereticorum blasphemias, nisi firmiter credidissent orthodoxas, quae iisdem blasphemias repugnabant, doctrinae sanae sententias? Quo in loco haud possumus non mirari aevi nostri criticorum inconsiderationem, qui ut scripta aliqua veteribus attributa spuris, & suppositiis scriptoribus adjudicent, satis habent, si ipsa contineant expressam hujus, vel illius articuli, posteriori tempore ab haereticis impugnari, fidem, expositionem, ac notitiam; quasi non antea inclarescere potuerint in Ecclesia veritates catholicae, quam Haeretici exor-

ti fuerint errores. Hoc nimis incogitanter dictum, aut suppositum asserimus. Nam ante Arium Ecclesia credebatur, & praedicabat id ipsum, quod in Nicaeno Concilio contra Arium credendum ac praedicandum esse definivit. Si vero aliqui ex Antenicaenis Patribus minus accurate de mysterio sanctissimae Trinitatis locuti sunt, id forte tribuendam necessitati temporum illorum, cum scilicet disputandum erat cum Ethnicis Philosophis, quibus difficile suaderi poterat, quod Platonica principia aliquatenus non redolebat.

CAPUT QUARTUM.

*Argumenta adversus Liturgias S. Petri,
Jacobi, Marci, & Matthaei.*

Liturgia, quae S. Jacobo adscribitur, tota referta est testimoniis desumptis ex Epistolis, quarum plures non nisi post ejusdem S. Apostoli Martyrium scriptae sunt. Nec verisimiliter dici potest, earum Epistolarum Auctores testimonia illa potius ex memorata Liturgia desumpsisse, cum eadem per quinque integra ferme saecula delituerit, a nemineque per id tempus citata inveniatur. Nullus enim hujus Liturgiae meminit ante S. Pro-

clum Constantinopolitanum Episcopum, V. saeculo jam adulto. Postea saeculo VI. eadem nomine S. Jacobi laudavit Concilium Trullanum *can. 32.* quod approbatum ab Ecclesia non fuit; & licet quantum ad dogmata ejus approbationem obtinisset, inde minime sequeretur, quod Ecclesia tamquam genuinum Jacobi fœtum eam Liturgiam approbasset. Sunt certe in ea pauca quaedam a Christo, & Apostolis vere instituta, sed cetera omnia sunt plane diversa ab iis, quae leguntur in vetustissimis Ecclesiarum Orientalium Liturgiis, & quarum usus ad Apostolorum tempora revocatur.

Quod vero pertinet ad Liturgiam S. Petri, sic sane discurrendum. Talis Liturgia falso Principi Apostolorum tribuitur, & ratio potissima est, quia mentionem facit sanctorum Xysti, Cornelii, Cypriani &c. qui non nisi post elapsa duo ab Apostolis saecula vixerunt. Insuper eadem præcipit, ut fiat oratio pro piissimis Imperatoribus, cum tam falsum sit, Apostolorum temporibus plures simul, eosque piissimos extitisse Imperatores. Præterea tam hujus Liturgiæ, quam illius S. Basilii idem est initium; & quod suppositionem apertius evincit, Canon Missæ Latinæ, quem S. Gregorius Magnus testatur compositum fuisse a Scholastico V. saeculi, integer legitur in Litur-

gia, quæ S. Petro adjudicatur, quæque edita est a Guilielmo Lindano Gandavenſi Episcopo ex MSS. Graeco Biblioth. Card. Sirleti. Utrum vero hujusmodi Liturgiam, quæ ex Missa Latina, & ex Graeca S. Basilii Magni conflata omnino videtur, vel Clericus quidam Italus, vel aliquis Monachus Basilianus composuerit, ut Nicolaus Nourry in apparatu ad Biblioth. maxim. veter. PP. putat se tuto conjicere.

In Liturgia S. Marci non minus conclusoria sunt interpolationis, & additionis argumenta. Nam in ea oratio praescribitur pro Rege christiano, qui certe nullus erat eo tempore in Alexandrina Urbe. Quis porro credat S. Marcum Liturgiae suae inseruisse illam deprecationem: (Protege civitatem istam propter Martyrem tuum, & Evangelistam Marcum, qui nobis viam salutis demonstravit?)

Illa vero S. Matthaei nomine vulgata, quæ etiam Æthiopica dicitur, plurima saltem continet, quæ & posteriori aetate, & manu consequenter minime Apostolica fuerint eidem inserta. Talia quippe sunt invocatio duodecim Apostolorum, mentio epactæ, aurei numeri, Festorum mobilium, & immobilium, allegatio Conciliorum Nicaeni, Constantinopolitani, & Ephesini: memoria SS. Athanasii, Gregorii, Basilii, Cyrilli, & Chrysostomi.

SATIS FIT OBJECT.

Antequam objectionibus respondeamus, sententiam P. Ambrosii Gardeboschi confutare putavimus. Auctor supra nominatus non solum negavit *Apostolicas* vel ex toto, vel ex parte esse *Liturgias*, quae modo Apostolis tribuuntur, sed ulterius contendit, nullam ab Apostolis scriptam fuisse formam Liturgiae; quamquam nequeat negari, eos brevi aliqua *Liturgia* usos fuisse, cum certam sit, certo quodam ritu, & ordine altaris mysterium celebrasse. Ceterum de usurpata ab Apostolis *Liturgia*, sive haec fuerit literis tradita, sive non, diversa est S. Gregorii Magni sententia ab illa Remigii Antisiodorensis. Ille *lib. 7. Epist. 63.* ad Joannem Syracusanum, affirmat morem Apostolorum fuisse, ut ad ipsum solummodo orationem Dominicam oblationis hostiam consecrarent. Hic *lib. 1. de celebr. miss.* cum retulisset, quasi ex recepta, sed parum verisimile, per illud tempus opinione, quod Petrus Apostolus primus omnium Antiochiae celebravit, subjungit, quod in hac Petri missa tres tantummodo orationes proferebantur, quae incipiebant ab eo loco, ubi dicitur == Hanc igitur oblationem == Ex his autem opinionibus posterior Gardeboscho magis proba-

tur ; neque enim credendum , inquit , est , Apostolos nuda consecrationis protulisse verba ; sed est verisimillimum , eos aliquas prius fuisse ad Deum orationes (non omissa omnium excellentissima , quam ex ore Divini magistri acceperant) antequam consecrarent , ut gratiam largiretur ad digne tractandum illud mysterium : item aliquas preces , quibus se se ad communionem disponerent , & denique aliquas , quibus pro accepto beneficio singulari Deo rependerent grates .

Si quaeras a Gardeboscho , unde constat , hunc ordinem celebrandi Apostolos usu quidem , & traditione fideles docuisse , non vero scripto consignasse ? Respondet id constare ex profundissimo totius antiquitatis silentio , quod usque ad VI. Ecclesiae saeculum perseveravit . Si enim , ait , hujusmodi *Liturgiae* , etiam brevissimae extitissent , in serie scripturarum sacrarum fuissent repositae : saltem Origenes , & Hieronymus , exacti librorum scrutatores levem aliquam hujusmodi *Liturgiarum* mentionem fecissent : Concilia , quae numerum librorum sacrorum determinarunt , earum *Liturgiarum* meminissent : Damasus , & Gelasius eas saltem inter apocryphas rejecissent : Basilius & Chrysostomus , qui primi leguntur scripsisse *Liturgias* , falsi fuissent , si eas saltem ex parte exscripsisse ex Apostolo-

rum *Liturgiis*, ut majorem ipsis conciliarent auctoritatem.

Hæc, ut liquet, omnia argumenta sunt negativa, quibus minime concludi videtur, quod intendit Gardeboschus; qui cum alioquin S. Dionysii Areopagitæ opera ipse non rejiciat, fateri debet, in illis ordinem Missæ tradi, qui ab Apostolis desumptus jure dici possit. Etenim Dionysius *cap. 3. Eccl. Hierarch.*, Liturgiam, quam ab Apostolis acceperit, magnifice prorsus describit: nec prætereunda est vetustissima alia S. Clementi Papæ adscripta, quæ forsan revocanda quoque sit ad Apostolorum tempora. Hæc in *Constitutionum libro* continetur, atque de ea Morinus in *Praefat. part. 2. de sacr. Ordinat.* ita loquitur: (Constitutiones illas, quæ vulgo Clementis nomine feruntur, censeo disciplinam esse Ecclesiasticam, qua Orientalis Ecclesia ante Constantinum I. sub Ethnicis Imperatoribus regebatur. Primus eas in ordinem ex ore, & mandatis Apostolorum exceptas redegit, & edidit Clemens; deinde successu temporis a Synodis Orientis auctæ, primi Auctoris nomen constanter, retinuerant.) Quod si ab aliquibus objicerentur pro defensione non orthodoxæ sententiæ, brevis Liturgiæ Apostolicæ a D. Gregorio Magno asserta: advertere debent, etiam, qui hunc S. Doctorem præcellerunt.

Enim vero S. Chrysostomus non ita brevem descripsit ordinem Apostolicum Missae: nam *Hom. 27. in Epist. 1. ad Corint.* ait de Apostolis loquens = Cum sacras illas coenas accipiebant, quid tum faciebant? Nonne in preces convertebantur, & hymnos? Nonne in sanctas vigiliis? Nonne in longam illam doctrinam & multae Philosophiae plenam? = Ex his verbis dignoscitur, aliqualem Liturgiae Apostolicae cognitionem habuisse.

Quid amplius desideramus a S. Proclo, qui in *lib. de Tradit. Divinae Liturgiae* scribere non dubitaverit (Quod Apostoli fuissime, longoque verborum ambitu Missam decantabant, multasque preces fundebant, impense Divinum implorantes Numen.) Sanctus Augustinus *Epist. 59. ad Paulinum quaest. 5. alias Epist. 149. num. 15. & seq.* cum rogatus interpretaretur locum Pauli *ad Timoth. ex epist. 1. v. 1. & 2.* (Obsecro igitur primum omnium fieri obsecrationes, orationes, postulationes, gratiarum actiones pro omnibus hominibus: pro Regibus, & omnibus, qui in sublimitate sunt, ut qui etiam & tranquillam vitam agamus in omni pietate, & castitate.) Eligo, inquit, in his verbis hoc intelligere, quod omnis, vel pene omnis frequentat Ecclesia: = moxque singula Apo-

stoli verba diversis missæ partibus accommodat, ita ut *Obsecrationes* dicantur, quæ fiunt antequam benedicatur, quod super altare offertur: *Orationes* seu preces, quæ funduntur cum benedictio adhibetur, & quod oblatum est sanctificatur: *Postulationes* seu interpellationes, quæ super populum fiunt a sacerdote plebem benedicente, & Dei misericordiam ac potentiam invocante. Quibus peractis, Augustinus subjungit (explicans quidnam Paulus intelligat per gratiarum actiones,) & participato tanto sacramento, gratiarum actio cuncta concludit: & hæc missæ pars ei, quæ *postcommunio* hodie dicitur, ferme respondet. Unde non immerito dixit Pater Honoratus a S. Maria *tom. 3. Resl. crit. lib. 5. dissert. 3. art. 2. §. 2.* in allatis Apostoli verbis primitivam Ecclesiæ *Liturgiam* describi, secundum ea, quæ essentialia præcipuave sunt in augusto Altaris sacrificio.

Id sane Augustinum sensisse, apertissimum est; liquidoque ex hoc inferitur, ~~vel~~ etiam ab initio Apostolos usos fuisse in mysteriorum celebratione, non pura solaque recitatione orationis Dominicæ, una cum legitima consecrationis forma; sed perfecto ac pleno ordine *Liturgiæ* quatuor (velut missæ partes complectente, quæ ex Apostolorum usu, ac traditione, in omnibus ac singulis Ec-

clesiarum Liturgiis, semper & ubique invariatae quoad substantiam perseverarint: namque *Liturgiae* omnes ac singulae, sive graecae, sive latinae, sive quocumque alio sermone exaratae, has quatuor partes complectuntur, nempe *supplicationes* ante consecrationem; *orationes* in ipsa consecratione; *Postulationes* pro populi benedictione; & *gratiarum actiones* post sacrificii participationem.

Habemus ergo scriptam a Paulo Liturgiam, eamque paucis quidem sed essentialibus verbis expressam. Ultroque acquiescimus constanti omnium saeculorum traditioni, quae Petrum & Jacobum Apostolos, primos Liturgiae institutores agnoscit. Cujus traditionis expresse meminit S. Epiphanius *Haeres.* 79. quamquam non hos dumtaxat Apostolos, verum etiam alios, signanterque Andream, Joannem, & Mathiam, tum Paulum, & Barnabam, mysteriorum institutores appellat. Hinc forte diversae diversorum Apostolorum *Liturgiae* circumferri solitae, quae variis gentibus, verbo, vel scripto fuerint traditae. Et hae quidem tametsi purae minime conserventur, sed auctae, & interpolatae certo inveniantur, Apostolica nomina adhuc retinent, quod scilicet Apostoli fuerint, qui, quod in illis potissimum est, Ecclesiis tradiderint, ut inferius videbimus.

Verisimile visum est eidem P. Honorato, Liturgiam, quam juxta sanctum Proclum in scriptis relictam, Jacobus Ecclesiae tradidit, quamque ipsi Apostolo constanter tribuunt Graeciae, Syriaeque populi, cognitam fuisse S. Justino Martyri; atque hunc de Jacobi Liturgia loqui, quoties de incruento Altaris sacrificio in 2. *Apologia sua* mentionem facit.

Ex eadem Jacobi Liturgia desumptus videtur Ordo Missae descriptus a S. Cyrillo Hierosolymitano in *Catechesi Mystagogica* V. Quaecumque enim Cyrillus in hac *Catechesi* tradit, non aliunde, quam ex Jacobi Liturgia poscitur accepisse, ut jam pridem Baronius ad *Ann. Chr.* 63. adnotavit. = Quare Rivetus Romanae Ecclesiae & veritatis catholicae hostis infensissimus, qui tam Liturgiam Jacobi, quam Catecheses Cyrilli, nimis temere, ne dicam insane, tamquam spuria, & recens conficta monumenta, explodit; non tamen negat alteram ex altera descriptionem videri desumptam, quamvis homo alioqui in judicando audacissimus, affirmare non audeat, an *Liturgia* ex Catechesibus, vel potius Catecheses ex Liturgia fuerint descriptae. = Certe tanta est in utroque opere conformitas, ut quod attinet ad mysticum Sacrificii Altaris ordinem, nullus ritus, caeremoniae nulla in Catechesi illa V. exprimat, quae in Jacobi Liturgia expressa non inveniatur.

CAPUT QUINTUM.

*Catholicorum sententia de Jacobi Liturgia
cum animadversione.*

Sive ergo Jacobus ordinem Apostolicae Liturgiae verbo aut scripto primitivae Ecclesiae tradiderit, quam Patres Apostolici suis respective Ecclesiis commendaverint, ac SS. Justinus & Cyrillus nedum cognoverint, verum etiam suis lucubrationibus inseruerint; quod dici propugnarique haud improbabiler posse, P. Honoratus proxime a nobis laudatus perspicue ostendit; siue eadem Liturgia, saltem prout modo extat, credatur apocrypha, longeque post Apostolorum tempora divulgata: hoc firmiter tenere debemus, nempe vetustissimum, atque Apostolis coevum esse illum Liturgiae ordinem, quem sanctus Justinus non ut a se inventum, aut recens a fideles usitatum, sed ut antiquum, & ab initio receptum, planeque Apostolicum descripsit in 2. illa *Apologia* vere sua.

Quod vero Heterodoxi Justino eam Apologiam abjudicent, sicut abjudicant Cyrillo Catecheses, id omnino eorum temeritati tribuendum est, cui nihil est tutum, quod erroribus suis inveniatur adversum. Nollent enim testes habere, quos nequeant recusare,

adversus prava modernaque dogmata a se contra priscam Ecclesiae fidem, ausu plane haeretico inuenta: videntque, nisi Iustini, ac Cyrilli opera rejiciant, & errores suos funditus corruere, & catholicas veritates firmas immotasque consistere. Injuria igitur Ecclesiam ipsi calumniantur, quod praeter cruentum, mortis Christi sacrificium, aliud Altaris seu Missae incruentum, & propitiatorium velut ex cerebro suo excogitarit, tamquam si hostiam a Pontifice nostro in cruce pro totius mundi salute oblatam insufficientem crederet ad omnium hominum redemptionem. Sed haec haeticorum calumnia aperte dissipatur, si Iustini, ac Cyrilli testimoniis probeatur, non aliud modo Ecclesiam sacrificium offerre, nisi quod ante XVI. ferme saecula consuevit celebrare: Illud videlicet, quod Malachias praedixit, cum ex persona Domini prophetauit. (In omni loco sacrificatur, & offertur nomini meo oblatio munda.)

Magis magisque tamen firmabimus assertiones nostras, si de omnibus partibus Liturgiae modo rationem dabimus. Constanter tenendum est, quidquid in Liturgiis Ecclesiarum usu receptis praecipuum est ac essentiale, totum id ex Apostolica institutione profluxisse. Unde Apostolicae institutionis esse creditur: Primo usurpatio Hymni glorificationis, seu Gloria Pa-

tri, & Filio, & Spiritui sancto, qui non Monacho cuidam Antiocheno, ut Theodoretus *lib. 2. cap. 24.* & Sozomenus *lib. 3. cap. 29.* tradunt: nec Concilii Nicaeni Patribus, ut credit Walfridus Strabo *de Reb. Eccl. cap. 25.* sed ipsis potius Apostolis adscribendus est, ut Baronius probat ad *ann. 325.* auctoritate S. Athanasii *lib. de Virgin. sive de Medit.* & S. Basilii *lib. de Spiritu sancto cap. 7.*

Secundo. Salutatio *Dominus vobiscum* Apostolicam agnoscit originem, id testante Concilio Bracarensi *can. 21. ad ann. 563.* (Placuit, inquit Patres, ut non aliter Presbyteri populum, sed uno modo salurent dicentes, *Dominus sit vobiscum*, & ut respondeatur a populo, *Et cum spiritu tuo*: Sicut & ab ipsis Apostolis traditum, omnis retinet Oriens, vel ut alii legendum putant, omnis retinet Occidens.

Tertio. Hymnus *Gloria in excelsis Deo*, cum integer recitetur, a S. Athanasio in laudato de sancta Virginitate versus finem, forte ab Apostolis, seu viris Apostolicis initium habuit; praesertim cum S. Telesphorus, qui ante medium secundi Ecclesiae saeculi floruit, constituerit ut ante sacrificium Hymnus dicatur Angelicus. Neque enim Telesphorus praefatum hymnum composuit, sed jam compositum invenit, ut bene probat Card. Bona

34 CATHOLICORUM SENTENTIA

lib. 2. Rer. Liturg. cap. 4. n. 4. impugnans opinionem Sigiberti in Chronico, & Innocentii Tertii *lib. 2. de Myst. Missae cap. 20.* quae nullum habet fundamentum in libro Pontificali, ut Sigibertus perperam credit.

Male pariter a quibusdam sancto Symmacho Papae Hymnus ille tribuitur, cujus certe auctor non fuit, quamvis fortasse ordinauerit, ut omni die Dominico, vel Natalitiis Martyrum diceretur, qui antea in Missa tantum nocturna Nativitatis Dominicae cantari soleret, quod probabile est Telesphorum decrevisse. Patres Concilii IV. Toletani circa *An. 633. can. 12.* caute scripsere, reliqua, quae sequuntur post verba Angelorum, *Ecclesiasticos Doctores composuisse*, nec rem altius petendam credidisse videntur.

Quarto. *Collectas*, seu *Orationes*, quae de more in sacrificio Missae dicuntur, Caelestinus *Epist. ad Galliar. Episc. cap. 11.* Apostolicae institutionis esse credidit cum scripsit: (Obssecrationum sacerdotalium sacramenta respiciamus, quae ab Apostolis tradita in toto mundo, atque in omni Ecclesia catholica uniformiter celebrantur.) Usus etiam Apostolici esse videtur contestatio populi, seu responsio *Amen*, cujus meminit S. Paulus *1. ad Corinth. cap. 14.* quaeque continetur in verustissimis Ecclesiarum Liturgiis, ut constat ex S.

Justino *Apolog.* 2. & S. Hieronymo *Praef. lib. 2. in Epist. ad Galat.*

Quinto. De lectione Epistolae, quae Apostolus antiquitus dicebatur, non est improbabilis opinio Walfredi Strabonis, qui *cap. 22.* dispositam credit a primis successoribus Apostolorum: idque valide confirmatur illis verbis Justini: *Commentaria Apostolorum, & scripta Prophetarum, quoad tempus fert, leguntur.* Consona sunt, quae Tertull. *in Apolog. cap. 39.* & S. Cyprianus *Epist. 33. & 34.* scripta nobis reliquerunt.

Sexto. De Evangelio dubitare fas non est, ipsum ab initio nascentis Ecclesiae legi solitum, cum Eusebius *lib. 2. Histor. cap. 15.* diserte affirmet, Apostolum Petrum Marci Evangelium sua auctoritate comprobasse, ut deinceps in Ecclesiis legeretur. Vetustissima quoque traditione receptum erat, ut Episcopi homilias ad populum haberent, quibus Evangelium fidelibus exponerent; hujusque usus antiquissimi forteque Apostolici testes sunt locupletissimi S. Justinus in *Apolog. 2.* Origenes, S. Hilarius, aliique veteres Patres.

Septimo. Quid in sacrificio offerendum sit, ab Apostolis Ecclesiam didicisse, perspicuis verbis testantur non solum laudatus Justinus, verum etiam sancti Irenaeus, & Cyprianus. Unde PP. Concilii Carthagenensis III. *can.*

24. decreverunt, *ut in Sacramentis Corporis, & Sanguinis Domini nihil amplius offeratur, quam quod ipse Dominus tradidit, hoc est panem, & vinum aqua mixtum.*

Octavo: *Præfationes* vel ab Apostolis, vel a Viris Apostolicis fuisse institutas, usque ab Ecclesia primis sæculis receptas, forte non improbabiler autumat Card. Bona *lib. 2. cap. 10. art. 1.* Longe tamen probabilius est, verba illa *Sursum corda &c.* quae *Præfationes* præcedunt, ab ipsis Apostolis Ecclesiam accepisse, testimoniis S. Cyrilli *tract. de Orat. Domin.* S. Basilii, S. Joannis Chrysostomi, & S. August. *lib. de Viduit. cap. 16. & lib. de bono perseverantiae cap. 13.*

Nono: Ipsum *Missæ Canonem*, qui insignis est pars ejusdem, ex Apostolica traditione Ecclesiam suscepisse, conceptis verbis testatur Vgilius Papa in *Epist. ad Eucher.* idque confirmat Concil. Trid. *sess. 22. cap. 4.* ubi constare *Canonem* docet ex ipsis Domini verbis, ex Apostolorum traditionibus, ac sanctorum Pontificum institutionibus. Quare audiendi non sunt, qui *Canonis Missæ* auctorem faciunt vel Gelasium Papam, vel Gregorium Magnum, vel Musaeum Presbyterum Massiliensem, vel Voconium Episcopum Castellanensem in Mauritania.

Decimo. Apostolicae quoque traditionis

est, ut omnes in commune pro diversis necessitatibus preces fundant ad Dominum, pro Rege, & Episcopis; & Rectoribus Ecclesiarum, pro pace, pro peste, pro infirmis, pro nuper defunctis, ut habemus ex *Concilio Aurelian. apud Ivonem cap. 120.* quo respiciens Tertullianus dixit *ad Scapul. cap. 2.* Sacrificamus Deo pro salute Imperatoris: & Opratus Milevit. *lib. 3.* Merito Paulus docet orandum pro Regibus, & potestatibus, etiamsi talis esset Imperator, qui gentiliter viveret.

Undecimo. Preces, quae consecrationem praecedunt, sicut & voces illas in consecratione, *aeterni Testamenti*, & *Mysterium Fidei*, ex Apostolica traditione acceptas monet Innoc. III. *lib. 4. Myster. Missae cap. 15.* quod ante illum luculentissime docuit Magnus Basilius, cum dixit *lib. de Spiritu sancto cap. 27.* (Invocationis verba, cum conficitur panis Eucharistiae, & poculum benedictionis, quis sanctorum in scripto nobis reliquit? nec enim his contenti sumus, quae commemorat Apostolus, aut Evangelium; verum alia quoque & ante, & post dicimus, quasi multum habentia momenti ad mysterium, quae ex traditione citra scriptum accepimus.

Duodecimo. Inter ea autem, quae ex traditione accepta sunt, recte numeratur Ora-

38 CATHOLICORUM SENTENTIA

tio pro Defunctis, cum diserte asserat Chrysostomus *hom. 69. ad popul. Antioch.* == Non temere ab Apostolis haec sancita fuerunt, ut in tremendis mysteriis Defunctorum agatur commemoratio. == Morem hunc Apostolos ipsos fideliter custodisse testatur S. Greg. Magnus *lib. 7. Epist. 64.* post SS. Cyrillum Ierosolymitanum, & Augustinum.

Decimotertio. Apostolorum etiam mos fuit sacram hostiam in sacrificio dividere; atque id cum per panis fractionem & in Evang. Lucae, & in Epist Pauli *I. ad Corinth. cap. 10.* tamquam a Domino institutum tradatur, mirum non est, quod ab Ecclesia fuerit inviolabiliter custoditum: propterea enim Clemens Alexandrinus *lib. 1. Stromat.* de Presbyteris loquens dixit == Cum Eucharistiam, ut mos est, diviserint, permittunt unicuique ex populo ejus partem sumere. ==

Decimoquarto. Elevationem manuum, & oculorum, & inclinationem corporis fuisse caeremonias in primo Ecclesiae saeculo observatas, facile fidelibus suadent Doctores catholici exemplo, & auctoritate Christi, & Apostolorum, & Evangelistarum.

Decimoquinto. De osculo pacis ante sanctam communionem expresse loquitur S. Dionysius; & Tertullianus *de Orat. cap. 14.* hujus ritus institutores Apostolos agnoscit.

Decimosexto . Orationum terminatio illa == Per omnia saecula saeculorum == quae frequentissime in omnibus Liturgiis repetitur, ab ipsis Apostolis inventa ab Irenaeo asseritur . Denique quaecumque in Liturgiis quibuslibet inveniuntur, & nullo fere discrimine ab universis Ecclesiis usurpantur, Apostolica esse omnino credendum est, ut recte monuit Tillemontius . Similiter Apostolica asserimus, quae a S. Dionysio Areopagita *in lib. de Eccl. Hierarch.* traduntur, in quibus sunt 1. Lotio manuum Sacerdotis in Altari : 2. Thurificatio, ejus etiam mentio fit *can. 4. Apostolorum* : 3. Sacra Psalmorum melodia : 4. Recitatio Symboli, de quo accipienda sunt illa Dionysii verba == Praeconfessa ab omni plenitudine universalis Ecclesiae Hymnologia : == Pro usu Hymnologiae in ipso Ecclesiae exordio extat apud Plinium minorem *lib. 10. Epist. 97.* locus insignis merito conferendus cum allatis ab Eusebio *in Historia Eccles. lib. 5. cap. 28.*

Post expositas partes Liturgiae, sive sacrificii Missae, modo tractandum superest de Liturgiis singularum Ecclesiarum .

CAPUT SEXTUM.

LITURGIAE
SINGULARUM ECCLESiarUM.*De Liturgia AETiopica, & Coptica.*

Liturgiam AETiopicam, & Copticam, ex illis SS. Basilii, & Chrysostomi esse concinnatam, ab iisque fere non diversam censet Cardinalis Du-Perron *tract. de Euch. lib. 2. in respons. ad objectiones ex Liturgiis desumptas cap. 1.* loquens de AETiopibus, & Coptis a communione Romanae Ecclesiae avulsis. Michael Vanslebius in *Epist. praefixa Lexico AETiopico*, Ludolphi indicem texuit librorum AETiopica lingua scriptorum, atque priori loco recenset librum Liturgiarum, ex quibus primus adscribitur S. Joanni Evangelistae, 2. Patribus orthodoxis 318, hoc est integro Concilio, 3. S. Epiphanio, 4. S. Jacobo Episcopo in Syria, 5. S. Joanni Chrysostomo, 6. exhibetur sine auctoris nomine, 7. SS. Apostolis indiscriminatim, 8. S. Cyriaco, 9. S. Gregorio, 10. impio Dioscoro Patriarchae Alexandrino.

Quae vero in usu est apud AETiopes *Liturgia* nihil ferme discrepat a Graeca. Porro

hanc unicam non esse, sed multiplicem, constat ex Abrahamo Ecchellenfi, qui in *notis ad Catal. Hebed. Jesu pag. 134* testatur se Liturgias Orientalis Ecclesiae plusquam 50. vidisse; iisque nonnullas addit diversas Gabriel Sionita. Omnes tamen in paucis minusque praecipuis differre ab illis SS. Basilii, & Chrysostomi, conveniunt inter rerum Liturgicarum Scriptores.

ARMENORUM.

Ceterum Armeni, qui proprio idiomate sacra conficiunt Mysteria, & Maronitae, qui Libanum Montem incolunt, Azymo pane in sacrificio utuntur, nec in aliis Ritibus cum Graecis prorsus conveniunt.

GRAECORUM.

Graecorum autem Ecclesiae Chrysostomi Liturgiam quotidie sequuntur, exceptis Quadragesimae Dominicis, praeter illam Palmarum, Feria quinta, & Sabbato sancto, vigiliis Nativitatis, & Epiphaniae, & Festo S. Basilii, quibus diebus Basiliana Liturgia in usu apud Graecos est.

SYRIACA.

Liturgiam Syriacam Jacobitarum, omnino esse orthodoxam, adeoque antiquam, ut ad tempora Apostolica jure possit revocari, opinio est virorum criterio insignium.

LITURGIAE ECCLESiarUM
OGGIDENTALIUW.

De Occidentalis Ecclesiae Liturgiis plura scitu digna observant Baronius, & Bellarminus; atque ex Neotericis Card. Bona, Mabillonius, Morinus in *oper. de Sacram. Ordinât. part. 2.* Card. Thomastus in *codice Sacramentorum*, Edmundus Martene, & Ursinus, Durandus in *Thesauro Anecdotorum tom. V.* Horum autem omnium potiora in *Critica sua* delibavit Pater Honoratus a S. Maria *lib. 5. dissert. 3. art. 3.* qui est de Liturgiis Ecclesiae Latinae. Ibi perdoctus piusque criticus agit 1. de Missa Ecclesiae Romanae, 2. de Missa antiqua Gallicanae Ecclesiae, 3. de Liturgia Mozarabica, 4. de Liturgiis Affricanis, 5. de Liturgiis Ecclesiarum Angliae, 6. de Missa Latina a Mathia Flacco Illirico anno 1557. publicata. De his omnibus nos etiam breviter tractabimus, & ordine supra posito.

DE LITURGIA ECCLESIAE
ROMANAE.

Liturgiam , seu Missam Ecclesiae Romanae plura , eaque praecipua continere , quae ex Apostolica traditione , ac praetertim ex ipsius Principis Apostolorum institutione recepta fuerint , dubitare utique non licet . Nec propterea contentiose propugnamus , S. Petrum scripto tradidisse librum aliquem Liturgiae , qui vel temporum injuria perierit , vel extet adhuc quamvis interpolatus , magnaue ex parte corruptus in aliqua ex *Liturgiis* , quae S. Petri nomine circumferuntur . Probe enim novimus ex illis alteram a *Canone Gregoriano* ferme non distingui , alteram vero coalescere ex praefato *Canone* , & Liturgia S. Joannis Chrysostomi , & singulas singulis Graecis scio-
lis haud infundate attribui . Ceterum valde improbabile existimamus , quae S. Petrus instituit , & vel scripto , vel verbo docuit , ea S. Clementem Papam Ecclesiae sibi concreditaе intemerata communicasse , ac literis in sua illa apud veteres famigerata Liturgia posteris consignata reliquisse . Licet enim hocce Clementinum opus aut omnino fuerit deperditum , aut si adhuc extet , non nisi admo-

dum depravatum, quod visum est eruditissimo P. Ludovico Du-Mesnil *lib. 3. cap. 12.* illud olim incorruptum habuit Ecclesia, ex eoque hausit, quae ipso usu quotidiano ad haec usque nostra tempora retinuit. Quare prorsus verum est quod S. Isidorus *lib. 1. de Eccl. Offic.* dixit, nempe == Ordo Missae, vel rationum, quibus oblata Deo sacrificia consecrantur, primum a S. Petro est institutus. == Et quod Walfidus *lib. de Reb. Eccl. cap. 22.* his verbis expressit == Et Romani quidem usum observationum, a B. Petro Principe Apostolorum acceperunt. Quorum morem ideo in sacris rebus tam multae gentes imitantur, quia & tanti magisterii ex apice Apostolico primordiis clarent. ==

Quod vero S. Clemens == summi illius Apostolorum Principis Discipulus, & successor sacrosancta illa mysteria a sanctis Apostolis sibi revelata, in lucem ediderit, discrete totidemque ferme verbis testatus est Proclus *in lib. 7. de Tradit. Divinae Missae*. Unde sapienter circumspecteque loqui Bellarminus nobis videtur, cum scribit: (De Liturgia S. Clementis idem fere dicendum occurrit, quod de Liturgia s. Jacobi, eam vere Clementis esse, sed a posterioribus autam: credibile autem est, Clementem non ex proprio iudicio, sed ex ritu, quem ob-

servari viderat a S. Petro, Liturgiam composuisse: quemadmodum & ipse S. Petrus nihil aliud faciebat in offerendo sacrificio Eucharistico, nisi quod ipse Dominus fieri jusserat. Meminerunt Liturgiae S. Clementis Proclus Patriarcha Constantinopolitanus *lib. 7. de tradit. Divinae Missae*, & Nicolaus Episcopus Methonensis *in lib. de veritate Corp. Christi*, & Cardinalis Bessarion *in lib. de sacr. Eucharisticae*).

DE LITURGIA GALLICANA:

Liturgiam peculiarem veteres Gallos habuisse, qua Gallicanae Ecclesiae uterentur, antequam Romanos Ritus ab illorum temporum Gallicanis longe diversos admisissent, pene exploratum habetur apud recentiores Eruditos, auctoritate Hilduini in *Epist. ad Ludovicum Pium in Areopagiticeis*. Imo Cardinalis Tomasius in *codice Sacramentorum*, Mabillonius *lib. 3. de Liturgia Gallic.* & Card. Bona *de reb. Liturg. lib. 1. cap. 12.* tres Gallicanas Liturgias distinguere videntur, nempe Gallicam, Francicam, & Gallicanam veterem, quae a Gelasiana diversa non erat, vel erat ex Gelasiano, & Gregoriano codice mixta.

Haec autem distinctio nec a Scriptori-

bus satis clare explicatur, nec a P. Honorato rata, firmaque habetur. Faterur quidem hic auctor, Alcuinum ex Gelasiano, & Gregoriano Missae ordine unum Missale composuisse; negat tamen, eo usos fuisse Gallos. Nec Mabillonii sententiam admittit, asserentis *cap. 12, art. 5; lib. 1*. Veterem Missam Gallicanam ei similem fuisse, quae Toleti, & per universam Hispaniam, atque etiam in Gallia Narbonensi in usu fuit. Nam alia, inquit, erat Liturgia vetus Gallicana, alia Liturgia Gallicano-Gothica, quam cum Hispanicis Ecclesiis communem habebant illae Galliarum Provinciae, quae Gothorum parebant dominationi.

Utrum vero vetus Gallorum Liturgia vel Musaeo Massiliensi Presbytero, qui circa ann. Chr. 450. librum *Sacramentorum*, seu uti Mabillonius interpretatur ex consuetudine apud veteres phrasi, *de Mysteriis Eucharistiae* conscripsit, tribuenda sit; vel Sidonio Apollinari, qui teste s. Gregorio Turonensi librum edidit *de Missis*, prudentius dubitatur, quam asseritur.

Possetque forsan haud improbabilius affirmari, veterem illam Liturgiam Gallicanam, in qua passionum Apostolorum, ac Martyrum succinte commemorabantur, desumptam magna ex parte fuisse ex lib. *Hymnorum*, &

SINGULARUM ECCLESiarUM. 47
ex alio *Myfteriorum* s. Hilarii, quorum S. Hieronymus expresse meminit. Et quidem testatur Alcuinus in *lib. de Divin. off.* Hymnum *Gloria in excelsis Deo* a B. Hilario Pictaviensi postea auctum, & consummatum esse: quam additionem Athanasius forte viderit, qui, uti superius monuimus, integrum Hymnum recitavit.

DE MOZARABICA.

De Liturgia Mozarabica, quae forte ab Affricanorum communi Liturgia ferme non sit diversa, ut suspicantur Card. Bona, & Thomassius, nec non Pater Mabillonius, agit compendiose P. Honoratus a S. Maria §. 4. variisque conjecturis probare conatur, eam in usu fuisse apud Hispanos ante S. Isidorum, quem proinde ejus Liturgiae auctorem agnoscere renuit, quidquid Card. Baronius judicaverit, deceptus forte falso titulo eidem Liturgiae praefixo, nempe = *Officium Gothicum*, sive mixtum secundum regulam S. Isidori dictum Mozarabes. = Caveus in *Histor. Literar. ad ann. 583.* eandem Liturgiam melioribus conjecturis attribuit S. Leandro Hispalensi Archiepiscopo; quem non parum laborasse in ordinando Missae officio, idem S. Isidorus frater testatur in *lib. de script. Eccl.*

cum tamen nihil simile affirmant de Isidoro, aut Braulio Caesaraugustanae Ecclesiae sanctissimus Antistes, aut Ildephonso Tolentanae Praeful praeclarissimus.

Nos tamen libenter complectimur iudicium P. Gasparis Sanchez, qui *tract. 3. de praedicatione S. Jacobi cap. 11. num. 3.* censet, Hispanam primitivam *Liturgiam* ab Apostolis derivatam Hispanos ipsos accepisse per septem Apostolorum Discipulos, a S. Petro Episcopos ordinatos, & Ecclesiis Hispaniarum praefectos. Et profecto ab illis indutum esse illum orandi modum, quem in officio Mozarabo videmus, quemque Isidorus accurate servavit, docent Julianus, & Felix Tolerani Praefules. Nec propterea diffitemur veteri Hispaniarum *Liturgiae* in non substantialibus plura fuisse addita a Leandro, ab Isidoro, ab Ildephonso, & a Juliano, qui obiit an. 728. Nam & hoc factum pariter constat cum omnibus sive Latinis, sive Graecis Liturgiis, & cum ipsa vetustissima omnium Romana, quae licet ex Apostolica traditione credatur accepta, multas sane mutationes successu temporis subiit, & aliter a Gelasio, aliter a Gregorio in accidentalibus fuit ordinata. Quapropter Cardinalis Bellarminus *tom. 2. Controv. lib. 2. de Missa cap. 19.* sapienter dixit = Licet quaedam Litur-

gia dicatur Basilii, alia Chrysostomi, alia Ambrosii, alia Gelasii, seu Gregorii (nostra videlicet Romana) alia Isidori, non tamen isti Auctores *Liturgiam* de integro composuerunt, sed solum eam, quae suo tempore erat in usu, ad meliorem formam redegerunt, vel detrakendo, si quid irrepsisset minus conveniens, vel addendo aliquid pro temporum varietate; sic tamen ut substantiales partes *Liturgiae* ab Apostolis institutae integrae remanserint ==.

Unde Anastasius Bibliothecarius in vita Gelasii scribit, quod hic Papa == Fecit Sacramentorum praefationes, & orationes ==: inde, verus *Liturgia* propter additiones a Gelasio factas appellari coepit (Codex Gelasianus.) Codex hic duobus tomis distributus visus est Magno Gregorio aliquantulum longior, quam oporteret: ideoque ex eo multa subtrahens, pauca convertens, nonnulla superadjiciens, in unius libelli volumine coarctavit quod ex tunc *Sacramentarium* Gregorii nuncupatum est, uti referunt Joan. Diaconus in vita S. Greg. & Berno Angiensis in libello de reb. ad mis. pertinentibus cap. 1.

Habuit procul dubio Roma ante Gregorium, & Gelasium, suam *Liturgiam* ab Apostolis verbo traditam, ac verisimiliter scripto acceptam a S. Clemente Petri successore: atque ea probabiliter esse creditur, quae ha-

betur in constitutionibus Apost. illius nomine divulgatis : nam hic liber *Constitutionum* tamen si dubiae fidei sit, D. Epiphanio teste, *haeres. 70. n. 10.* (non est tamen improbandus : nam in eo , quae ad Ecclesiae disciplinam attinent, omnia comprehenduntur : neque quidquam aut in fide, ac catholica professione depravatum, aut Ecclesiae administrationi, ac decretis contrarium continet.) Neque illi duo Pontifices primi fuerunt, qui originalem Liturgiam in multis vel additione, vel accidentali aliqua mutatione alterarunt : unde ante tempora Gelasii, Alexander primus ex traditione Apostolica, quæ forte tunc non esset satis vulgata, decrevit, ut aqua vino admisceretur in Sacrificio. Sixtus I. Seraphicum Trisagium Missae addidit. Damasus I. Hispanus, qui floruit post medium saeculi IV. symbolum Nicaenum in Missarum solemniis canere praecepit, uti refert praecitatus P. Honoratus ubi supra §. 1. Sed Cardinalis Bona *lib. 2. de reb. Liturg. cap. 8. n. 2.* hunc morem Orientalium fuisse testatur — quem postea Hispani primi inter Latinos receperunt —.

Constat autem Hispanos symbolum proferre coepisse ex Decr. celeberrimi Concilii Toletani III. 65. Episcop. quod proinde Nationale appellant, celebratumque est sub Re-

caredo Rege catholico ann. 589. Alii Damaso adscribunt additionem *Gloria Patri* pro fine cujusque Psal. Off. Divini. Denique alii alias circa publica officia leges sanxerunt; nec propterea Liturgiam quoad substantiam mutarunt.

Et Hispania quidem adeo studiosa tenaxque fuit in conservando officiorum ordine, quem ab Apostolicis viris ab initio accepit, ut non defuerint scrupulosi, qui volebant canere in Ecclesiis aliquos Hymnos in laudem Dei a sanctissimis viris compositos (eos specialiter reprobantes pro eo, quod de scripturis sanctorum Canonum, vel Apostolica traditione non existant), ut refertur *can. 13. Concil. IV. Toletani 62. Episcop. sub Sisenando Rege an. 633.* Synodus ad sedandas scrupulosas conscientias statuit, = ut sicut orationes, ita & hymnos in laudem Dei compositos nullus ulterius improbet =.

Praefuit huic Concilio Isidorus; & quia in eo plura circa Divina officia sunt ordinata, *Decretis 2. 5. 7. 9. 10. 11. 12. 13. & aliis sequent.* ex hoc exteri inferre voluerunt Hispanae Liturgiae auctorem fuisse Isidorum. Verum hi facile videre potuerunt in eodem Concilio plurima referri veteris *Liturgiae*, quae neque Isidorus, neque Concilium ipsum ordinavit, sed ordinata ac in usum recepta in-

venit. Certe Synodus III. Toletana celebrata plusquam 40. ann. ante IV. quae Apostolorum symbolum ante orationem Dominicam recitari decrevit, nequaquam Liturgia caruit: nec Ecclesiae Hispaniarum, quae ab ipso Ecclesiae Christi nascentis exordio fidei laude claruerunt, sacramentorum ordinem ac sacros. ritus ignorarunt.

Rursus in Hispania *Liturgia*, quae postea dicta est *Gothica* sub Gothis Regibus, subinde *Mozarabica* sub Arabibus: (simili modo P. Thomas, & Pater Mabill. pro Galliarum Ecclesiis nominant Missale *Gallicanum* vetus, Missale *Francorum*, & Missale *Gothicum*, quod in usu fuit in Ecclesiis Galliae Narbonensis, quae Gothis Hispaniarum Regibus parebat) quinto saeculo jam erat vitata; nam is, qui eidem addidit Missam S. Martini Episcopi Turonensis, qui obdormivit in Domino an. 402. in oratione propria haec verba apposuit = Hunc virum, quem aetatis nostrae tempora protulerunt, jubeas auxilium nostris ferre temporibus =.

Neque hic sistenda Hispanae *Liturgiae* vetustas. Nam ut permittamus modo Galliarum Criticis (quod illis nimium videretur placere) neque Jacobum, neque Paulum, neque alios ullos Apostolicos viros Hispanias peragrasse, aut Ecclesias in illis instituisse:

constat sane ex Tertulliani testimonio ad Scapul. c. 4. christianam fidem suo tempore in Hispaniis triumphasse: de Hispania enim loquitur; ubi dicit: — A Praefide Legionis vexatur hoc nomen —. Rursus constat ex S. Irenaeo *lib. i. cap. 1.* Ecclesias tunc temporis in Hispania fundatas: unde scribit: — Fundatae Ecclesiae, quae in Iberis sunt —. Constat demum ex S. Cypriano, quod sua aetate Hispanus Clerus florebat; ideo Clero populoque Hispano epistolam, quae 64. est, transmisit. Haec certa apud omnes sunt. Et tamen Critici, qui fidem, Clerum, fundatasque in Hispaniis, prioribus saeculis, Ecclesias negare non possunt, Fundatores negant Ecclesiarum; & cum de fructibus dubitare nequeant, de arboribus dubitant.

De illis Ecclesiis tempore S. Irenaei in Hispaniis fundatis doceant nos aliquid adversarii nostri eruditissimi. Quales ipsi Fundatores Ecclesiis illis assignant, siquidem assignatos a nobis negant? Qua Liturgia usus est Clerus ille Hispanus D. Cypriano notissimus? Numquid adeo infelicem dicemus, ut nec Patres habuerit Apostolos, nec ab his edocta mysteriorum arcana aliqua didicerit via? Et quo pacto adeo firma fuit semper fides Hispanorum, si superaedificati non sunt super fundamentum Apostolorum, & Prophetarum?

Hispani (inquit) Jacobum agnoscimus uti praecipuum nostrarum regionum Apostolum : ab eo jacta nostrae fidei fundamenta unanimiter profitemur .

Sed Hispani , inquit Calmet (nullum satis firmum fundamentum ad haec probanda exhibent.) Ita sit , quoniam sic Criticis placeat (respondet pro omnibus Reverendissimus Pater Michael Episcopus Guadensis Matritanus in sua Bibliographia critica) sed ipsi minime crederent , esto Hispani firmiora adducerent , & affert exemplum . Supponamus , inquit , Jacobum majorem , de quo nobis est sermo , aliquam canonicam epistolam scripsisse , atque in ea semel iterumque promisisse iter ad Hispanias capessere . Supponamus insuper de Jacobi profectu ad Hispanias luculenta dedisse testimonia & S. Athanasium , & S. Cyrillum Hierosolymitanum , & S. Epiphanium , & S. Joan. Chrysostomum , & Theodoretum , & S. Gregorium magnum , & Ven. Bedam cum aliis ; at S. Hieronymum in *cap. 11. Isaiae* etiam modum profectionis in hunc modum narrasse : == in Hispaniam alienigenarum portatus est navibus == ; modo inquirimus : Numquid adversariis ista sufficerent , ut Jacobi adventum in Hispaniam crederent ? neutiquam ; & ratio in promptu est ; namque ista omnia Hispani allegamus , ut prae-

dicationem Pauli per Hispanias probemus ; & tamen moderni Critici , ut Du-Pin , & Tillemont cuncta haec flocci faciunt : imo & Paulum ipsum tacite reprehensibilem supponunt ; si enim Apostolus futurorum inscius promisit Hispaniam adire , oportebat juxta monitum Jacobi *cap. 4.* adjungere = Si Dominus voluerit , aut , si vixero , ad Hispanias proficiscar = .

Pater Honoratus a S. Maria loco supra citato existimat officium *Gothicum* , seu *Mozarabicum* nonnisi ineunte saeculo VI. fuisse compositum : & hanc suam opinionem inde deducit , quod constet ex Braccarensi Concilio ann. 408. celebrato , Profuturum illius sedis Episcopum accepisse a Romana Ecclesia ordinem celebrandi Missam . Hujusmodi Concilium erutum *ex lib. 6. Monarchiae Lusitanae* P. Bernardi de Brito , Monachi Cisterciensis *cap. 2.* postea recusum est a Philippo Labbè in recenti Conciliorum editione Parisiensi absque nota ulla ; & suspectae fidei habetur apud nonnullos scriptores . Nihilominus assumptum Auctoris sufficienter probatur ex can. 4. alterius synodi Braccarensis habitae ann. 560. aut 563. sub Ariamiro Rege catholico , in quo ita decernitur : = Item placuit ut eodem ordine Missae celebrentur ab omnibus , quem Profuturus quon-

dam hujus Metropolitanae Ecclesiae Episcopus ab ipsa Sedis Apostolicae auctoritate suscepit scriptum =. Ex hoc canone, inquit Auctor, duo concluduntur: 1. Quod Ecclesiae Hispaniarum saeculo V. Romanos ritus acceperunt. 2. Quod nonnisi hoc saeculo V. elapso Gothicum Missale habuerunt. Videtur tamen nobis neutrum concludi.

Non primum, quia can. Concilii octo Episcoporum non obligavit omnes Ecclesias Hispaniarum, quarum Antistites saepe in unum convenientes ad celebranda sacra commitia, numquam Romani officii meminerunt; nec verisimile est, illud semel acceptum, reliquisse, & nullibi talem ac tantam mutationem commemorasse. Praeterea ex allegato canone constat quid a Synodo illa Provinciali circa propriam Provinciam fuerit dispositum, minime autem, an id fuerit executioni mandatum: quare sicut contrigit, quod Ecclesiae Provinciae Braccarensis nondum accepissent officium Romanum eo tempore, quo canon iste editus est, licet Profuturus ante 50. annos illud suscepit; ita similiter potuit accidere, quod nec post dictum canonem, ejusdem officii usus invaluerit adhuc in Ecclesiis Braccarensis Metropolis.

Concilium Illiberitanum, seu Eliberitanum in Hispania, quod non tardius, quam

ann. 324. celebratum fuit, can. 29. praecepit (Energumentum, qui ab erratico spiritu exagitur, hujus nomen neque ad Altare cum oblatione esse recitandum:) ubi Synodus consuetudinem supponit recitandi nomina Benefactorum, quam recitationem Diaconus faciebat, vigebatque in Ecclesia Africana tempore S. Cypriani, ut liquet ex illius 10. & 60. epistolis. Haec actio dicebatur = Nomen offerre =; quae videtur vitiata quondam fuisse aliqua vana ostentatione, quandoquidem illam redarguit D. Hieronymus *lib. 2 in Jerem. cap. 11.* dicens: = Nunc publice recitantur offerentium nomina, & redemptio peccatorum mutatur in laudem =. Olim offerentium nomina recitabantur, antequam Sacerdos super oblationem preces funderet: postea Innocentius I. can. 2. inverso ordine fieri mandavit. Enim vero can. ille Illiber. non videtur usu in Hispaniis receptus; siquidem post 300. circiter annos adhuc offerentium nomina absque Energumenorum exceptione elata voce pronunciabantur, ut constat ex S. Isidoro Episc. ad Ludifredum Cordub. Episc. in cap. *Porrectis 26. distinct.*

Dato etiam gratis quod Ecclesiae Bracarenensis Provinciae, nec ipsae solae, sed universae totius Hispaniae Ecclesiae saeculo V. communi usu recepissent Romanum Missale:

quo pacto ex hoc antecedente, liberaliter
 permisso, inferre potest P. Honoratus, non-
 dum per id tempus extitisse Missale illud
 Hispanum, quod multo post appellatum est
Gothicum? Hispani quidem dum Romanum
 officium acceptarunt, aliud fane reliquerunt:
 neque enim sine ullo officio sacra perage-
 bant: & cur Missale tunc relictum esse ne-
 quivit, quod *Gothicum* postea est nomina-
 tum? Etenim citra controversiam est, eodem
 quoque scriptore annuente, ordinem Romani
 officii usu in Hispania receptum sub Alphon-
 so VI. Rege catholico circa an. 1080. Hoc
 tandem ab Hispanis obtinuit urgentissima jus-
 sio S. Gregorii VII. reluctantibus diu fide-
 libus, quibus grata erat religiosa propriae
 gentis disciplina, caelesti etiam signo com-
 probata, ut ex historiis Toletana, & Compo-
 stellana probant Roder., Deza, Mariana, San-
 doval, Morleta, Pifa, Henaio, alique plures
 apud Marchionem Mondexar, qui igne exa-
 minatum, probatumque scribunt officium Go-
 thicum, utpote in doctrina purissimum, ac
 in sacris caeremoniis valde mysteriosum, quod
 Card. Baron. ingenue fassus est in Martyrol.
 Idibus Maji: neque toleranda hac in parte
 facilis negatio doctissimi Cardinalis Bonae,
 qui tantorum testimonia contemnit, non alia
 ratione, nisi quia ita libet; prodendus quo-

que est Zuritæ lapsus, qui insigni parachronismo illud Papæ Gregorii VII. effatum = illusionem Toletanam = quod in literis ad Ronimirim pro officio Romano datis continetur, ad ignis assertam probationem refert, quæ multo post easdem literas accidit: cæterum, Romano officio ab Hispanis accepto, adhuc permanfit, hactenusque perseverat Gothicum omnino purum, quod inconsultius negarunt Spondan. & Natal. Alexand. in *selecta historia* p. 1. sæc. 1. differ. 14. eoque proinde hac nostra ætate utuntur sex Toletanae Urbis paroeciae, nempe S. Luciae, S. Sebastiani, S. Justae, S. Antonii, S. Eulaliae, S. Marci, & capella Card. Ximenes. In ipsa primaria Hispaniarum Ecclesia Salmanticae quoque, ubi sapientia (Hispanorum axioma) velut in proprio domicilio moratur, certis anni diebus Mozarabo ritu sacrum absolvitur. In Civitate etiam Marochii Tingitanae Regionis sub Jacob Almanfor, Hispani, qui ad Regis hujus custodiam adsciti fuerunt an. 1170. eodem ritu sacra mysteria celebrarunt.

Utrum Liturgia Mozaraba eadem sit cum Gallicana veteri, ut Cardinalis Bona supponit, vel saltem non diversa ab antiqua Africana, ut idem Auctor suspicatur, videre est quæ jam superius de veteri Gallicana dixi.

mus, & quae dicenda sunt de Africana inferior. Solum hic addemus, Jacobum de Vitriaco Card. XIII. saeculi scriptorem Gallum in hist. Orient. cap. 81. exarasse, Christianos Africae Hispaniaeque Ecclesiarum, eadem Liturgia usos fuisse dicto saeculo XIII. quod verum fortasse sit, quoniam eo jam tempore Africani exemplo Hispanorum, Romanum susceperant officium, cujus tunc usus apud Latinos ferme omnes vigeat. Nomine autem Romani officii intelligimus Gregorianum, quo Gallicanae Ecclesiae uti coeperunt a tempore Caroli Magni, qui idem officium per universas Romani Imperii ditiones potissimum propagavit. Ante hujus Imperatoris tempora ordo Gelasianus Galliarum Ecclesiis erat veluti proprius, licet non unicus; nam constat ex inventario librorum monasterii S. Ricarii in Picardia an. 881. confecto, de quo in Chron. monasterii Cetulens. apud Dach. tom. 4. *spicileg. lib. 3. cap. 3.* quod reperti fuerunt = De libris sacrorum, qui ministerio altaris deserviunt, Missales Gregoriani tres, Missalis Gregorianus, & Gelasinus modernis temporibus ab Albino ordinati; Missales Gelasini decem & novem =. Ex hoc enim documento P. Honor. §. 2. infert, Gallias nullum praeter Gelasinum, officiorum ordinem habuisse a principio VI. saeculi usque ad im-

perium Caroli Magni: imo videtur idem auctor supponere, neque ex alio antiquiore aliquid tunc temporis superfuisse; nam Alcuinus ait, sive Albinus, qui ex Gelasino, & Gregoriano unum officium coaptavit, non id fecisset, sed potius unum codicem conflasset ex Gregoriano, & ex Gallico veteri, si hujusmodi vetus Gallicanum, aut Francicum officium invenisset. Quae ratiocinatio nobis certe infirma videtur: quippe ante Gelasium Gallicanae Ecclesiae *Liturgiam* procul dubio habuere: est autem inverisimile nullum ejus Liturgiae exemplar extitisse tempore Alcuini; vel certe hoc minime probatur ex eo, quod ille in sua collectione talis Liturgiae non meminisset. Hoc quidem in praesentiarum sufficiet pro Liturgia Mozarabica.

DE AFRICANA.

De Liturgiis Africanae Ecclesiae pauca admodum explorata compertaque habemus. Veterem Rom. & antiqu. Hispana ex parte convenisse, & insuper quaedam peculiaria, & ab utriusque ritibus diversa continuasse, verosimillimum nobis est. Certe in ordine Romano nonnulla desiderantur, quae inveniri apud Marium Victorinum *lib. i.* adversus Arium, & apud S. Fulgentium Ruspem-

fem Episc. *cap. 14. in Epist. 1. ad Corinth. in edit.* P. Sirmondi, deprompta ex veteri Ecclesiae Africanae *Liturgia* Cardinalis Bona observavit; *lib. 1. cap. 7. art. 3.* Egregius quoque Hispaniarum Doctor Isidorus non nihil discriminis agnovit inter Africanum, & Hispanum officiorum ordinem: = In Africanis regionibus, inquit *lib. 1. de offic. Eccles. cap. 13.* non omni tempore, sed tantum Dominicis diebus, & 50. post Domini Resurrectionem *Alleluja* cantatur. Verum apud nos, secundum antiquam Hispaniarum traditionem, omni tempore cantatur *Alleluja*, praeter dies jejuniorum, vel Quadragesimae = . Additur in Lexicon Macri, quod in officio Gothico, seu Mozarabico adinstar Graecorum Ritus habetur in Exequiis *Alleluja*: quod & Gallicanam Ecclesiam observasse ait Baronius ad ann. 590. Jam in funeralibus generaliter omittitur in signum moestitiae, *de consecr. diff. 1.* & Concil. Tolet. XIV. *can. 10.* Praeterea in Missa Mozarabica duplex lectio, Epistola, seu Apostolus ante Evangelium legitur, & altera ex veteri, altera ex Novo Testamento desumitur: in Africana autem una sola lectio ex Paulinis Epistolis communiter desumpta recitabatur, eique subnectebatur Graduale, ex Psalterio; quod videtur significari ab Augustino verbis illis *Epist. 7. & 10. de verbis*

Apostoli == Apostolum audivimus; psalmum audivimus; Evangelium audivimus; consonant omnes Divinae lectiones ==. Denique apud S. Cyprianum variis in locis, apud Tertulianum in *Apolog. in lib. de Anima cap. 9. in lib. de Corona cap. 3. lib. 5. contra Marcionem cap. 8.* & apud D. August. *serm. 227.* plura sparsim reperiuntur, quae si colligantur, aliquam de Africana Liturgia ideam exhibere possunt.

DE LITURGIA ANGLICANA.

Pro veteri Liturgia Anglicana haud certiora supersunt monumenta. Incertum, an Paulus, vel alius quispiam Apostolus, aut Apostolicus vir Evangelium in illis partibus praedicaverit. Probabilissimum, si non ante alius, saltem ann. circiter 192. S. Eleutherium cum Missis Apostolicis Fugatum, & Damianum etiam Ecclesiae Romanae Ritus ad Angliae Regem misisse. Fere certum media saltem aetate Anglos veterem *Gallorum Liturgiam* recepisse: tandemque Gregoriano ordini se se accommodasse.

Quemadmodum denique ab omnibus sacrae Liturgiae scriptoribus de illa Missa, bona, ut inquit, fide, sed prava sane intentione, tractatur, quae a Mathia Elacco Illiri-

co inventa fuit: sic & nos in hac parte sententias aliorum ponemus, nostramque cum celebrioribus scriptoribus manifestabimus. Hanc igitur Missam Latinam in antiquo codice M. S. repertam fuisse a supra citato Illirico; & typis mandasse Anno 1557. cum sequenti titulo, aliquorum est sententia: = Missa Latina, quae olim ante Romanam circa septingentesimum Domini annum in usu fuit, bona fide ex vetusto authenticoque codice descripta = Eminentissimus Cardinalis Bona *cap. 12. lib. 1. Rerum liturg. judicium falsitatis nobis donavit. Imo Georgius Wicellius Lutheri antea discipulus, postea catholicus & acerrimus defensor Liturgiae Ecclesiasticae, statim ac in eam oculos fixit inquit = Edidit Illiricus repertam Missam Latinam, non triumphans tamen de thesauro tanto adversus Catholicos, cum vel caecutienti homini appareat, totum illud quod edidit, contra Lutheri, Calvinique sectas edidisse, sed & nobis Catholicis rem longe gratissimam fecisse. Quid enim nisi Missam Latinam, quae hodie in usu generali est, insciens imprudensque defendit? Tantum abest, ut suo sectaeque more oppugnet. Locupletior est illa quidem, plusque precum continet, sed omnino tamen eadem est cum usitata; cujus etiam dicta factaque omnia passim sequitur, ut di-*

versam esse confirmare nemo audeat =. Verba hujus Auctoris laudavit Carolus Le Coin-
te, & merito.

Aliud argumentum accedit ad falsam Il-
lirici persuasionem evertendam, quod alia
quaedam Missa eodem modo interpolata re-
peritur ad usum alicujus Ecclesiae Romanae
Dioeceseos; ea extat in Cod. M.S. Biblio-
thecae Eminentissimi Card. Ghisii n. 1521.
characterem Longobardico, sed imperfecta: conti-
net primo aspirationes ad Deum ex psalmis
artificiose contextas, & alias orationes, &
Lytanias: Secundo ordinem Missae usque ad
Evangelium, non reliqua. Haec Missa Gallica-
na dici non potest; nam utitur versione psal-
morum Italica, quae diu in usu fuit non so-
lum in Urbe, sed & in omnibus Ecclesiis
Suburbicariis, aliisque Regionibus, excepta
Gallia, quae versionem a S. Hieronymo emen-
datam statim recepit, atque ideo versio Gal-
licana dicta est.

Item in missali M.S. Bibliothecae Vatic.
n. 3807. proponitur oratio *Summe Sacer-*
dos pro celebrantis arbitrio recitanda, dum
in choro *Kyrie*, vel *Gloria* cantatur: hoc
idem habetur apud PP. Ordinis Praedicatorum;
ex quibus concludendum, quod prae-
dictae interpolationes in solis Missis solemnibus
locum habeant, ut tam Sacerdos, quam

Ministri, psallente choro, iis vel ex integro, vel ex parte, quemadmodum observavit Card. Bona, recitandis occuparentur. Missae hujusmodi vel circa finem decimi saeculi, vel initio undecimi principium habuerunt, quod quidem ex charactere Longobardico, ex nominibus Monachorum, ex notis, aliisque circumstantiis comprobatur. Ergo Missa illius Illirici nullius roboris est.

Hoc cum intellexissent Lutherani, universa editionis exemplaria flammis tradere decreverunt, paucaque incendium evadere poterunt, ex quibus unum in Bibliotheca Caesarea adservari dicitur, alia viderunt Peyrac, Le Coïnte, & Menardus.

DIATRIBA I.

De Baculo Pastoralis Pontificum.

Eruditissimus Cardinalis Bona in suo *lib. 1. Rerum Liturgicarum cap. 24. pag. 887. edit. Antwerp.* agens de Baculo Pastoralis, ejusque usu, ac materia, controversiam hujusmodi non notavit, quamvis de aliis Pontificalibus diffusissime scripseret: dicit tantummodo = Quod Regibus sceptrum, id. Baculus est Episcopis, insigne scilicet auctoritatis, sollicitudinis, & correctionis =.

Baculus igitur nominatur etiam Virga, Cambuta, Ferula, Cambuca, Camboca, & a Budeo etiam Lituus Pontificius, quali olim Augures utebantur. Materia istius instrumenti non semper eadem fuit; nam aliquando ex quadratis lignis, & ossibus, aliquando ex Cypressino, aliquando ex argento, & auro. Forma pariter pro varietate Ecclesiarum varia fuit; sed de his non curamus eo vel maxime, quod in sententia antiquiores, recentioresque scriptores conveniant.

De usu tantum disputabimus: nam nonnulli asserunt, Pontifices Maximos numquam baculo usos fuisse, sed ferula; alii vero oppositum tenent. Nos autem ultimam sententiam validissimis fundamentis sustinebimus; & ne in re tanti momenti aliquid obscurum remaneat, prius oppositae sententiae auctoritates ponemus, ad hoc ut clarius appareat quod a nobis exponendum superest, juxta illud
 —Opposita juxta se posita magis elucescunt—.

In prima igitur sententia scripserunt erudite R. P. Constantinus Cajetani, qui quidem (ut supponunt non absque fundamento viri clarissimi) vel talem opinionem disseminavit primus, vel, ut ajunt, primus abrasit curvitatē Pastoralis in imaginē Gelasii II. exposita in Codice Vaticano sub n. 4939. Secuti sunt eum Luitprandus, Platina, Macri,

Illustrissimus D. D. Joseph Carampi, aliique permulti.

Ad corroborandam talem sententiam primo exponunt factum illud degradationis Benedicti Papae V. a Scriptore rerum Italicarum relatum, in quo Ferulam Pontificalem fregit Leo VIII. Anti-Papa, & fractam populo ostendit: ex quo spretu inferunt non fuisse Pastoralem; nam ipse Leo, quemadmodum tantam reverentiam ostendit erga stollam, planetam, ac pallium, etiam erga *Ferulam* habuisset, si *Ferula* & *Pastoralis* unum idemque essent.

Secundo in medio proferunt verba illa registrata in Actibus Pontificis Paschalis II. videlicet = Locatus in utriusque curulibus data sibi *Ferula* in manu per caetera palatii loca solis Romanis Pontificibus destinata, jam Dominus, vel transiens, vel sedens electionis modum implevit =. Haec secunda auctoritas, quae tanti roboris est pro illis, nihil omnino implicare videtur, imo corroborat nostram sententiam, ut videbitur infra.

Tertio denique potissimum illorum argumentum ex codice Vaticano n. 4939. repetunt dicendo, quod in eodem codice Gelasius II. cum recto Baculo, & absque curvitate in parte superiori depictus videtur: ergo *Ferula* non *Pastoralis* fuit illa Pontificum.

Omnia tamen ista argumenta ex rationibus, conjecturis, auctoritatibusque exposita, quamvis primo aspectu validissima videantur, majori facilitate solvuntur, quam inventa fuere. Enim vero, quod pertinet ad degradationem Benedicti, non negamus etiam in nostra sententia fractam fuisse *Ferulam* a summo Pontifice Leone VIII. imo hic spre- tus necessarius fuit, ut ostenderet omni populo, nullam amplius jurisdictionem spiritualem, vel temporalem Benedictum habuisse: negamus tamen *Ferulam* illam non fuisse Pastoralem cum extremitate superiori recurvata. Nec magis illorum sententiam juvat, quod si non *Ferula*, sed Pastoralis fuisset, Leo VIII. majorem venerationem, & obsequium habere debuisset, quemadmodum habuit caeteris aliis Pontificalibus; nam potissima ratio est, quod caetera paramenta jurisdictionis spiritualis, & temporalis signa non erant, ideoque nullum praejudicium Leonis Pontificis potestati afferebant.

Nec primum hoc fuit Pastoralis fractionis exemplum. Nam Pater Catelani plures alios numerat in suo opere, ubi de fractione Pastoralium agit, in degradatione Episcoporum.

Quod vero de Paschali II. asserunt, illis damus totam auctoritatem, ultroque con-

cedimus; sed quid inde? Accepta Ferula, vel Pastoralis (quod unum & idem est.) a Priore S. Laurentii, ut signum jurisdictionis, justissimum fuit ut cum illo per palatium Pontificium ambularet, pari jure, quo unusquisque Episcopus, Abbas, & alii cum signo distinctivo suae jurisdictionis per eandem jurisdictionem ambulare videntur. Igitur ex hac auctoritate nihil omnino concludi potest.

Si de figura Gelasii II. tractandum est, quae quidem, ut ajunt, a P. Constantino Cajetani accurate observata fuit, & ex quo examine quam plurimi in eundem errorem lapsi sunt, dicimus, & affirmamus ipsos non tam purgatis oculis vidisse, ita ut ab aliis melius visa non fuerit, videlicet ab Illustrissimo, & Reverendissimo D. Stephano Borgia in Literaria Repub. clarissimo, qui in suo tomo 3. historiae Beneventanae inter alias imagines, illam Gelasii II. collocavit, taliter, qualiter in supra citato codice Vaticano observatur, nempe cum Baculo Pastoralis circumflexo in extremitate superiori. Eandem figuram egomet vidi in Bibliotheca supradicta, & agnovi abrasionem partis superioris ejusdem Baculi. Sed quid ad nos? Sit, vel non sit circumflexa pars superior ejusdem Pastoralis: sit, vel non sit abrasa: ad rem nostram sufficit, quod propositio adversariorum

verificari non possit. Enim vero non tantum Gelasium II. in hujus rei testimonium adducimus, sed alios insuper antiquiores Pontifices, quos insignitos tali ornamento in eodem codice videre est. Revera Urbanus II. qui vivebat ann. 1099. & Gregorius VII. qui regnabat ann. 1084. cum Pastoralibus observantur. Nos non negamus quod Pontifices variis ex causis reliquissent Pastoralem, & hoc post Pontificatum Honorii II. evenisse: negamus tamen illam propositionem absolutam, & universalem de Pastoralis Pontificio a supra citatis Auctoribus expositam. Quod si explicatio Sicardi in suo lib. 2. M. S. Mitralis, ubi agit de Pastoralis Pontificio, alicujus obsequii digna videtur: afferendum est *Ferulam* Benedicti V. Paschalis II. Gelasii II. aliorumque Pontificum verum Pastoralem fuisse: en ejus genuina verba = Baculus a lege sumitur, & Evangelio, qui & virga Pastoralis, & Cambuta, & Pedum, & Ferula nominatur. Hic Baculus ex osse, & ligno conficitur, quae crystallina, vel aurata sperula conjunguntur. Os superius recurvatur, lignum inferius ferro acuitur, modice tamen retunditur =

Qua de re recurrendum erit ad ideam pictorum, & sculptorum, qui in efformandis imaginibus summorum Pontificum hastam sim-

plicem, vel crucem tantum super hastam posuere, eodem modo, quo super deposita eorundem Pontificum multoties videtur Triregnum, quum ex caeremonialibus celeberrimis Petri de Amelio, & Augustini Patrij, cum mitra sepeliantur Pontifices.

Ultimo advertendum est, quod sicuti Pontifices in consecratione Episcoporum, ad denotandam jurisdictionem super oves ipsorum ultimo loco illis Pastorem tradunt: numquam ab oppositae sententiae adversariis opportuna ratio, atque conveniens assignabitur, propter quam Pontifices, qui sunt Episcopi Episcoporum, & aliis talem potestatem concedunt, habere ipsi non debeant.

Fateor equidem me primam sententiam adoptasse, uti videre est in primo tomo == Annotazioni storiche Ecclesiastiche: == at posteaquam manu tetigi errorem, non tantum in dissertatione pro Accademia Florentina elaborata, verum etiam in meo tom. 2. ejusdem Operis sub vocab. *Pastorale* me ipsum nihilominus retractavi advertens illud Graciani == Quod non solum ille proditor est veritatis, qui transgrediens veritatem, palam pro veritate mendacium loquitur; sed etiam ille, qui non libere veritatem pronuntiat, quam libere pronuntiare oportet, aut non libere veritatem defendit, quam libere defendere convenit ==.

DIATRIBA II.

*De Mitra Pontificum, Episcoporum;
Abbatum, & Principum.*

Varium variis temporibus Mitrae nomen fuit. Olim Cidaris, aliquando Tiara, Corona, Apex, Sertum cum gemmis, Sacerdotalis, Infula, Phrygium, Lamina aurea, Bractia vel Bractea, & Pileum; sed de his aliisque nominibus Lexicographi consulendi sunt. Hic solum adversus Novatores dicimus, & probamus, falso ipsos redarguere catholicos tamquam Apostolicarum consuetudinum violatores; sed potius merito ipsi reprehendendi sunt tamquam veterum traditionum desertores.

Enim vero in epistola Policratis Episcopi Ephesini Pontifici Victori missa, & ab Eusebio cautiissime custodita habetur, quod praedilectus Discipulus Domini Joannes ob signum sui Sacerdotii = Auream Laminam in fronte gerebat. Insuper Joannes Diaconus in vita S. Gregorii Magni manifeste declarat, habuisse nonnulla vestimenta sacra, cum quibus supra citatus Evangelista sanctum Missae sacrificium celebrare consueverat; quae quidem

vestimenta eidem Pontifici donata fuere. Sed quid magis? S. Epiphanius Haeres. 27. & 78. & S. Hieronymus lib. de script. de S. Jacobo fratre Domini affirmant, *Bractiam, seu Bracteam in capite gestare licuisse*: quod quidem Eusebius, Clemens, alique permulti scriptores in eorum commentariis affirmant: ex quo evidenter deducitur, quod etiam in primitiva Ecclesia, Episcopi in sacris functionibus aliquod ornamentum in capite deferrebant, quod quidem ab antiquioribus vocabatur *Bractea*, vel *Lamina*.

Non negamus tamen id, quod Isaia cap. 3. & Ulpiano §. *Muliebri* legitur == Aufferet Dominus Armillas, & Mitras == per quae verba profanum licet ornamentum significant praefati auctores; asserimus nihilominus & insuper. denotari ornamentum Sacerdotale, ideoque parum dissimile a Tiara summorum Sacerdotum. Qualis dein fuerit *Mitra*, sive *Cidaris* summorum Pontificum Sinagogae, non tam facile ostenditur, ex eo quod Rabini affirmant, tam summos Sacerdotes, quam minores fere uniformem *Mitram* gestasse. En illorum verba == *Pileos ex telae vitta sexdecim ulnarum capiti obvoluta cassidis instar*, quae in summo Sacerdote obtusior erat, minusque turbantis acumen repraesentabat == Nihilominus tamen minus

Joseph Hebraeus *lib. 3. antiq. c. 8.* Thiarā, sive Tiaram describit vulgarium Sacerdotum constantem ex linea tela pluribus meandris obvolutam, & assutam, ut speciem virtutis crassioris referret, totam vero coronam tela superposita, & usque ad frontem descendens, ita contegebat, ut futurae non apparerent. De forma vero *Cidaris* Pontificum nihil aliud dicit nisi = quod eam totam protegebat aliud Hyacinthini coloris tegmen occiput, & utraque tempora contegens; illudque triplex aurea corona cingebat, tamquam calyculis herbae Hyoscyami perpetuo ornata, praeterquam ubi aurea lamina collocanda erat.

S. Hieronymus describens Fabiolae suae Sacerdotale tegumentum, cum illo Ulixis comparavit dicens = Quod nimirum tertiam partem a fronte inopertam relinquebat; atque ita in occipite vitta constrictum erat, ut non facile laberetur ex capite =. Sed non multo post subiungit = Eo a se descripto Pileo tam Sacerdotes, quam Pontifices utebantur.

Celebratissimus P. Augustinus Calmet distinctionem facit inter *Cidarim* Pontificis, & Sacerdotum inquit = Quod illa summi Pontificis ex lino, & gossypio intexta erat, illa vero aliorum Sacerdotum ex tela linea

tantum ad similitudinem Tiarae antiquorum Persarum Regum. Reapse Quintus Curtius *lib. 3.* Darii Mitram describens, affirmat, quod ab antiquis Persarum populis *Cidarim*, vel *Cydarim* appellabatur.

Hic transeunter tamen notandum est ipsam apud Graecos numquam in usu fuisse, ut erudite ostendit in suo opere Illustrissimus, ac Reverendissimus D. D. Stephanus Borgia, ubi scripsit de Pallio, & Mitra Episcoporum Beneventanae Ecclesiae, & mirifice comprobavit *parte 1. cap. 22. pag. 321.* Ait tamen supra citatus Praeful una cum Eminentissimo Card. Bona *lib. 1. n. 14. rer. Liturg.* & viro clarissimo Goar *in notis ad Episc. ord. pag. 34.* == quod Episcopi Orientales Maronitae, Nestoriani, & Jacobitae supra citatam Cidarim habent dum ordinantur. En genuina verba: == Reliqui Episcopi Orientales Maronitae, Nestoriani, & Jacobitae Cidari utuntur, quae ipsorum capiti imponitur dum ordinantur, ut ex eorum Ritualibus apud Morinum manifestum est.

Quod vero ad Mitras Episcoporum Ecclesiae Latine pertinet, quam plurimae dissertationes leguntur, videlicet Andreae de Saussay in sua Panoplia *lib. 1.* Caesaris Bulergeri *de vest. Pontif. Episc. lib. 1. cap. 20.* Ferrari *de re vestiaria*, Alberti Rubeni sub

eodem titulo, Illustrissimi, ac Reverendissimi D. D. Stephani Borgiae, qui solus in Genealogia Comitissae Metildis varias vetustissimas Mitras sedulo descripsit, & a peritissimo incisore delineare fecit. Quinque tamen inter plurimas antiquiores numerantur. Prima asservatur in Ecclesia Cathedrali Anagnina. Secunda, & tertia in Ecclesia Cathedrali Beneventana. Quarta est Gottifredi Episcopi Brixienfis. Quinta Teobaldi Episcopi Aretini circa XII. saeculum.

Insuper observandum est, ab initio Ecclesiae Latinae non tam generalem fuisse apud Episcopos usum Mitrae; legitur enim quod tantum Leo VIII. Anscario Episcopo Hammabergensi usum Mitrae concessit; & de his concessionibus nonnulla etiam inveniuntur usque ad saeculum XII. in quo Alexander III. permisit Godewaldo Episcopo Tajectensi Episcopalem Mitram, ut scripsit Mabill. *in praef. ad saec. IV. n. 182.*

Quod vero ad Abbates spectat, Illustrissimus supra citatus D. Borgia asserit ipsos ante saeculum XI. haud usos esse tali Mitra. Enim vero Alexander II. primus illam concessit Egelsino Abbati Monasterii S. Augustini apud Cambrigi; deinde Urbanus II. ann. 1091. Petro Abbati Cavenfi in Concilio Beneventano. At S. Bernardus, & Petrus Blesensis

fortiùs conquæsti sunt adversus istiusmodi uſum: ille ſpiritu humilitatis, iſte zelo zelatus pro Episcopis, quibus hæc prærogativa Abbatum diſplacebat. At quemadmodum ſupra citatus Praeſul perpendit, ita res profecit, ut Clemens IV. ſaeculo XIII. ipſos cohibere debuiffet quoad pretioſitatem illarum minuendam, ad hoc ut ab illis Episcoporum diſtinguerentur.

Summi Pontifices etiam utuntur tali indumento præter Tûregnum, ut obſervare eſt in Pontificalibus, & Proceſſionibus.

Ultimo dicimus Principibus aliquando Mitram conceſſam fuiſſe, & hoc ſolum probandum ſupereſt pro coronide noſtræ aſſertionis, quod quidem abſque trepidatione facimus aſſerendo ab Alexandro II. conceſſum Mitrae uſum Uratiſlao Duci Boemiae in ſignum intimæ dilectionis: quod quidem confirmatur teſtimonio Gregorii VII. *Epist.* 28. *lib.* 1. quamvis iſtud privilegium nunquam antea tributum legimus.

Late tandem propagata eſt Mitrae geſtandae conceſſio non ſolum ad Abbates, ſed etiam ad quarundam Eccleſiarum ſaecularium Praepoſitos, ut Liburni in Etruria, & ad Cathedraſum Dignitates & Canonicos, quorum hic catalogum texere volumus.

DIATRIBA III.

*De Pallio antiquo, & moderno utriusque
Ecclesiae.*

Ne in re tanti momenti a gravioribus sanioribusque auctoribus sejungamur, cum Eminentissimo Card. Bona, Augustino Patrizzi, ac Illustrissimo, Reverendissimoque D. D. Stephano Borgia, olim Congregationis sacrarum Reliquiarum, & Indulgentiarum, nunc vero in Urbe Propagandae Fidei Secretario, affirmamus & dicimus, Pallium esse revera fasciam laneam candidam tribus circiter digitis latam, & in modum circuli contextam. Super humeros imponitur. Ex primo circulo alia fascia similis ante pectus pendet, & alia deorsum ex opposito: duae tandem super humeros demittuntur; quae fasciae non amplius purpureis crucibus ornantur (quemadmodum suo tempore scripsit Eminentissimus Cardinalis Bona) sed nigris. Ita etiam fasciae, quae ante, & retro pendent, breviores sunt, quam antiquae, ut videre est in caeremoniali accuratissimi Augustini Patrizzi *lib. 1. sess. 10. cap. 5. de Pallio*; & in Basilica Vaticana observatur supra depositum aeneum Xysti IV. in parte dextera sacelli sanctissimi Sacramenti.

Pallium tribus aciculis, sive spinulis aureis alligatur, quae quidem observatio magni momenti est, ut infra videbimus. Supra citatum Pallium fit ex lana Agnorum candidorum sine macula, qui in die S. Agnetis in ejusdem Ecclesia via Nomentana singulis annis offerri ad Missam solemnem, & benedici solent; & non amplius, ut suo tempore notavit Card. Bona, Subdiaconis Apostolicis consignantur, sed cuidam Auditori sacrae Rotae, a quo transferuntur in aliquo Monasterio sanctimonialium, donec veniat tempus ipsos vendendi.

Pallia ista in Basilica Vaticana deferuntur, & super corpora SS. Apostolorum Petri & Pauli, in vigilia Natalis ipsorum ponuntur, ibique tota nocte dimittuntur, deinde primo Magistro Pontificiarum caeremoniarum custodienda traduntur. Benedictio hujus Pallii ab uno Canonico ejusdem sacr. S. Basilicae antea absolvebatur: at Benedictus XIV. qui omnia accurate considerabat, decrevit, ut in posterum a solo summo Pontifice benedicerentur.

Nonnulli scriptores circa Pallium alucinati sunt; nam cum observassent aliquas imagines Episcoporum aliquibus fasciis e collo pendentibus, in quibus cruces intextae erant, asseruerunt illud fuisse Pallium, quod pro or-

amento Planetæ appositum fuerat: enim vero cum tali supradicto ornamento inveniuntur picturæ, siue imagines suffraganeorum Patriarchæ Aquilejensis, & nonnullorum Veronensium Episcoporum, quemadmodum in sua Casula Dittica demonstravit D. Maurus Sarti Abbas Camaldulensis *cap. 3. §. 1.*

Illustrissimus D. D. Borgia supra citatus in sua historia Beneventana diligenter adnotavit non solum rationes, ob quas Pallium Episcopis admittendum non sit, quemadmodum alii scriptores admiserunt, sed etiam ostendit formam, & varietatem ipsorum tam Græcæ, quam Latinae Ecclesiæ, *parte 1. pag. 314.* quæ de re omnes in suo fonte fusiùs eruditi videre poterunt. Non tamen silentio præterire volumus observationem ipsius, nempe quod supra citatum supposititium Pallium non solum nominatas cruces non habet, sed etiam illo triplici acu caret, quod clariùs observavimus in delineatione duorum Episcoporum, nempe Avellinensis, & S. Agatæ vetustissima Planeta induti ad differentiam Beneventani vero Pallio ornati; quas quidem imagines supra citatus Praelatus propriis sumptibus publicas reddere voluit.

Insuper dubitari non potest, quod quemadmodum Planeta, & alia sacra indumenta varietati obnoxia fuere, ita & Pallium in La-

tina Ecclesia; Graeci vero in hoc observantiores fuerunt. Erim vero ineunte XII. saeculo summus Pontifex Innocentius III. in *lib. 3. cap. 63. De offic. Missae* scribens de antiquo Pallio sic ait = Pallium illud, quo majores Episcopi utuntur, est de candida lana contextum, desuper habens circulum humeros constringentem, & duas lineas ab utraque parte pendentes, quatuor Cruces purpureas ante, retro, & a sinistris, sed a sinistris duplex est, & simplex a dextris. Tres etiam acus aureae infiguntur Pallio, ante pectus, super humerum, & post tergum; super dexterum humerum non infigitur. Haec quaelibet acus pretiosum continet lapidem.

Quantum vero pertinet ad Pallium Graecorum, eruimus ex Balsamone in responsionem ad undecimam quaestionem Marci Alexandrini; ex Simeone Thessalonicensi in suo libro de Templo, & Missa; ex Francisco Florens ad titulum Decretalium de usu, & auctoritate Pallii; ex Goar, Haberto, & Morino, aliisque quamplurimis, quod ingenit fit differentia a Latino. *Graecum est longa fascia ejusdem cum Latino, aut paulo majoris latitudinis, collum primitus involvens, tum a collo per medium pectus infra genua descendens, crucibus itidem intertexta. Olim usque ad pedes protendebatur; nam Zonarus*

in vita Constantini Copronymi ait, Anastasium insistentem vestigiis Germani Patriarchae *Omophorion* ejus calcasse, ut sic eum morderet ne properaret.


Dicitur *Omophorion*, quod idem sonat, ac *Pallium*, onus humeri, & quod *humertis fertur* *ωμοφόριον*, *ω*, *το*, terminē composito dalla voce *ωμο*, *ω*, *ο*, humeris, e dal verbo *φέρω*, fero, hinc *εφερον*, idem praeteritum medium *παραφορον*, hinc *φοριον*, *ω*, *το*; *ωμο*; *φοριον*, *ω*, *το*. Dicitur superhumerale *Επιματιον*, *ε*, *το*, da *επι*, super, *εματιον*, *ε*, *το*, supervestis. Insuper apud Graecos omnes Episcopi deferunt Pallium, deponentes illud in lectione Evangelii, & reassumunt paulo ante communionem. Apud Latinos vero soli Patriarchae, & Archiepiscopi, & ex aliqua causa gravi etiam nonnulli Episcopi; quemadmodum legitur de Episcopo Siagrio Augustodunensi, cui ad preces Brunichildis Reginae S. Gregorius Magnus concessit. S. Leo IX. ob memoriam S. Arrighi I. Fundatoris Bambergensis Episcopatus, Artuico illud contulit. Sic dicendum de Ticinensi, Lucensi in Etruria, &c.

Quod vero in receptione Pallii juramentum praestent Pontifici Maximo, nemini dubium est, sed potius de usu illorum aliquando dubitatum fuit, ob commentitiam

concessionem descriptam a Flodoardo in historia Remensis Ecclesiae *lib. 3. cap. 10.* in qua Hincmaro a Leone Papa IV. concessum fuisse Pallium asserit, sed non pro diebus assignatis a S. Sede Apostolica, quemadmodum & aliis Archiepiscopis, sed ad arbitrium ipsius. Ad confutandam Flodoardi assertionem sufficeret testimonium Gregorii Magni *lib. 2. Epist. 54.* qui ad Joannem Archiepiscopum Ravennatensem sic scribit = Illud, Frater carissime, tibi non putavimus ignotum, quod pene de nullo Metropolitano in quibuslibet mundi partibus sit auditum, extra Missarum tempus usum sibi Pallii vindicasse = . Insuper in *lib. 4. Epist. 50.* Vigilio Arelatensi = Pallium, inquit, transmissimus, quo Fraternitas tua intra Ecclesiam ad sola Missarum sollemnia utatur = . Totum id confirmabimus cum verbis Romanae Synodi sub Joan. VIII. editae = Quicumque Metropolitanorum per plateas, vel in Lytaniis uti Pallio praesumpserit, & non tantum in praecipuis festivitatibus, & ab Apostolica Sede indictis temporibus ad Missarum solummodo sollemnia, careat illo honore = . Sed quid diceret Flodoardus, si ipsummet, Hincmaro teste, oppositum haberemus? Legat epistolam Nicolai I. ad ipsum Hincmarum, & illius responsionem, si placuerit. Qui sententiam Flodoardi sustine-

re volunt, in medio adducunt etiam eamdem concessionem factam fuisse Brunoni Coloniensi ab Agapito II. quemadmodum scripsit Rogerus Monachus in ejus vita: similiter alteram Lanfranco Cantuariensi ab Alexandro II. Denique etiam pro usu quotidiano Pallii afferunt canonem VI. Concilii primi Matifconensis anno circiter 582. celebrato.

Nos vero superadditis auctoritatibus, & monumentis respondemus non forsan tunc eosdem fuisse mores: quantum vero ad canonem explicamus ipsum, quemadmodum intelligitur a numero majori Liturgicorum hominum, non de quotidiana Missa, sed de solemni dumtaxat.



**SCRIPTORUM
RERUM LITURGICARUM
SERIES.**

THE HISTORY OF THE
CITY OF BOSTON
FROM 1630 TO 1880
BY
JOHN R. HARRIS

A

Abaudus Abbas, de fractione Corporis Christi in suis scriptis tractavit. Inscriptio operis est == De fractione Corporis Christi in sacrificio Missae ==. Vere hujus auctoris scripta magna meditatione indigent.

Abraham Ecchellensis, qui floruit Romae ann. circiter 1630. vir fuit linguarum Orientalium, maxime Arabicarum peritissimus. In suis scriptis asserit, quod apud Orientales inveniuntur duae Liturgiae sub nomine 12. Apostolorum: sed major pars scriptorum rerum Liturgicarum vel totaliter negant illarum existentiam, vel tamquam apocriphas habent. Idem auctor numerat plusquam 50. Liturgias apud Orientales. Decessit Romae.

1664.

Adam a S. Victore plures sequentias scripisse affirmant antiquitatum investigatores: verus vero Ecclesia illas noluit admittere. Vixit circa saecul. XII.

Adelmannus Episcopus Brixienfis epistolam eruditissimam de Corpore Christi Domini in sanctissimo Eucharistiae sacr. Berengario direxit. De isto auctore tamen varia sunt judicia. Cum

maximo splendore suae Ecclesiae vivebat an.

1059.

Ademarus natione Gallus, & Coenobii S. Eparchi Engolismensis Monachus. Huic tribuitur supplementum ad *lib. 4. Amalarii de Div. offic.* quod a Mabilone fuit evulgatum.

Agobardus Lugdunensis Episcopus vir doctissimus; varia opera scripsit, & praecipue *lib. primum de Divina Psalmodia. Secundum de correctione Antiphonarii. Tertium contra quatuor Amalarii libros.*

Alardus Gazzeus optimus Liturgicus, ideoque illius scripta frequentissime citantur ab omnibus fere Liturgicis scriptoribus.

Albertus Rubenius, cujus opera caute custodiuntur a sacrorum rituum studiosis, diligentissime scripsit de sacris indumentis.

Albertus Magnus de sacrificio Missae erudite scripsit, & alia multa. Nostri auctoris opera inter sacr. scriptores magnae auctoritatis sunt. Floruit juxta Calendarii Rom. emendationem

1280. an. circ.

Alcuinus Flaccus, non Albinus, fuit magister Caroli Magni, quo tempore varias

Missas scripisse aliqui crediderunt. Lib. de Div. offic. male ei tribuitur, quia in eo citantur versus Theodulphi Episc. Aurelianensis, qui vixit sub Ludovico Pio, ut notant Card. Bona, & Pater Sirmundus in notis ad Theodulphum. Magnae auctoritatis est apud

804. Liturgicos. Vivebat circa ann.

Alexander Papa I. inter Liturgicos collocatur. Fertur quod praeter alia decreta ad sacram Liturgiam pertinentia, ordinasset mixtionem aquae cum vino ante consecrationem; & quod in canone apposuisset illa verba = Qui priusquam pateretur =. Habet aliquid etiam de azymo. Re-

132. liquit Petri sedem ann.

Alexander Sperellus nonnullas observationes de Sacrificio Missae composuit, & typis mandata fuere ann. 1621.

Alexander Alensis scripsit historiam de azymo, & fermentato, sed ex variis opinionibus auctorum, claritas hujus historiae, atque veritas non invenitur. In quarta parte ipsius summae, ubi agit de offic. Missae, asserit, quod post Evangelium non dicebatur *Laus tibi Christe*, sed *Amen*, vel *Deo gratias*. Scripta nostri Auctoris inveniuntur sub ann.

1245. tur sub ann.

Alexius Comnenus de donariis, & rebus sacris cum diligentia scripsit.

Alphonfus Rodriguez inter Hispanos Liturgicos scriptores celebratur, eo quod de Myfterio Miffae cum attentione fcripffiffet.

Algerus Monachus Cluniacenfis varios Liturgicos libros fcripfit, in quorum fecondo rationem affignat, cur in azymo, & fermentato facrificari poffit. Florebat anno Chrifti

1130.

Amalarius plures libros de Div. Offic. fcripfit, ex quibus Ritus antiquae Ecclefiae resultant: loquendo tamen de modo, quo antiquitus vocabantur fideles ad facram Synaxim, non placuit eruditiffimo Card. Baronio. Floruit faeculo nono.

Amalarius Fortunatus Epifcopus Trevirenfis, erudite de Ord. Antiph. & de Offic. Ecclefiaft. fcripfit. Aliqui tamen feveriores Critici negant huic Amalario lib. de off. Eccl. & tribuunt altero Amalario. Vivebat circa faeculum octavum.

Ambrofius Struc Religiofus Ord. Praedicatorum, vir pietate, & doctrina celebris; Senatui Bafileenfi, contra Haereticos, de Sacrificio Miffae opus

perfectit, aliaque opera Ecclesiae Dei utilissima.

Ambrosius Monachus Camaldulensis Florentiae natus, laudatur propter suas orationes de Eucharistia coram Imperatore, & Episcopis Graecis recitatas. Mortuus est cir. ann. 1480.

Anatolius Alexandrinus Canonem Paschalem scripsit. Hujus opinionis defensores sunt plurimi classici scriptores, inter quos Card. Bona..

Anastasius Synaita, qui circa finem saeculi sexti vivebat, non imperfectum opus suum de sacra Euch. posteris reliquit.

Sanctus Anastasius Papa inter Liturgicos scriptores citatur a Gavanto. Reliquit caducum regnum, & ad aeternum volavit ann. circ. 402.

S. Anacletus Papa in sacra Liturgia auctoritatem facit. Sub Trajano regnabat Ecclesiam, & sub eodem tumultu fuit ann. 112.

Andreas Pennatius librum edidit cum hoc titulo == Epitome sacrorum rituum, ac caeremoniarum Missae privatae == publicam lucem vidit ann. 1715. cum acclamatione Ecclesiasticorum.

Andreas Masius accuratissime traduxit

Liturgiam s. Basilii ex Idiomate S. riaci, in qua vox illa *Anaphora* legitur, idest elevatio, sursum elatio, vel supplicatio.

Andreas Bocquillot Gallus, circ. ann. 1701. scripsit gallice tractatum historicum de sacra Liturgia. In aliquibus opponitur Card. Bona. Negavit noster auctor usum sacr. vestium ante saeculum septimum Christianum, contra veterum Scriptorum testimonia.

Angelus Carezzanus, non de mysterio Missae scripsit; ut male asserunt alii. 1613. qui, sed de Ministro Missae sub ann.

Angelus Contius, qui multoties a Card. Bona citatur, de mysteriis Missae breviter, sed accurate librum perfecit.

Angelus Rocca, Italus Ord. Eremit. S. Augustini, & Episcopus Tagastensis, lib. composuit de Apostolico sacratio, in quo multa de Rom. Eccl. ritibus extant. Ejusdem auctoris est commentarium cum Paralipomenis de campanis, ex quo non pauca desumpsit Card. Bona in suis lib. rerum Liturgicarum. Romae vero ann. 1598. edidit tract. de ritu, ac more. praefereudi Corp. Christi Romanis Pontificibus ineuntibus iter longinquum. Mo-

rem hunc coepisse docet aetate Gregorii XI. idest anno 1370. quamvis alii longe antiquiorem esse arbitrentur. Angelus Maria Quirinus Monachus Cassinensis, & S. R. E. Cardinalis, pietate ac doctrina clarissimus; orthodoxa veteris Graeciae officia in Latinum cum diatribus convertit ann. 1729. & offic. quadragesimale Graecum, recognitum diatribus illustravit.

Anonimus in tractatu de Missa parochiali gallice conscripta, plurima exposuit etiam de auctoritate canonis.

S. Anselmus Cantuariensis eruditissimum opusculum scripsit ann. 1100. in quo plures responsiones leguntur de azy-mo, & fermentato. Tales epistolae Episc. Valeranno ab Auctore directae fuerunt.

Anselmus Havelbergensis Episcopus, ecclesiastica eruditione plenus, scripsit de antiquis ritibus conficiendi panem Eucharisticum, & clarissime probat, quod non nisi a viris Religiosis psalmos canentibus conficiebatur. Floruit XII. Christi saeculo.

1550. Antonius Demochares, qui vivebat ann. 1550. adversus Misoliturgicos calammum suum extendit; unde in cap. 1. tom.

2. afferit, quod Apostoli ab Hebraeis, & Latini a solo Principe Apostolorum Petro acceperit hoc vocabulum *Missa*: adeo ut nihil sit vel antiquum, vel catholicum in Ecclesia, nisi id, quod Hebraicis vocibus explicatur. In suo libro de *Missa* opponitur Genebrardo. Tamen de hac voce *Missa* videantur quae a nobis exposita fuerunt in tom. 2. annotationum rer. Eccl.

Antonijs Bellotte circa ann. 1662. opus 1662. de ritu Eccl. Laudensis, ac de canone *Missae* composuit,

Antonijs Pallotta sacr. rit. atque caerem. 1641. suum tract. complevit, & typis mandavit ann. 1641. in ipso plurima ad sacram Liturgiam attinentia leguntur.

Antonijs Sandinus Italus J. U. D. plures quaestiones attingit praecipue de rit. Eccl. & de jur. Sedis Apost. Vir fuit doctissimus, & catholicae pietatis amantissimus, semper in paucis multa, & selecta complectitur. Floruit

1740. ann.

Antonijs Monchiacenus Parisiensis Theologus librum de sacrificio *Missae* adversus Misoliturgos scripsit.

Antonijs Literatus anno 1611. multa scripta reliquit, eruditione plena de

97

sacrificio Missae, qua de causa Scrip-
tores ejus aevi merito ipsum lau-
darunt.

Antonius Baldassar Jesuita eleganter suum
opus complevit omnibus carum, cujus
ritulus est == Liturgia sacra diluci-
data ==.

Antonius Augustinus Episcopus Illerden-
sis, contra opinionem eruditissimi La-
tini, epistolam scripsit de pane fer-
mentato.

Antonius Possevinus non multa, sed cla-
ra, & erudita scripta de sacr. Missae
publico donavit.

Antiquitatum Liturgicarum tres libros
scripsit incertus auctor, quos Duaci
1065. impressos sub anno 1065. fuisse asse-
runt omnes, quemadmodum & de Ca-
tholicitate auctoris.

Athanasius Kircherius, qui in sua Litu-
gia Cophta asseruit contra opinionem
Joan. Gravi ipsam esse antiquam Aegy-
ptiacam, laudatur a multis eruditis vi-
ris. Gravius Graecam corruptam ap-
pellavit.

961 S. Augustinus Ecclesiae Doctor habet
epist. 119. ad Januarium de ritib.
Ecclesiae. Inter alia S. Doctoris ope-
ra extat liber singularis adversus Hi-

larium Tribunitium de canticis ad altare. Nolebat Hilarius quod in principio Missae dicerentur psalmi, quod Augustinus defendebat. Nonnulli tribuunt S. D. introitum Missae; sed haec opinio non validis argumentis
428. probatur. Vivebat an. circ. 428.

Augustinus Episcopus Pientinus primus auctor Pontificalis, & Caeremonialis Romani, scripsit etiam de sacrificio Missae, sed amplius non invenitur.

Avitus Archiepiscopus Viennensis vivebat circa finem saeculi V. vel in principio VI. Propter aliquas epistolas, quas scripsit de sacra Liturgia, in nostra serie collocavimus, quamvis non sit magnae auctoritatis.

B

Balthassar Cordelius optime interpretavit Opera S. Dionysii Areopagitae cum scholiis S. Maximi, & Paraphrasi Pachymeris. Habet etiam varia ad Liturgiam pertinentia, & Antuerpiae opera omnia videntur impressa.

S. Barnaba propriam Liturgiam scripsit, quam injuria tempotum, vel negligentia hominum perditam fuisse affirmant

fere omnes scriptores rerum Liturgicarum .

Barfoma inter scriptores Liturgicos collocatur a Card. Bona , & a Domino Bartholomaeo Gavanto ; ejus opera non vidimus .

1670. Bartolus Bartolini an. 1670. scripsit accurate de Penula ; & ejus sententia nobis videtur probabilior .

1716. Bartholomaeus Corfetus plura circa an. 1716. de sacris ritibus Beneventi publicae utilitati mandavit .

Bartholomaeus Gavantus Cler. Reg. Cong. S. Pauli ; inter alia opera recensetur Thesaurum sacr. rituum , de quo eruditi Ecclesiastici scriptis , & verbis merito laudes emittunt .

S. Bartholomaeus Apostolus Armenis tradidisse Liturgiam non dubitatur ; ipse enim ad fidem Christi illos primus convertit .

B. Bartholomaeus Bononiensis Ord. Praedicatorum Provinciam Nasciensem firam in majori Armenia ad catholicam fidem convertit sub Joanne XXII. & sacram Liturgiam illis tradidit , non Graecam , vel Armenam , sed Latinam . Modo vero in lingua Armena sacra faciunt .

D. Basilius Borsech sacerdos Arthemas traduxit Liturgiam suae nationis, quam Romae postea impressam vidimus; retinet tamen aliquid graecismi in latinitate.

S. Basilius scripsit suam Liturgiam Siriacō idiomate, quam traduxit Andreas Mafius; alteram scripsit graeco idiomate: utraque adhuc exiit.

Baysius spernendus non est, quamvis in suo opere de vestibus sacris minus accurate scripserit.

Benedictus VIII. & XII. inter Liturgicos scriptores numerantur; illorum opera non vidimus. Benedicti vero XIII. Opuscula Liturgica sub an. 1726. impressa legimus. Nihilo tamen minus inter Liturgicos omnes cum caeteris scriptoribus collocare censuimus.

Benedictus XIV. carus principibus, multa docte, ac erudite scripsit, etiam ad sacram Liturgiam pertinentia; illius opera variis in locis impressa videntur. In nostra Cronologia Pontificum majora de isto exposuimus.

Benedictus Hebertus Rationarium horarum canonicarum accurate publicavit.

Berno Abbas Augensis de rebus ad Missam pertinentibus tractavit. In *cap.* 2.

illius operis variis rationibus quaestionem dilucidat de hymno Angelico, cur frequentius canatur a sacerdotibus in Missis, & non tantum in die Paschatis, quemadmodum in principio missalis Gregorius prohibuit; revera post mortem hujus auctoris; idest

1042. circ. an. 1042. hymnum in Missis frequentius canebat Ecclesia.

Bernoldus Abbas Constantiensis scriptor
1089. Liturgicus magnae auctoritatis, ann. 1089. composuit Ordinem Romanum. Major pars scriptorum infimi aevi dubitant utrum typis mandassent posteri opus illud.

Bernardus de Parentinis vir revera in sacris eruditionibus clarissimus, Elucidarium omnium difficultatum Missae eleganter scripsit.

Bernardus Maria De-Rubeis scripsit dissertationem de vetustis Liturgicis ritibus, qui olim in aliquibus Foro-Julienfis Provinciae Ecclesiis vigeant.

Bessarion S. R. E. Cardinalis vir fuit revera magnae eruditionis, sed praesertim in sacra Liturgia ab omnibus laudatur. In ejus libro de Eucharistia legitur explicatio canonis Missae. Flo-

1455. rebat ann. circ.

S. Bonaventura S. R. E. Card. scripsit de expositione Missae an. 1260. Sanctitas viri operum suorum doctrinam nobis sufficientissime declarat.

S. Bonifacius Papa primus, III. IV. VIII. & IX. a scriptoribus Liturgicis citantur; unde nos etiam in praesenti serie collocavimus. Primus floruit an. 420. III. 607. IV. 614. VIII. 1033. IX. vero 1044. Ecclesiam gubernabat, ut ex Bullario Romano videre est.

S. Bonifacius Martyr, & Episcopus Ultrajectensis, de calice ligneo, & de sacerdotibus tractavit.

Bougeant G. H. S. J. quamvis non multa, saltem eleganter scripta sua reliquit de forma consecrationis Euch. Citatur tamen cum existimatione a multis, & praesertim a Gavanto in Thesauro sacrorum rituum.

S. Bruno Astensis Episcopus de Ecclesiasticis ritibus Opusculum ex Bibliotheca PP. extraxit, in quo aliqua adiecit, & Lugduni an. 1667. impressum videtur.

Bulengerus de sacris vestibus loquitur breviter, & in multis difficultatem non attingit, tamen alicujus utilitatis est.

Cajetanus Maria Merati Cler. R. S. Pauli observationes, & additiones copiosissimas apposuit in Thesauro sac. rit. D. Bartholomaei Gavanti, & Venetiis an. 1762. typis mandavit.

S. Callistus I. & ejusdem nominis II. citantur passim in rebus Liturgicis, unde illorum scripta Liturgiam amplecti non dubitamus. Primus navem Petri gubernabat an. 227. Secundus vero 1124.

Carolus Sertala Dertonensis Episcopus explicationem mysticam rituum Ambrosianorum spectantium ad Missae celebrationem erudite exposuit 1672.

Carolus Bartholomaeus Piazza Necologiam, sive discursum mysteriorum sacrorum rituum, & caeremoniarum in funeribus, & exequiis mortuorum compilavit. Scripsit etiam de sacra Iride.

Cassandrum, cujus opera cum magna aestimatione citantur a Gavanto, & aliis Liturgicis scriptoribus, non vidimus.

S. Caelestinus I. si fides praestanda est Amalario, auctor introitus Missae.

Recentiores tamen Liturgici scriptores auctorem illius dicunt Gregorium Magnum . Caelestinum quoque III. inter Liturgicos invenimus .

Cencius Camerarius notissimus apud omnes Liturgicos scriptores propter suam doctrinam . In caeremoniis , ritibus , atque Ecclesiasticis functionibus citatur .

Caesar Baronius S. R. E. Card. eruditissimus in suis Annalibus multa de sacra Liturgia exposuit , quae si unita forent , optimum volumen conficere potuissent , signanter vero de Liturgiis Ecclesiarum Occidentalium . Floruit an. 1609.

Caesar Benvenuti Canonicus Regul. Later. eruditam instructionem composuit pro Sacerdote celebrante in Missa privata , & solemni .

Caesarius Arelatensis plures homilias reliquit , inter quas de sacrificio Missae . In suis scriptis agitur etiam de illis verbis *Flectamus genua* , & *Levate* cum maxima eruditione expositis . Floruit an. 500.

P. Christianus Opiter ex Flandria observantissimus Regulae S. Dominici , accurate expositionem mysticam , atque spiritualem sacram caeremoniarum sacrificii Missae publicavit .

Christophorus Marcellus Venetus Archiepiscopus Corcirensis, Rituale scripsit, ex quo Dominicus Macri in suo Hierolexicon asserit accepisse opinionem, non probabilem, de usu, & antiquitate pallii.

Christophorus Philippus Richter desideratissimam quaestionem explanavit de pallio archiepiscopali an. 1628. Alia opuscula hujus auctoris spernenda non essent, sed inedita haeredes illius reliquerunt.

Christianus Lupus Ord. S. Aug. auctor gravissimus, & celebris in notis canonum, in sua dissertatione super aetate Leonis IX. contra schisma Michaelis Cerularii, erudite scripsit de azymo, & fermentato, & Bruxelles typis mandavit ann. circ. 1668.

S. Cyprianus, qui vivebat an. 260. non minus sancte quam docte scripsit de sacra Liturgia.

S. Cirillus Hierosolymitanus, qui florebat an. 380. scripsit ordinem Missae, ut videre est in sua catechesi mystagogica quinta: supponunt tamen nonnulli talem ordinem accepisse a Liturgia S. Jacobi, & hoc deducunt ex maxima uniformitate illarum; nam

quod invenitur in prima, pariter legitur in secunda.

S. Cirillus Alexandrinus auctor Liturgiae fuit, ut asserit Abraham Echellensis, & alii scriptores. Vivebat
438. cir. an. repar. salutis. 438.

S. Cyriacus juxta manuscripta auctorum Æthiopum unam particularem Liturgiam scripsit. Omnes tamen Liturgici scriptores in hac sententia non conveniunt.

Claudius de la Croix composuit instructiones varias super functionibus ecclesiasticis, quae typis mandatae fuerunt an. 1676.

Claudius Sanctius, vel de Sanctes, latine vertit Liturgiam S. Jacobi, Basilii, & Chrysostomi cum maxima diligentia; sed quia secutus est sententiam antiquorum scriptorum, asserens vocabulum Missae ex hebraica voce *Misah* derivativum esse, ideo in hoc rejicitur a Card. Bona, aliisque non mediocris eruditionis scriptoribus. Claudius natus est in ea Galliae regione, cujus populi olim Pertenses, nunc Perticenses vocantur. Is Canonorum Regul. Ord. nomen dedit ann. 1540. sed ann. 1575. creatus fuit Episcopus Ebroicensis.

Claudius Espenceus in lib. 2. de adoratione Eucharistiae, optime, & erudite distinxit eulogia, & quid sint accurate definivit. Anno 1619. supponimus quod publicasset opera sua, caute tamen legenda sunt.

Claudius de Vert Monachus Cluniacensis maxima cum eruditione fecit explicationem literalem & historicam rituum Ecclesiae ann. 1708. sed gallice. Idem dissertationem de vocibus Missae, & Communionis cum appendice de agapis, eulogiis, pane benedicto, ablutione, & alia multa posteris reliquit. Inter alios scriptores ipse etiam admisit usum de fermentato in Ecclesia latina per aliquos annos.

Claudius Villet exposuit accurate rationale caeremoniarum Ecclesiasticarum.

Clemens VI. & ejusdem nominis **VIII.** de rebus Liturgicis tractarunt. Primus mortuus est 1355. secundus 1605.

Clemens Galanus Clericus Regul. conciliationem composuit an. 1650. Ecclesiae Armenae cum Romana, & de illius auctoritate plures Liturgici scriptores locuti sunt. Scripsit etiam multa de ritibus Armenorum.

S. Clemens Romanus scripsit Liturgiam,

quam ab Apostolis accepit, quemadmodum numeratur in suis constitutionibus; sed postea a suis successoribus auctam fuisse putant eruditus Baronius, & Bellarminus. Florebat

103. ann. 103.

Cornelius Schultingius in prima parte suae Bibliothecae Ecclesiasticae univit 115. missas pro variis circumstantiis recitandas: plures alias posuit in parte secunda. Omnes ex Missalibus Ecclesiarum collegit. Afferit tamen noster praeclarissimus auctor, quod in uno codice MS. quod vocant *Comitem*, & ejus auctorem Hieronymum esse credunt, plures sint, quam a Pamelio traditae fuere. Scripsit etiam de auctoribus sequentiarum. Vivebat an. 1599.

1599. Commodianus, qui tempore S. Silvestri vivebat, in instructionibus Ecclesiasticae disciplinae carmina latina composuit, & initialibus literis uniuscujusque versus componit vocem istam *Ministris*.

Codex Missarum serenissimae Christianae Reginae Sueciae. In isto videtur titulus praefationis discrepans ab aliis. Qualis fuerit auctor, nullus assignat, sed omnes sub isto nomine ipsum distinguunt.

Columbanus in cap. 7. Regulae, ubi loquitur de Psalmodia, reliquit formularium *Kyrie*, sicuti habetur ex auctore antiquae Liturgiae.

Constantinus Hagerer Ord. Min. de ritu Missae privatae an. 1716. docte scripsit.

Constantinus Pontifex ex Soria, occasione Concilii Quinisexti Constantinopolim venit. De hoc Pontifice scribitur, quod primus introduxisset osculum pedum. Electus fuit ann. 708. tumultus 714.

Cosma Hierosolymitanus in Sede Episcopali Majume sedit imperante Constantino Copronimo. Hymnos sacros in suo opere unitos videre possunt Eruditi.

D

S. Damasus Papa aliqua in Liturgia addidit; ideo citatur ab auctoribus Liturgicis. Rexit Ecclesiam ann. 384. vel melius creatus fuit ann. 367. & 384. defunctus 384.

Demetrius Comatenus Archiepiscopus Bulgariensis, in suo libro juris Graeco-Romani, agit de azymo, idest a quo tempore in Ecclesia Romana

introducendum fuerit. Apud Graecos magnae auctoritatis est.

Demetrius Cidonius Thessalonicensis vir multae doctrinae, & pietatis; multa opera D. Thomae Aquinatis in Graecum transtulit, praesertim de sacrificio Missae. Malleus Graecorum appellatur, quia contra eorum schisma docte scripsit. A pluribus scriptoribus commendatum invenimus, & signanter ab Eminentissimo Card. Bona.

Dionysius (non audemus tamen asserere utrum sit ille, qui dicitur Areopagita, vel alter recentior): hoc tamen affirmare possumus sententia Card. Bonae, & aliorum scriptorum rerum Liturgicarum, quod unus Dionysius fuerit auctor Liturgiae. Probabilior tamen sententia est, quod fuerit primus, qui vivebat ann. 120; secundus vero an. 1460.

P. Dionysius Carolus Placentinus Ord. Capuccinorum post Apostolicas missiones in Regno Gonghi, tandem anno 1687. librum rituum omnium Ecclesiarum ejusdem Regni publicavit, cujus titulus est = Maurus Veneratus =. De isto tamen auctore nullam mentionem fecit in sua Bibliotheca universali Franciscana R. P. Jo. Antonius.

Dionysius Carthusianus, qui etiam Doctor estaticus appellatur, pius, sapiens, & vix ulli post Augustinum postponendus propter multipliciter operum; inter Liturgicos collocandus, eo quod Liturgica etiam opera scripsit.

Dionysius Barselibeus auctor Liturgiae, citatur a Card. Bona in lib. 1. Rerum Liturg. & a Gabriele Sionita. Ejus opera non sunt spernenda.

Dionysius Petavius S. J. scriptor celeberrimus, inter alia de Ecclesiastica Hierarchia, de potestate consecrandi Sacerdotibus a Deo concessa, & ideo merito in hoc catalogo collocatur. Ejus opera ann. 1643 lucem viderunt. Humana, & Divina literatura fuit insignis.

Diodorus Liturgiam particularem, vel communem scripsisse testatus est Abraham Ecchellensis.

Didacus de Castillo optime scripsit de vestibus & ornatu Aaronis; opus revera eruditione plenum, publicatum fuit an. 1671.

Dominicus Macri in suo Hierolexicon multa exposuit ad sacram Liturgiam pertinentia; sed in aliquibus vocabu-

lis, praesertim de Pontificio Pastoralis
secutus est improbabilem opinionem
Cajetani, & a nobis confutatur in
tom. 2. Annotat. sub voce *Pasto-
ralis*. A Macri juniore denuo publica-
ta fuere ejus opera cum emendatione
vocabulorum.

Dominicum Giorgi inter Liturgicos me-
rito collocamus; nam cum magna e-
legantia opus nobis reliquit, in quo
omnia videntur, quae ad Liturgiam
Romanorum Pontificum pertinent. O-
pus nostri auctoris fuit impressum an.
1731.

Donus Papa, qui sedem Petri tenebat an.
Chr. D. 678. aliqua in Liturgia po-
suit.

Drogus Ostiensis, cujus opera inveniun-
tur in tom. 2. Bibl. Patrum, eru-
dite de Off. Divino scripsit.

E

Edmundus Martene Cong. S. Mauri,
de antiquissimis Ecclesiae Rit., de an-
tiqua Ecclesiae disciplina, & alia mul-
ta sapienter ann. 1700. publicae uti-
litati donavit.

Egbertus Episcopus Eboracensis lumen

aliquod tribuit nobis super *Confiteor*, & benedictionem Missae; quae formula non tantum invenitur in aliquibus missalibus; sed etiam in aliquibus Ecclesiis adhibetur. Hic auctor est magnae aestimationis, & floruit an. 730.

Egidius Bucherus unius Canonis translationem fecit ex graeco idiomate, & in eruditissimis illius operibus de Doctr. Temp. posuit. Legitur etiam in inscriptionibus Gruteri.

Egidius Romanus in Canonem Missae erudite scripsit, & a multis citatur.

Eligius Episcopus Noviomenfis plures homilias sacras habet, in quibus erudite loquitur de Calice, sed signanter in illa, quae ordine decima est.

Eleazarus Episcopus Babiloniae, vir doctrina celebris aliqua publicavit de ritibus in suo opere, in quo etiam de sacra Liturgia brevissime tractavit.

Emmanuel De-Vega Conimbricensis Religiosus S. J. inter alia opera habet de sacrificio missae, sub ann. 1586.

Ennodius Ticinensis in sua Apologia documenta plurima nobis tribuit utilissima; sed praecipue affert rationem, cur in canone Missae nominetur summus Pontifex, quamvis in Liturgiis

SS. Basilii; Chrysostomi, & Jacobi non in singulari, sed in plurali vocetur dicendo == Memento Domine 520: sanctorum Patrum &c. == Florebat an. 520.

S. Epiphanius, qui floruit ann. 406. quamvis diffuse non minus, quam erudite scripserit contra haereses, multa etiam inveniuntur in ejus operibus ad Liturgiam spectantia. Aliqui scriptores ipsum auctorem unius Liturgiae faciunt.

Estius confuse, & non accurate suam Orationem Theologicam de mixtione composuit.

S. Evaristus Papa, qui Cathedram Petri regebat ann. 121, in sacra Liturgia aliquid posuit.

Eusebius Renaudotius Liturgiarum Orientalium accurate collectionem fecit, & sub ann. 1716. supponimus publicasse.

Eustachius Patriarcha Antiochenus citatur ab erudito Cajetano Maria Merati in suis annotationibus, inter Liturgicos. Nescimus tamen, utrum idem, & unum sit cum Eustatio, & quod propter negligentiam libroriorum nomen mutatum sit.

F

S. Fabianus Papa citatur a Marati, aliisque scriptoribus inter Liturgicos; asserunt quod aliquid sacrae Liturgiae apposuerit. Juxta accuratiores Cronologistas, Petri navem gubernabat an. circ. 254.

S. Felix Primus Pont. Max. & Felix IV. quamvis aliqua tractassent de sacra Liturgia, eorum scripta nec in parte, nec in toto vidimus. Primus rexit Ecclesiam sub anno 275. & IV. 530.

Ferrarius de vestibus sacris, quamvis non universaliter, docte tamen scripsit, illiusque auctoritas non est spernenda.

Filixinus citatur a Card. Bona, a Gavanto, & Merati; imo Card. Bona asserit Liturgiam aliquam scripsisse; cuius tamen auctoritatis sit, nescimus.

Florus Magister, & scriptor Liturgicus IX. saeculi super expositionem Missae opus perfectum Ecclesiasticis, eruditissimisque hominibus tradidit. Sententia nostri auctoris non discrepat ab illa Remigii Antisiodorensis; ut notant plurimi scriptores. An hic Florus ille sit Lugdunensis Ecclesiae Subdiaconus, cujus celebris memoria est apud Sir-

mundum in notis ad Avitum , judicare non audent sapientes .

Pater Fortunarus Scacco Ord. Eremit. S. Augustini , & praefectus Capellae Pontificiae , suo libro nomen imposuit = *Myrothecium* = in quo de Missa Pontificali tractando difficultates explanavit . Extant etiam quamplurima MSS. ejusdem auctoris in Bibliotheca Angelica , de martyrio , de natura , quidditate , inquisitione , auctoritate , cultu Beatificationum , & Canonizationum ; etiam de directione Judicum delegatorum , & subdelegatorum in causis Sanctorum . "

Franciscus Magius opus suum complevit de Div. off. quod quidem laudatur ab omnibus , eo quod inoffenso pede ad veritatem cum gravi eruditione legentes conducit . Scripsit etiam sapienter de choro , & nonnulla opuscula inedita videntur , quae si ad publicam lucem pervenirent , maximae utilitatis essent .

Franciscus Maria Brancatius S. R. E. Card. eruditissimus atque piissimus , ejus opera de Viatico , & consecratione Altarium , non proprio consilio , sed sapientum , atque eruditorum vo-

luntati adhaerens, imprimere manda-

1672. vit ann. 1672.

Franciscus Samarinus non minus pietate quam eruditione clarus, scripsit dili-

1570. genter de Missa ann. 1570.

Franciscus Blanchinus post alios auctores ultimus librum composuit de canone Paschali ann. 1703. de illius auctoritate, & eruditione sapientissimus Gavantus aperte testimonium reddit,

1729. aliique auctores. Obiit an. 1729.

Franciscus Agricola opusculum eruditum reliquit de officio sacerdotum.

Franciscus Quignonius S. R. E. Card. inter alia Breviarium Romanum ex sacra Scriptura, & probatis Sanctorum historiis confecit, atque ann. 1536. Venetiis, & 1557. Lugduni impressum vidimus.

Franciscus Carriere Ord. Min. Conventualium propter Cronologiam summorum Pontificum celebris. Etiam an. 1663. opus suum publicae utilitati mandavit de ritibus Ecclesiae catholicae juxta doctrinam SS. Patrum, & Conciliorum.

Franciscus Turionus rerum Ecclesiasticarum peritissimus, sub eadem materia laudabiliter scripsit.

Franciscus Maria Florentinus an. 1680. opus magnae eruditionis plenum publicavit. Titulus ipsius est — Disquisitio de antiquo usu fermentati panis, & azymi —. Propter claritatem, & brevitatem a multis aestimatur.

Franciscus Ximenes Archiepiscopus Tolletanus in rebus Liturgicis eruditissimus, Liturgiae Mozarabicae aliquid addidit. Alia opuscula scripsit, quae inedita manent. Merito igitur ab omnibus inter classici Liturgicos collocandus est.

Franciscus Macedo Ord. Minorum, ann. 1663. optimam disquisitionem Theologicam fecit de ritu azymi, & fermentati.

Franciscus Venderveken optime scripsit in canonem missae ann. 1644. Illius sententiam secuti sunt plures Liturgici scriptores sui saeculi.

Franciscus Titelmannus opusculum pietate plenum sub ann. 1523. publicavit de sacrosancto mysterio Missae, & alia MSS. reliquit.

Franciscus Episcopus Rotomagensis in suo tractatu de Missa plures notas habet particulares, & nunquam ab aliis auctoribus expositas. Vir revera

eruditus in sacris literis, sed praecipue in Liturgicis quaestionibus.

Franciscus Gervasius post tot tantosque scriptores viam novam aperuit cum suo libro sacr. rituum, in quo agit de Missa plana. Qualis utilitatis sit testantur Liturgici scriptores. Publicatum fuit ann. 1723.

Franciscus Berlendis Cler. Regul. vir doctus, ac devotus, sub ann. 1733. suum eruditum opus publicae utilitati donavit, in quo specialiter agit de oblationibus ad Altare.

P. Franciscus Pagi Relig. Ord. Minor. Conventualium S. Francisci, & nepos eruditissimi Anronii Pagi, de antiqua disciplina Ecclesiae, & sacr. rituum accurate scripsit.

Fulbertus Episcopus Carnotensis scripsit Finardo epistolam, in qua plures rationes exposuit de ritu mixto. Qualis fuit nostri auctoris eruditio in sacra Liturgia, ejus opera testantur.

Fulgentius Ruspensis Episcopus in sua epistola responsiva Ferrandi Diaconi optime difficultatem sibi propositam explicavit super illa clausula = Per Dominum nostrum Jesum Christum Filium tuum =. Talis resolutio non

invenitur apud alios auctores cum tanta claritate. Magnae auctoritatis sunt scriptoris nostri monumenta, & a pluribus citatur.

G

Gabriel Albaspina Aurelianensis Episcopus de veteribus Eccl. ritibus lib. 2. ann. 1623. de sacr. Euch. lib. 1. composuit, & variis argumentis affirmat vocabulum *Missa* a voce septentrionali *Mess*, idest festivitas, sive congregatio exordium duxisse. Florebat ann. 1627.

Gabriel Biel eruditam expositionem literalem, & mysticam sacr. canonis Missae publicavit; quam tamen (si fides praestanda est in hac parte mordacissimo critico Launojo.) ipse in fine operis ingenue faterur collegisse ex magistro Eggingi de Brünsvik lectionura, paucis additis & mutatis. Florebat noster Gabriel ann. 1560.

Gabriel Sionita non indocte de Liturgiis Orientalibus opus suum perfecit. In epistola vero ad Nicusium loquitur de ritu Maronitarum.

Gabriel Severus Philadelphus in suo li-

bro de Sacramentis saepissime contra Petrum Arcudium scripsit, & praesertim agendo de concordia Occidentalis, & Orientalis Ecclesiae in administratione sacramentorum. De hac re tamen peritiores graecae eruditionis hinc inde pendent.

Galarinus plures libros composuit sub titulo = Arcana catholicae veritatis = in quorum decimo loquitur de sacrificio legis gratiae, jam ab antiquis Hebraeis pronuntiato. Fuit celeberrimus scriptor sui temporis.

Gardeboscus in suis scriptis aliquando opponitur Remigio Antisiodorensi, sed praesertim ubi agit de Missa Apostolorum: affirmat non tres tantum orationes recitasse Apostolos, sed etiam aliquas prius fuisse ad Deum orationes, non omissa omnium excellentissima, quam ex ore Divini Magistri acceperant, antequam consecrarent, ut gratiam largiretur ad digae tractandum mysterium illud. Item aliquas preces, quibus se se ad communionem disponerent, & denique alias, quibus pro accepto beneficio singulari Deo rependerent grates. Haec

opinio tamen ab aliquibus Liturgicis scriptoribus rejicitur.

Garzia Loayfa, vel Laoyfa citatum invenimus a Gavanto inter scriptores rerum Liturgicarum.

Gelasius Papa I. aliquas Missas composuit, & ann. 831. exitebant in Abbatia S. Riccheri. Sunt qui volunt ipsum auctorem collectarum una cum S. Gregorio. Multa adjecit antiquae Ecclesiae Liturgiae: composuit sacramentorum praefationes, & orationes, numquam vero canonem Missae.

Gennadius, qui etiam sub nomine Georgi Scholari, Patriarcha Constantinopolitanus lingua nitidissimus, & ingenio acer, in sua expositione Concilii Florentini loquitur de azymo adversus Graecos. Notat vero Lau-nojus alium Gennadium Scholarium Monachum, ejusdem synodi hostem infensissimum.

Genebrardus docte, sed non recte scripsit super Liturgiam Apostolicam; nam ex levissimis conjecturis intendit probare quod vocabulum *Missa* derivativum sit ex voce graeca *Myesis*, idest a verbo *Myeo*, quod idem est ac doceo, eo quod a Graecis dicitur *Myfis*.

Georgius Metropolitānus Corcirenſis in ſuo erudito commentario de communione .intendit probare Eccleſiam accepiffe ab Apoſtoliſ panem fermentatum , & quod tempore S. Gregorii auct. dialogorum , oblationem in fermentato feciſſet . Talis controverſia plures ſuſcitavit quaefſiones inter Liturgicos .

Georgius Caſander ſcriptor Liturgicus , ſuppreſſo nomine Bernoldi , nonnulla ipſius auctoris tranſtulit in ſuo opere Liturgico . Ut tamen diſtinguatur ab alio Bernoldo , iſte fuit Presbyter Conſtantiēſis .

Georgius Pachimeres non propter Apologiam , ſed quia de Miſſa tractavit , ideo inter Liturgicos reponitur .

Georgius Codinus Curopalates in Orientalibus linguis peritiſſimus , accurate & erudite de offic. Eccl. Conſtanti-nopolitanae ſcripſit ann. 1648.

Georgius Wicelius in ſuo libro de defenſione Eccleſiae affirmat cum Card. Bona , Thomafio , & Mabillonio Liturgiam Matthaei Flacci non diſtingui ab ea , quae hodie in Occidente juxta ordinem Romanum in uſu eſt .

S. Germanus Conſtanti-nopolitanus erudi-

tionem suam ostendit in expositione
sacrae Liturgiae. Titulus operis est:
== Teoria Liturgiae ==.

Gilbertus Grimaldi ann. 1666. gallice
sacram Liturgiam imprimere fecit, in
qua plures res exposuit, ex quibus
eruditio auctoris apertissime manife-
statur.

Goldastus particularem Liturgiam pro
acclamatione summi Pontificis dedit.
Talis Liturgia in usu posita fuit in
Germania tempore Nicolai Papae I.
ut habetur in codice MS. monasterii
S. Galli. Qualis eruditionis fuit no-
ster Goldastus, ejus opera clarissime
manifestant.

Gothofridus Voigtus Thyfiasteriologiam
composuit, sive de altaribus veterum
Christianorum. Hamburgi imprimere
1709. fecit ann. 1709.

Goffridus Boussardus Parisiensis, Cancel-
larius in expositione canonis Missae
opera suae mentis extendit non mi-
nus docte, quam accurate. Sub ann.
1511. & 1520 impressa fuerunt ejus
scripta.

S. Gregorius Magnus celeberrimus prop-
ter opera illius eruditissima, atque
Ecclesiae utilissima, signanter tracta-

tum habet de Missa, quae nocturno tempore celebratur. Aliqui Liturgici scriptores ipsum auctorem crediderunt canonis Missae; sed ipsemet asserit, quod ex Scholastico originem duxerit: talis vero Scholasticus fuit ante Gelasium. Multa tamen in codice Gelasiano mutavit, subtraxit, adjecit, & in quo volumine posuit.

S. Gregorius Nazianzenus, qui tempore Theodosii Imperatoris defunctus est, videlicet ann. 370. inter Liturgicos ab aliquibus scriptoribus collocatur.

Gregorius Papa II. producit Liturgiam, quam ex Arabico in Latinum a Victorio Scialac Arculensi Maronita conversam fuisse affirmant plures scriptores Liturgici. Verius tamen eam olim graece exaratam in Bibliotheca C. P. fuisse reportatam una cum Liturgiis Ss. Basilii, & Chrysostomi.

Gregorium Papam III. & ejusdem nominis IV. VII. IX. X. XI. XIII. & XIV. qui Ecclesiam suis viduatam pastoribus gubernarunt in ann. 741. 843. 1086. 1241. 1276. 1378. 1585. & 1623. merito inter Liturgicos numeravit Card. Thomasius, Bona, & Gavantus. Grangolus in sua opera scripsit de Mis-

sa Africana, idest a pag. 262. usque ad pag. 299. Idem auctor inter multos scriptores erudite tractavit de Missa Hibernica, quae apud Hibernos, & Britones in usu fuit. D. Bernardus asserit modum sacrificandi istorum a Romano discrepasse.

Gratianus sub ann. 1151. opus de consecratione reliquit, in quo sub dist. 1. de Missis nocturno tempore celebratis etiam scribit. Ejus auctoritas est magni momenti.

Grimoldus Abbas plures collectas composuit, & librum sacramentorum. Pamelius in suo lib. 2. Liturgiae il-

800. las collocavit. Florebat circa an. 800.

Guibertus Tornacensis, Ord. Minorum, non solum de off. Episcoporum, sed etiam de ecclesiasticis caeremoniis sapienter opuscula composuit. Videntur in Bibl. PP. tom. 23. Idem auctor rationem assignat de orationibus antepraeparatoriis Missae. Vir doctus ac pius Floruit ann. 1260.

Guidmundus Monachus Benedictinus, & postea Episcopus Averfanus, etsi alia opera non fecisset, librum nobis reliquit contra Berengarium de Eucharistia, ex quo comprobatur sufficientis

sine fides, doctrina, atque clarissima
eruditio in rebus sacris nostri aucto-
1070. ris. Florebat an. 1070

Guilelmus Alanus Anglus S. R. E. Card.
admirandae pieratis, & eximiae eru-
ditionis fuit. Inter alia multa scripsit
etiam de sacrificio Missae.

Guilelmus Durandus constantissime asse-
rit, quod suo tempore, idest circa
ann. 1280. Missam sabbati sancti no-
cturno tempore celebrabat Ecclesia.
De sede Episcopali Mimatensi scripsit
ration. Div. off. & de rit. Eccl.

Guilelmus Lindanus eruditissimus fuit
scriptor. Annotationibus illustravit Li-
turgiam, quam aliqui Liturgici scrip-
tores affirmant relictam fuisse a Prin-
cipe Apostolorum Petro: tamen quia
hoc probari non potest solidissimis ar-
gumentis, ideo rejicitur a pluribus.
Talis vero Liturgia in C. MS. Card.
1584. Sirleti conservabatur. Floruit an. 1584.

H

Habertus, vel Kabertus Ifacius au-
ctor Liturgicus, in decima parte suae
Liturgiae contra opinionem Albasi-
nae, verba canonis de viatico infir-

morum in Concilio Nicaeno exposita interpretavit. Affirmat etiam, quod in aliquibus exemplaribus Liturgiae Chrysostomi leguntur verba ista = Nicolai sanctissimi universalis Papae longa sint tempora = quae de Nicolao primo intelligenda essent. Scripsit etiam Pontificalia Graecorum. Afferit etiam, quod in canone positum sit nomen Pontificis, quando commemorationem omnium Patriarcharum etiam posuerunt. Supponimus vitam aeternam accepisse post ann. 1674.

Harduinus prae nomine Joannes sub ann. 1689. Parisiis publicam fecit eruditionem suam, quando librum de sacramento altaris Liturgicis legendum mandavit.

- Haymus Monachus, deinde Halberstatensis Episcopus, de quo tom. 12. Spicilegii Dachérius loquitur; opusculum utilissimum fecit de corpore, & sanguine Domini post consecrationem. Facilis, & accuratus fuit etiam in explicandis sacris scripturis.

Henricus Gravius publicavit Coloniae librum, in quo videntur optimo ordine dispositae 240. praefationes, variis festivitatis accommodatae.

Henricus Pisart Canon. Regul. S. Aug. expositionem Rubric. Missae, caeremonias particulares, & alia ad sacr. Liturg. pertinentia sub ann. 1708. 1723. & 1727. cum maxima gloria sui nominis publicare fecit.

Henricus Gorichen explanavit difficultates circa Missas votivas, & transeunter etiam de processionibus: sed quavis bona dixisset, tamen non fuit magnae auctoritatis.

Henricus Dissen multa docte scripsit de officio Missae. Laudatur ab aliis auctoribus sacr. rit. propter illius claritatem.

1040. Hermannus Contractus, qui circa ann. 1040. floruit, propter illius opera inter Liturgicos numerabitur; sed de ritibus accurate scripsit. Chronicum tamen ipsius non est, sed ex Beda exscriptum fuit.

Hildebertus Turonensis elegantissimis versibus scripsit de sacrificio Missae. Quaestionem movit de pulsatione tintinnabuli in elevatione Corporis, & Sanguinis Christi tempore sacrificii. Videatur tom. 3. nostr. Annot. rer. Eccl. sub voce *Tintinnabulum*.

Honorius Papa primus Petri cathedram

occupabat circa ann. 638. & Honorius tertius sub ann. 1226. Hi duo Pontifices inter Liturgicos numerandi sunt.

Honorius Augustodunensis Episcopus in sua gemma animae, sive de Div. off. loquitur de Hostiis, videlicet quales fuerunt post annum Christi 1000. & de formis earum. Mortuus est circa ann. 1130. & laudibus encomiatur a multis.

P. Honoratus a S. Maria Carmelita excalceatus varia opera eruditione ecclesiastica plena publicae utilitati mandavit, sed praesertim de Liturgiis accurate scripsit, ut videre est in ejus *lib. 5. dissert. 3. art. 3.* In aliquibus tamen confutatur a Reverendissimo Patre Michaeli a S. Joseph Matritensi, & Episcopo Quadensi Trinitario, eo quod solis argumentis negativis suam opinionem probare intendat.

Hugo Menardus Congr. S. Mauri, vir revera eruditissimus, ut videre est apud Sirletum, aliosque scriptores magni nominis; inter alia fecit notas & observationes in lib. sacram. S. Gregorii Papae, & Menologium Graecum.

Ugo Victorinus Canon. Regul. ubi scripsit de offic. Eccl. habet etiam de

missa. Originem hujus vocabuli *Missa* accurate investigavit. Aliqui auctores ipsum vocant *linguam Augustini*, melius tamen imitator Augustini a nobis vocabitur, contra opinionem Lau-
 1136. nos. Florebat ann. 1136.

Hugo natione Gallus, Angliam eruditione sua illustravit, & ex Radin-
 gae Abbate Ord. Cisterc. Archiepiscopus Rotomagensis creatus est. Libros 3. erudite contra Haereticos sui temporis scripsit, & signanter de off. & Ministris Ecclesiae.

Humbertus Episcopus Silvae candidae & S. R. E. Card. clarissimus, erudite scripsit de consecratione in azymo, & in hac opinione uniformatur omnibus illis, qui contra Graecos scripserunt. Confutavit errores Michaelis Cerularii, Nicetae Monachi, aliorumque schismaticorum Graecorum, qui Latinorum sacrificium inutile esse affirmarunt. Supponimus cum majori parte scriptorum, quod ann. 1054. mortuus sit.

S. Hieronymus Ecclesiae Doct. celeberrimus saeculi IV. inter eruditissima ejus scripta extat lectionarium tum Epistolarum, tum Evangeliorum totius

anni. Plura etiam in suis voluminibus de Liturgia tractavit, quamvis variis in locis. Videtur in suis operibus catalogus scriptorum Ecclesiasticorum, in quorum numero sunt etiam scriptores Liturgici sui aevi.

Hieronymus Empserus Suevus adversus Svinglium de canone Missae, & contra Lutherum de sacrificio Altaris erudite scripsit. Ejus opera anno 1532. Coloniae impressa videntur.

Hieronymus Magius opusculum composuit de Tintinnabulis, & eorum usu in Ecclesia. Sublimavit atque complevit opus auctoris Franciscus Werrii, sed melius Swertii cum suis notis an. 1664. Capta Cypro in Asiam.

Hieronymus noster jam servus hominis Turcae libros composuit.

Hieronymus Crispus Archiepiscopus Ravennatensis duo opuscula eruditione plena Romae publicavit; in primo exposuit Off. B. V. M. in secundo Dissertationem mysteriorum Evangelicae legis, sacramenti Eucharistiae, & Missae.

Hieronymus Cantonus, qui vivebat ann. 1606. Hispanico idiomate eruditum Ordinarium Div. off. exposuit, in quo

plura de Missa inveniuntur scitu digna.
 Hieronymus Baruffaldus exposuit commentaria ad Rituale Romanum, cujus impressio ann. 1731. videtur.

Hieronymus Franconus de officio, & munere sacerdotali erudite scripsisse asserunt Gavantus, & Merati.

Hieronymus Savonarola Ferrariensis nobilitate, ac doctrina clarus sacr. Praedicat. Ord. nomen dedit 25. Apr. an. 1475. de mysteriis Missae multa erudite scripsit.

S. Hippolytus Martyr Episc. Portuensis, in sua elegantissima oratione de consummatione saeculi, scripsit etiam de rit. Eccl. ab Antichristo tollendis. Nescimus tamen, an propter antiquitatem auctoris adhuc existat. Floruit vel in fine saeculi secundi, vel in principio tertii.

Hippolytus Tonellus exponit in Enchyridion ea omnia, quae ad sacrificium Missae spectant; sed cum tali claritate, brevitate, & diligentia, quod sufficienter commendari non potest. Sub ann. 1695. publicatum fuit.

Hippolytus a Portu Religiosus S. J. novum librum complevit ann. 1705. cum titulo = De cultu Dei & hominum Liturgico morale.

P .. Jacobus Goar Ord. Praed. Theologus, praeter suum Enchologium, sive Rituale Graecorum, scripsit etiam de sacrosancto mysterio Missae, & annotationes ad Liturgiam Joannis Chrysostomi. Claruit saeculo XVII.

Jacobus Bossuet Episcopus praeter conferentias cum Claudio super materiam Ecclesiae, scripsit explicationem difficultatum super preces Missae.

S. Jacobus Apostolus, si fides praestanda Graecis est, Latinis, & Siriis scriptoribus, primus fuit auctor Liturgiae; imo aliqui affirmant illam existere etiam nostris temporibus:

Jacobus Sirmundus tractatum eruditione plenum fecit, in quo maximis rationibus affirmat, quod Ecclesia Latina saltem spatio 80. annorum utebatur fermentato.

Jacobus Janfonius aliquos libros Liturgicos scripsit, sed in tertio illorum affirmat, quod verba S. Gregorii Magni in favorem Scholastici scripta de canone intelligenda non sint, sed de alia oratione composita ab ipso Scholastico.

Jacobus Baldus Capuccinus, vir iudicio, inventione, & doctrina egregius, cum maxima diligentia scripsit de Ecclesiis ante legem gratiae.

Jacobus Junterbec suum opus exposuit de casibus variorum dubiorum circa Missam, & in canone Missae, & de ejus valore.

Jacobus Minor habuit suam Liturgiam, in qua specialiter tractat de defunctis.

Jacobus Hildebrandus librum unum erudite scripsit ann. 1552. in quo agit de sacris publicis Ecclesiae primitivae.

Jacobus Winfelingius de hymnorum, vel sequentiarum auctoribus breviter scripsit, & alia de emendatione hymnorum.

Jacobus Petronius S. R. E. Cardinalis piissimus gallice composuit ann. 1622. tractatum de sacramento Eucharistiae, in quo multa ad Liturgiam pertinentia inveniuntur.

S. Jacobus Nisibensis, si vera sunt, quae ab Abrahamo Ecchellenfi referuntur, auctor fuit unius Liturgiae.

Jacobus Pamelius praeter notas doctissimas in Tertullianum, & Cyprianum, multa etiam reliquit ad sacram Liturgiam necessaria. Aliqui affirmant quod vixerit sub ann. 1580. sed probabi-

1578. lius 1578. vitam mortalem amisit :
 S. Jacobus Syracensis juxta indiculum li-
 brorum Æthiopicorum inventum a Job
 Ludolfi, auctor fuit unius Liturgiae.
 Jacobus Edeffenus Philoxenus auctor fuit
 unius Liturgiae juxta aliquos scripto-
 res; nos vero in dubio relinquimus
 talem opinionem, eo vel maxime,
 quod non citetur ejus Liturgia nec
 pro qua gente, & sub quo anno.
 P. Jacobus Wiecco Polonus S. J. reli-
 giosus, inter alia erudita scripta, de-
 finitionem sacrosancti sacr. Missae con-
 tra Franciscum Stancanum publicavit.
 P. Jacobus Hongre natione Gallus sub
 regula S. Dominici per plures annos
 vixit, quo tempore cum maximo ze-
 lo volumen exposuit contra Novato-
 res de sacrificio Missae, in quo plu-
 rima leguntur sacrae Liturgiae uti-
 lissima.
 Jacobus Bayus Belga, Doctor Theolo-
 gus, & Professor Lovanii floruit an.
 1663. tres lib. publicavit adversus Lu-
 theranos de venerabili Euch. sacr. &
 de sacrif. Missae: Antuerpiae publica-
 fuerunt ejus opera ann. 1665.
 Ignatius Patriarcha Antiochenus scripsit
 suam Liturgiam, & existit in tom. 2.

collat. Liturgiar. Orientalium Eusebii
Renudotii .

Ilduvinus Abbas citatur a Gayanto , &
a suo successore inter scriptores Li-
turgicos .

Ignatius Antonius Palou Hispanus , &
beneficiatus Ecclesiae Metropolitanae
Civitatis Valentiae , suo libro titulum
apposuit == Sacerdos instructus , &
edoctus in antiquitate , origine , au-
thoritate , & praxi singularum missae
caeremoniarum == in ipso multa ad
Sacr. Liturg. spectantia leguntur , Im-
pressio facta fuit ab Antonio Borda-
zar ann. 1738 .

S. Ildephonsus ritum Mozarabicum am-
pliavit .

Innocentius Papa primus difficultatem ex-
planavit de rituum varietate an. 416 .

Innocentius vero III. qui Trinitarium
ordinem approbavit , multa docte scri-
psit , sed particulariter distinguitur in
suo opere de missarum mysteriis , quem-
admodum in alio opere de conse-
cratione . Afferit etiam symbolum Ni-
caenum a S. Damaso Papa introdu-
ctum fuisse in missis , quemadmodum
in Ecclesia Graeca mos fuit . Liturgi-
ci scriptores semper ipsum citarunt ,
& est magnae auctoritatis , Innocen-

tius I. florebat. ann. 416. ejusdem nominis Tertius 1216.

S. Joannes Evangelista inter Liturgicos merito numeratur a Card. Bona, Gavanto, & Joseph de Petio.

S. Joannes Chrysostomus, qui vivebat an. 407. post S. Basilium Liturgiam scripsit, ut asserit B. Proclus ejus Discipulus, & in sede dignus successor.

Joannes Grammaticus Alexandrinus, cognomento Philoponus, scripsit de azympo, & fermentato, & validissimis argumentis probat fermentatum apud Graecos ab initio Ecclesiae receptum, perseverasse usque ad saeculum VII.

608 Floruit, juxta calculum R. P. Le Long ann. 608.

Joannes Du Tillet Meldensis Episc. publicavit opusculum de sacrif. missae ann. 1570, & Calvinum nondum Haereticam praeceptorem habuit.

Joannes Faber Viennensis Episc. in suo tractatu de Religione Roxolanorum, seu Moscovitarum, loquendo de eorum ritu asserit panem ordeaceum consecrare. De hac re tamen judicent Sapientiores, quia nonnisi ab isto auctore didicimus.

Joannes a S. Andrea sub nomine S. Gre-

gorii publicavit missam cum interpretatione graeca Georgii Codin. Talis missa revera est particularis.

Joannes Hofmeister doctissimus Religiosus ordinis Erem. S. Aug. optimam responsum exposuit contra virum eruditum = Quare in missa panis, & vinum dicantur immaculatam hostiam pro salute vivorum, & defunctorum = Exposuit etiam missam, propter quam talis controversia excitata fuit.

Joannes Cassianus celeberrimus observator sacrorum Rituum, opponitur volentibus auctorem hymni Glorificationis in principio missae, Flavianum Monachum Antiochenum. Vixit Cassianus post mortem S. Hieronymi annos 50.

Joannes Echius aliquos libros composuit de Sacrificio missae, sed tamen erravit affirmando, quod usque ad imperium Adriani, id est prope finem saeculi secundi, Apostoli celebraverint lingua hebraica. De caetero vere dicitur Malleus Lutheranorum.

Joannes Langhecrucius plures tom. composuit de Div. Off. rite peragendis: asserit etiam quod missalia particularia introducta sint post Concilium Aquigranense tempore Ludovici Pii. Mor-

1580. tuus est ann. 1580.

Joannes Baptista Scorsia eruditum tractatum fecit de sacrificio missae; sed quia loquendo de vocabulo *Missa* sustinuit contra communem sententiam, derivativum esse ex vocabulo hebraico, ideo a multis rejicitur. A nobis separatus est ann. 1607.

Joannes Dartes Cadurci in Gallia natus sub ann. 1648. publicae utilitati mandavit sua scripta de consecratione, de Eucharistia, de origine Ecclesiarum, & earum forma, de Dignitatibus Ecclesiasticis, de statu Ecclesiae tempore Apostolorum, & alia utilissima. Obiit cum maximo dolore Eruditum ann. 1651.

Joannes Bechhoffen ann. 1519. typis Basileae quadruplicem expositionem missae publicare fecit.

Joannes Beletius qui florebat ann. 1190. de Div. off. & de missa docte scripsit.

Joannes Burchadus ex Argentina civitate oriundus, fuit magister Caeremoniarum Pontificum ann. 1534. quo tempore ordinem missae publicavit.

Joannes Bona S. R. E. Card. vir clarissimus, piissimus, atque doctissimus, inter multa ejus scripta numerantur

duo libri da sacr. Liturgia, ab omnibus hujus materiae intelligentibus commendati. Omnes scriptores Liturgici nostri saeculi cum veneratione loquuntur

1673. de nostro auctore. Vivebat ann. 1673.

Joannes Mabillon celeberrimus scriptor contemporaneus Card. Bonae, praeter opus de studiis Monasticis, etiam in lucem posuit doctam dissertationem de fermentato, quae ab eruditis variis elogiis decorata fuit, & signanter ab Eminentissimo. Card. Bona. Scripsit etiam de Liturgia Gallicana. Indumenta

1673. mortalitatis reliquit ann. 1673.

Joannem Papam VIII. XIII. XIV. & XXII. de rebus Liturgicis scripsisse tenet Gavantus: ejus tamen opera non vidimus. Cathedram rexerunt ann. 882. 972. 995. & 1337.

Joannes Alcocer Hispanus ann. 1612. erudite de caeremoniis Missae Hispanae opus complevit.

Joannes Baptista Monachus Cassinensis de expositione Missae nonnulla edidit.

Joannes Lopez Hispanus in sua lingua 1606. scripsit de sacrificio Missae an. 1606.

Joannes Benignus Bossuet Meldensis quorundam difficultates circa orationes Missae optime explanavit an. 1689.

Opus etiam magni ponderis pro Liturgicis scriptoribus judicavimus.

Joannes Baptista Donius de utraque Penula tractatum habuit.

Joannes de Turrecremata S. R. E. Card. doctus, & dives, devotus, & docilis, disputationem de azymo, & fermentato, nec non de transubstantiatione scripsit, ut videre est in tom. 13.

1468. Conciliorum Labe. Vivebat circa an. 1468.

Joannes Brunsumsch eleganter scripsit de off. Missae, sed brevissime.

Joannes Serranus mysticam expositionem Missae explicavit. Afferunt quod ann. 1626. publicam fecisset.

Joannes Stephanus Durantus secretioris Regii consistorii Consiliarius amplissimus, & sacra eruditione ornatus, de ritibus Eccl. librum publicae utilitati donavit ann. 1606. Lugduni.

Joannes Ciampini de perpetuo azymorum usu ann. 1688. Liturgicis scriptoribus mandavit.

Joannes Fridericus novam veteremque Liturgiam primus exposuit ann. 1705.

Joannes Baptista Rubeus, qui florebat an. 1600. diligentissime scripsit suum librum de Divi off. in quo plura de Liturgia tractavit.

Joannes Baptista Cafali de veteribus Christianorum ritibus posteris mandavit ann. 1645.

Joannes Grancolas antiquas Liturgias gallice scripsit, & veteris Ecclesiae sacramentarium, praeter aliqua de Missa. Vide litera G.

Joannes Bernardus Savonetsis in suo vocabulario, & breviario Ecclesiastico multa spectantia ad sacram Liturgiam exposuit, qua de causa a Liturgicis scriptoribus multoties citatur: in aliquibus tamen opponitur Macri, & Cajetano.

Joannes Harduinus S. J. de sacr. altaris elegantem orationem, vel potius dissertationem imprimere fecit an. 1655.

Joannes Superantius in suo opusculo breviter egit de mysterio Missae.

Joannes Burchardus ann. 1559. suum ordinem Missae publicavit.

Joannes de Lapide resolutorium dubiorum Missae eruditis, & indoctis donavit.

Joannes Abricensis multa de Liturgia compilavit in suo opere de off. ecclesiasticis.

Joannes Fronto Canon. Regul. S. Genevesae varias dissertationes de reb.

1733. Eccl. publicavit ann. 1733. in quibus plurima de sacr. Liturgia Latinae Ecclesiae feliciter exposuit.

Joannes Garnerius de Pallio Episc. an. 1680. accurate scripsit; non numeratur tamen inter celebriores scriptores.

Joannes Morinus Congr. Oratorii D. N. J. C. Presbyter Parisiensis, de sacris ordinationibus Ecclesiae Latinae, Graecae, Syriae &c. secundum antiquos ritus scripsit. Parisiis impressa fuere ejus opera ann. 1655.

Joannes Maffei Cl. Reg. S. Pauli piissimus scriptor novam methodum circa Missam, & Div. offic. ann. 1702. publicavit.

Joannes Barfufan, cujus opera non vidimus, a gravioribus scriptoribus citatur inter Liturgicos.

Joannes Maroni Patriarcha Antiochenus de Liturgia suae Ecclesiae tractatum habuit.

Joannes Paulus Montius instructiones Rubricarum pro rite celebrando sacr. Missae sub ann. 1725. publicare fecit.

Joannes Montagnolus citatur a Card. Bona, & Gavanto; sed ejus opera scholastica potius, quam Liturgica supponimus.

Joannes Paulus Nazzarius Cremonensis
Ord. Praed. suam disputationem solem-
nem de sacrosancto sacrif. Missae a
se habitam in Valle Clavennae cum
ministris sectae Calvinianae scripsit,
& publicavit. In ipsa plurima legun-
tur, quae sacr. Liturg. illustrant. Flo-
ruit saeculo XVII.

Joannes Talpinus natione Gallus, gal-
lico idiomate librum omnibus carum
composuit de sacrificio Missae.

Joachimus Hildebrandus eruditam non
minus quam longam dissertationem
fecit de sacris ritibus. Impressa fuit
sub ann. 1655. cum magna erudito-
rum acclamatione.

Job Ludolfi in suo lexicon Aethiopico
enumerat plus quam duodecim Li-
turgias.

Jodocius Clithoveus aliquos libros reli-
quit sub titulo = Elucidatoria ec-
clesiastica = in quibus juxta morem
antiquorum missalium observantur in-
terpositiones in *Kyrie* Missae, quem-
admodum in *Gloria in excelsis* le-
guntur. Supponunt tamen accuratio-
res Liturgici, quod ex privata licen-
tia positae fuerint, ideoque abolitae

videntur. Opera nostri Jodocii publicata fuerunt ann. 1520.

Joseph de Petio C. R. scripsit vindicias librorum Liturgicorum ab eruditissimo Card. Thomasio editorum, & typis mandavit an. 1723. Apud nostrum Joseph invenitur aliqua series script. rer. Liturg. de qua clar. Card. Bona loquitur, sed imperfecta.

Joseph Vicecomes Mediolanensis tractatum publicavit de antiquis ritibus, & sacr. Missae, juxta sententiam Joannis Baptistae Scorsia. Afferuit etiam contra Acta Apostolorum, quod proprias vestes Apostoli non habuerint dum sacra facerent. Cessit e vita circ.

1626. ann. 1626.

Joseph Maria Thomafius C. R. & S. R. E. Card. eruditissimus plura opera scripsit. Numerantur codices sacramentorum; antiqui libri missarum; off. Dom. Passionis in feria VI. Parasceve juxta ritum Graecorum. Florebatur an. 1713.

Joseph Augustinus Orsi Ord. Praed. ac S. R. E. Card. doctissimus, praeter suam historiam Ecclesiasticam, etiam dissertationem Theologicam scripsit de invocatione Spir. sanct. in Liturgiis

Graecorum, & Orientalium. Impressa
fuit Mediolani sub ann. 1751.

Joseph Maria Suaresius composuit dissertationem de ablutione Altarium.

Isaac Magnae Armeniae catholicus vir aliquas invectivas fecit contra Armenos, in quarum prima demonstrat, quod optimum sit sacrificium tam in azymo, quam in fermentato. Huic opinioni consentit etiam Guibertus Abbas Novigentinus loquendo de Graecorum erroribus.

Isaacus Habertus, vulgo Habert ex Doct. & Canonico Theologo Eccl. Parisiensis Episcopus Vabrensis creatus, plures tractatus scripsit eruditissimos. Noster Isaac caeremonialis Ecclesiae Graecae versionem Latinam adornavit, eamque prolaxis notis illustravit, quae possint supplere locum exactissimi commentarii. Opus in materia Liturgica fere absolutum, passimque
1668. ab eruditis commendatum. Obiit ann. 1668.

S. Isidorus Hispalensis, cujus ingeniosum laborem in explendis ecclesiasticis officiis secuti sunt postea Alcuinus, Rabanus Maurus, Rupertus Abbas, Walfridus Strabo, Ugo Victorinus, &

alii recentiores . Libros scripsit de origine , in quibus explicat nonnullas Missas , sed singulariter Cathecumenorum .

S. Isidorus Pelusiota varias epistolas Liturgicas erudite scripsit , sed particulariter in prima egit de salutatione Sacerdotum ad altare , & responsione Ministrorum . Ad Coelum advolavit ann. 442.

S. Justinus martyr , qui floruit ann. 150. post Christi Nativitatem , in secunda sua Apologia circa finem describit seriem sacrae Liturgiae , & singulariter S. Jacobi Apostoli .

Ivo Carnotensis Episc. vir in Divinis libris exercitatus , & cautissimus , (ut Tritemius scripsit) nec non scripturarum , & canonum scientia illustris , cum magna eruditione scripsit super id , quod conveniebat , vel disconveniebat vetus a novo sacrificio .

Praeter istos Liturgicos scriptores optimum erit etiam sub litera **I** alios collocare , ut ES. Julius Caesar Bolognerus , qui ann. 1620. opusculum de Ecclesia optime publicavit . Julius Papa I. Joseph Catalanus , qui de cambutis fractis in degradatione Episc. egit.

Joannes Baptista Thiers, qui gallice scripsit de altaribus, & choris Ecclesiarum. Julianus Hispanus, qui vivebat ann. 690. & diem clausit extremum aerae hispanicae 728. & de quo Felix Episcopus narrat, quod de Missa Mozarabica scripserit. Joannes Bernardus Puteolus Jannensis, qui rationale de Romanorum Pontificum gemmis, seu libris 12. distinctum reliquit an. 1716. Joannes Braunius, qui teste P. Bernardo Lamy de vestitu Sacerdotum Hebraeorum tractavit, & sub an. 1701. publicavit Amstelodami.

Hi omnes merito locum habere debent in hac nostra serie ex consilio Eruditorum.

L

Lactantius Radfoldus egregius scriptor de mysterio Missae librum composuit.

Latinus Latinius patria Viterbiensis scriptor ecclesiasticus, cujus opera sumptibus Eminent. Card. Brancacci videntur impressa cum notis Dominici Macri. Erudite in suis scriptis legitur de azymo, & fermentato; sed

ejus sententia opponitur opinioni Augustini .

Lazarus Andreas Bocquillotius Presbyter Licentiatus Avalonensis , erudite gallico idiomate tract. habuit de sacra Liturgia . Una est omnium vox de isto scriptore , quod floruerit circ. an. 1701. & inter eruditos Liturgicos adscribendus sit . Mortuus est 1728. in loco nativitaris .

S. Leander Hispalensis Archiep. & dignissimus frater S. Isidori ac in sanctitate , & doctrina pari ; de Missa Mozarabica optime scripsit , non tamen auctor illius fuit .

Leo Marcus Paulus accuratissime tractavit de origine pallii Pontificii ann. 1649.

Leodegarius Mayer Tugii 1737. opusculum imprimere fecit complectens explicationem literalem , & historicam caeremoniarum omnium , ac rituum Ecclesiae Latinae .

Leo Ostiensis in sua Cronica loquitur de Evangelio Graeco , & Latino , quod legebatur in Missis solemnioribus Ecclesiae Montis Cassini .

S. Leo Magnus celeberrimus propter ejus opera , vivebat saeculo V. In epi-

stola hujus Pontificis, quae 81. est, loquitur de voce *Missa*, asserens a Latino, non a Graeca voce originem accepisse; hæc epistola scripta fuit Dioscoro Alexandrino.

Leo Allatius graecis literis eruditissimus in sua epistola directâ Bartoldo Nicusio, affirmat genuinam esse Liturgiam S. Jacobi. Scripsit etiam de perpetua confessione Ecclesiae Orientalis, & Occidentalis, de *Missa* praesanctificatorum, & alia multa, quae Coloniae, & Romae publicata fuere.

S. Linus Volaterranus, qui D. Petro successit, an. 81. post Ascensionem Christi D. rexit Ecclesiam. Huic Pontifici multa Liturgici scriptores adscripserunt.

Lucas Daclerus loquitur de confessione Monachorum Cluniacensium in *Missa*.

Talis confessio in antiquis missalibus non eadem est, ut videre possunt studiosi in Bibliotheca Vaticana, Caesarea, Barberina, & Ghisiana. Noster Lucas citatur a multis Liturgicis scriptoribus, & a variis expositoribus, sacr. rit.

S. Lucas juxta nonnullos ecclesiasticos scriptores Liturgiam composuit.

Lucas Wadingus optime de Liturgia Fran-

ciscanorum scripsit, sed particulariter interpretavit spiritum S. Francisci, ubi egit de celebratione Missae. Mortuus 1628. est ann. 1628.

Lucas Joseph Cerachinius explanavit dubia omnia super Rubricas Missalis ann. 1726.

Ludovicus Navarinus Agnum eucharisticum composuit, in quo diligenter omnes formas hostiarum posuit, quae pro varietate locorum, & temporum in usum sacrificii positae fuerunt.

Ludovicus Ciconiolanus opusc. de Div. off. non indocte composuit.

Ludovicus Richeomus S. J. natione Gallus multa scripsit adversus sui temporis haereticos de sacrificio Missae; citatur a multis scriptoribus, & signanter a Gavanto. Ejus opera Parisiis publicata fuerunt ann. 1627. 1625. diem vero extremum clausit ann. 1625.

Ludovicus Cressollius ann. 1629. dissertationem scripsit de Missa. Composuit etiam Mistagogum ann. 1629. de sacrorum hominum disciplina.

Ludovicus Gherardi Episcopus Cortonenfis in suo opere de modo celebrandi coram proprio Episcopo pri-

matum habuit inter alios scriptores .
Publicavit ann. 1731.

- P. Ludovicus Du-Mesnil scripsit de Liturgia, quae a Principe Apost. S. Clementi relicta fuit. In ipso opere quamplurimae difficultates explanantur Liturgicis scriptoribus necessariae .

M

Maldonatus omnibus notus propter suam clarissimam eruditionem in suo tract. MS. de caeremoniis Missae, de canone etiam quamplurima scripsit, atque de antiqua Liturgia.

Manuel sive Emmanuel Malaxus in suo libro de Nomocanone loquitur de Liturgia S. Jacobi Apostoli, affirmatque eam usque ad tempora Basilii Magni in usum fuisse.

S. Marcus Evangelista juxta opinionem aliquorum propriam Liturgiam scripsit; alii tamen negant: at quemadmodum usque modo indefinita manet quaestio; ideo sapientioribus libenter cervicem nostram curvamus.

Marculfus Monachus ann. 658. scripsit Formularium oblationum, in quo leguntur cartulae donationum, quae su-

per altaria a fidelibus collocabantur .
Card. Bona in suo opere formularium
habet .

Marcellus Francolinus praeter librum de
horis Canonicis , etiam de missis no-
cturnis erudite , & diligenter scripta
posteris misit .

Marcus Antonius Ghenare optimum
opusculum composuit sub titulo =
Ritus celebrandi missam = .

Marcus Alexandrinus in suis Epistolis Bal-
samoni scriptis tractavit de Liturgia S.
Jacobi minoris . Non tam facile ejus
opera inveniuntur .

S. Maronius Sirius , de quo aliqui scrip-
tores affirmant librum Liturgiae scrip-
sisse , quem postea a quodam D. Fau-
sto Maronita ex idiomate Chaldeo in
latinum asportatum fuisse credunt . Af-
ferunt etiam , quod post Graecorum
schisma scriptum fuerit ; sed de hac
ultima assertionem dubitamus .

Maruta Episcopus Tagritensis merito in-
ter Liturgicos ab omnibus collocatur ;
nam propriam Liturgiam scripsit , ut
videre est in tom. 2. collectionum Li-
turgiarum orientalium Eusebii Renau-
dotii . Apud orientales magnam aestima-
tionem habuit vivus , & post mortem
ejus opera simili gloria decorantur .

Martinum Papam V. inter Liturgicos cum Gavanto numeramus, quamvis melius inter sacrorum rituum ampliatores. Dies clausit ann. 1431.

Martinus Stephanus optimum Manuale scripsit de cautelis in missa observandis.

Martinus Perez de Ayala Archiep. Valentinus librum omnibus Liturgicis necessarium publicavit de Divinis, Apostolicis, & Ecclesiasticis traditionibus, in quo multa de sacr. Liturgia erudite exposita leguntur. Obiit Valentiae ann. 1566.

Martinus Duncanus patria Kempensis, Colonienfis Dioecesis, Lovanii Theologus, & haeresum expugnator egregius inter alia opera publicavit de Sacrificio missae adversus Protestantes, & Anabaptistas. Obiit ann. 1590.

Mathias Flaccus natione Illiricus, sed sectae Lutheranae rigidissimus defensor. Videatur de isto auctore quae superius diximus pagina 63. Iste auctor 1573. tumulatus fuit ann. 1573.

Matthaeus Pastor, qui propter suam eloquentiam, & eruditionem ab omnibus Ecclesiasticis scriptoribus laudatur; unam Liturgiam scripsit, teste

Card. Bona. Videtur etiam nostris temporibus in collectione Liturgiarum orientalium Eusebii Renaudotii tom. 2

Mathias Kimchius propter suum Directorium sacerdotale, in quo de Liturgia non pauca exposuit, a Liturgicis, & Ecclesiasticis scriptoribus commendatur.

S. Matthaeus Apostolus suam Liturgiam scripsit: ita affirmant omnes sapientissimi investigatores rerum Liturgicarum. Tamen Card. Bona dubitare non desinit in suo primo lib. Rer. Liturg. qua de re nos placito studiosorum relinquimus.

Matthaeus Galenus Wostcapelius Belga Cancellarius Duacensis, eruditissimus Graecae, ac Siriacaе linguae, plures Catecheses scripsit, & de Sacrificio missae. Obiit ann. 1599.

Maximus Pachimere de rebus ad sacr. Liturgiam pertinentibus; ac de Ecclesiastica Jerarchia non pauca publicavit.

S. Melchiades Papa, qui sedebat in Petri Cathedra ann. 314. fecit decreta de fermentato.

Melchior Huelanus Hispanus eruditam orationem de caeremoniis in lingua nationali diffuse scripsit.

- S. Metodius, qui vivebat saeculo IX. communiter appellatur Apostolus Moraviae, eo quod illis populis Liturgiam lingua Slavonica donavit. Tamen propter abusus quosdam PP. Concilii, Dalmatiae illam abstulerunt sub Pontificatu Alexandri secundi, quod quidem confirmare non dubitavit Gregorius VII. ordinando, quod non alio idiomate, nisi Graeco, & latino in Ecclesiis uteretur.

Micrologus, vel ut frequenter vocatur, Auctor libri observationum Ecclesiasticarum, cum summa diligentia scripsit de benedictionibus post missam, & in hac materia est magnae auctoritatis.

1089. Floruit ann. 1089.

Michael Timotheus infinitas quaestiones tractavit, sed particulariter numerantur 300. de Div. Off. & 600. de sacrific. missae.

Michael Bauldri Monachus Benedictinus in rebus Liturgicis peritissimus, optimum Manuale sacr. caeremoniarum publicavit.

Michael Brechingerus Presbyter Colmariensis docte adversus Lutherum de sacros Sacrif. missae, & de sanctissimae Eucharistiae celebratione per

Christum in Coena novissima exposuit suam doctrinam. Ejus opera Antuerpiae impressa sunt ann. 1543. & 1588.

Moleon vir clarissimus, & in eruditione Ecclesiastica peritissimus, Lugduni ann. 1707. suum librum gallice imprimere fecit cum speciosissimo titulo = De itinere Liturgico =. Laudatur propter claritatem, ac brevitatem scriptoris.

Moses Barcepha Episcopus Syrus doctus, ac pius, in suo lib. de Paradiso assignat modum construendi templi. Afferit mordacissimus Launoyus, quod aliquando a vera Theologia noster auctor discessisset.

Mutius Ord. Capucc. praeter summarium mysteriorum Missae, scripsit etiam italice de Off. Defunctorum.

Musaeus Presbyter Massiliensis circ. ann. 450. de antiquis Ritibus, & de Sacramentis plura eruditione plena scripsit; sed vel injuria temporum, vel negligentia hominum perdita sunt illius opera, quod quidem grave damnum attulit Liturgicis scriptoribus. Aliqui affirmant ipsum auctorem canonis Missae, sed communior sententia

est, quod aliqua pars ab ipso fuerit
adjecta.

N

Narsis Auctor Liturgicus notissimus,
de quo multa habentur, citatur a
Card. Bona.

Nestorius Liturgiam scripsit, ut refert
Abraham Ecchellensis.

Nicolaus Plove Sacerdos Posnoniensis
vir magnae auctoritatis, & eruditio-
nis, anno 1560. opus composuit de
sacra Liturgia. Multi scriptores au-
ctoritati suae acquiescunt. Scripsit e-
tiam tractatum, Sacerdotale.

Nicolaus Cabasilas Archiepisc. Thessalo-
nicensis, quamvis schismaticus, tamen
exposuit duplicem Graecam Litur-
giam; caute tamen legenda sunt ejus
opera. Gentianus Hervetus conatur
eum excusare, sed Aethiopem lavat.

1250. Vivebat ann. circ. 1250.

Nicolaus Mironensis Episc. cum omni
sinceritate, & diligentia opera sua
perfecit; qua de re apud ipsum cu-
riosi investigatores Liturgiae S. Marci,
veritatem inveniunt. In rebus Litur-
gicis eruditus fuit, ideoque a Card.
Bona variis in locis citatur. In suo

Libro de Corpore Christi scripsit de Liturgia S. Clementis Papae .

Nicolaus Papa primus , & ejusdem nominis III. de sacra Liturgia scripta reliquerunt .

Nicolaus Aurificus accurate de caeremoniis Missae cum mediocri elegancia scripsit . Auctores sacrorum Rituum ipsum saepissime nominant .

Nicolaus Brailon praeter alia opuscula erudita , sed inedita , tandem ann. 1648. de Pallio clarissime scripsit .

Nicolaus Serarius Ecclesiasticae antiquitatis diligentissimus scriptor , & hostis infensissimus haereticorum . Plurima in suis operibus invenient Liturgici scitu digna .

Nicolaus Villagagnon Gallus , splendor Equitum Melitensium tria opera publicavit vere catholica , idest responsiones ad articulos Calvinianos de SS. Euch. Sacram. de Consecratione , & mystico Sacrificio , de duplici oblatione adversus Vannium . In tertia vero agit de poculo Sanguinis Christi , & introitu ad sancta sanctorum contra Melancthonem . Omnes editiones sunt Parisienses sub ann. 1564. , & 1569.

Nicolaus Stoer Germanus adversus nonnullos Marchiones civitatis Misnae erudite lib. de Off. Missae, & Sacrific. Altaris publicavit.

Nicolaus Thuanus Gallus ab Enrico IV. cui acceptissimus fuit, ad Episcopatum Carnutensem designatus est. Hic scripsit erudite explicationem sacrosanctae Missae, & de sacris ejusdem caeremoniis. Ex hac vita migravit
1598. ann. 1598.

Notkerus Monachus Othoni magni nepos, & Abbas S. Galli floruit circ. ann. 868. Multarum sequentiarum aliqui scriptores Ecclesiastici ipsum fecerunt auctorem. Eccherardus Monachus diffuse de nostro Notkero loquitur.

O

Ordo Cameracensis, qui floruit ann. 1128. super canonem missae optime scripsit.

Oliverius Bonartius erudite, ac devote librum composuit de Sacrificio Missae; de horis vero Canonicis libros tres. In primo aliquid est de sacra Liturgia.

Ordo Romanus ex Card. Baronio au-

ctorem habuit Gelasium; plenior tamen videtur sub Stephano Papa, regnante Pipino, & Carolo Magno, ut asserit Hictorius in sua praefatione. In isto veteres Romanae Ecclesiae Ritus explicantur. De illius antiquitate testes sunt Amalarius, & Albinus Flaccus.

Origenes praecipuus Graecorum auctor floruit in limine saeculi tertii. In suo primo libro contra Celsum scripsit de Sinaxi.

P

Pagninus Gaudentius, qui propter suam eruditionem a multis laudatur, optime scripsit de Rit. veteris Ecclesiae; nos tamen non vidimus.

Paris Crassus celeberrimus scriptor sacr. Rituum, Caeremoniale Pontificium

1548. accurate scripsit ann. 1540. obiit 1548.

Paschasius Radbertus erudite scripsit de Corpore, & Sanguine Domini, in quo libro rationem assignat, cur Apostolorum tempore, seu ab ipsis Apostolis non jejune recipiebatur, quemadmodum modo accipitur. De isto auctore Gratianus scripsit, & sub nomine Augustini illum citavit.

S. Paulus Apostolus praedicator veritatis, & doctor Gentium propriam Liturgiam populis dedit.

Paulus II. III. IV. & V. qui variis temporibus Ecclesiam gubernarunt, nempe sub ann. 1471. 1550. 1559. & 1621. de variis Ecclesiae Ritibus tractarunt, & multa in sacra Liturgia confirmarunt.

Paulus Maria Quarti Italus Ord. Cl. Regul. de rebus benedictione sacris, de sacris benedictionibus, & de Rubric. Missalis Romani affectuose scripsit. Afferit noster auctor S. Matthaeum Apostolum ritum benedicendi aquam instituisse. Ejus opera publicam lucem viderunt ann. 1674.

S. Petrus Princeps Apostolorum Liturgiam propriam vel scripto, vel verbo tradidit posteris. De tali Liturgia nullus Catholicorum dubitat; quod vero mutaverint illam successores, vel ampliaverint quoad accidentalia, testimonia infinita habentur.

Petrus de Opmeer inter Liturgicos scriptores numeratur, eo quod eruditiones quamplurimas de expositione Missae donavit. Floruit ann. 1570.

Petrus Cantor multa de sacra Liturgia

explanavit, & praecipue de Missa, quae vocatur communiter *Sicca*. Videbat circa ann. 1200. & a variis Liturgicis scriptoribus commendatur.

S. Petrus Damianus antiquissimus, & eruditissimus scriptor opusculum publicavit, in quo de sola salutatione *Dominus vobiscum* tractavit scribens Leoni Brenitae. Obiit ann. circ. 1071.

Petrus Patriarcha Antiochenus scripsit de azymis, & pro confirmatione suae opinionis citat Petrum, & Paulum. De illius sana doctrina non dubitatur; sed tamen plures scriptores contrarios habuit.

Petrus Arcudius Presbyter Corcireus, natione Graecus, in libro 3. de Sacramentis ostendit validis rationibus, quod Apostoli non semper in azymo consecrarunt, sed aliquando etiam in fermentato: in fine tamen praefationis suae declarationem fecit. Opinio fuit etiam Arcudii, quod Monachi Graeci in itineribus longissimis secum portassent Corpus; & Sanguinem Christi Domini. Florebat an. 1620.

Petrus Allix erudite dissertationem fecit de origine Trisagii. Vir pius, & sapiens.

Petrus Casola sub ann. 1499. de Missa
Ambrosiana doctum librum composuit.

Petrus Lopez ann. 1608. accurate de
Ritu Missae Hispanae opus suum com-
plevit. Non solum apud Hispanos,
sed apud alios scriptores Ecclesiasti-
cos aliarum nationum commendatur.

Petrus Le Brun Congr. Orat. Presb.
Nominis Jesu, explicationem litera-
lem, historicam, & dogmaticam
precum, & caeremoniarum Missae
publicavit ann. 1726. Insuper defini-
tionem veteris consecrationis sub ann.
1727. Denique de Canone Missae.

Petrus Illerdenis Orationes, & plures
Missas compilavit eleganti sermone
diversis solemnitatibus congruentes; non
tamen illas vidimus.

Petrus Cluniacensis opusculum publica-
vit de Sacrificio, & Ritu Missae.

Petrus Amelii Senagolliensis Ordinem
Romanum typis mandavit.

Philippus Brenna de variis Ecclesiae Li-
turgiis, ac de Liturgiae ritibus, &
legibus optime scripsit; quapropter
ejus opera utilissima sunt omnibus Li-
turgiae amatoribus; plurima nova sunt.

Philippus Angeli breviter, sed erudite
de Missa privata scripsit.

Pium Papam Primum, II. & V. qui supra Cathedram Petri sedebant ann. 167. 1464. & 1572. inter Liturgicos merito considerare debemus.

Pompejus Sarnellus vir doctus, & sacr. Rit. eruditissimus commentaria eorumdem publicare fecit.

Proclus Episcopus primo Cyzicenus, deinde Constantinopolitanus, Magistrum suum Joannem Chrysostomum in sacra Liturgia imitavit. Scribens de traditione Divinae Liturgiae opinioni Chrysostomi se conformavit. Veram esse affirmat Liturgiam Jacobi fratris Domini. Opera nostri auctoris interpretata fuerunt a Vincentio Riccardi viro clarissimo Ord. Cler. Regularium. Proclus fuit semper magnae auctoritatis apud Liturgicos scriptores. Florebat ann. circ. 447.

R

Rhabbanus Maurus ex Abbate Fuldenfi Archiepisc. Moguntinus electus, floruit ann. 855. vel ut alii volunt 1010. Praeter sua scripta de institutione Clericorum, de sacra Liturgia etiam multa composuit. Parisiis om-

nia ejus opera impressa fuerint sub ann. 1624.

Radulphus Decanus Tungrensis, atque sacr. Rit. defensor acerrimus, dum vivebat, ab omnibus sui aevi scriptoribus appellatus fuit. In suo opere de observantia Canonum, solidissimis argumentis demonstrat, quomodo duo Officia Divina in Ecclesia Romana introducta fuerint, nempe unum pro Ecclesiasticis curiae Romanae addictis; alterum pro aliis. Probat Nicolaum III. fecisse in Ecclesiis urbis amoveri Antiphonarios, Gradualia, Missalia, & alios libros officii antiquos 50. ann. & mandasse de caetero, ut Ecclesiae urbis uterentur libris Fratrum minorum; hoc autem non est verum. Florebatur ann. 1400.

Raphael Tuki Episcopus Acatensis natione Coptus, & Professor philosophiae in Collegio de propaganda Fide, varia scripta publicavit pro Liturgia suae nationis.

Raymundus Martinus, qui ante Galatinum scripsit, citatur a Card. Bona inter Liturgicos scriptores. Ejus opera non vidimus.

Raphael Averfa Cl. Regul. minor. Opu-

sculum eruditum de Eucharistia reliquit Sacerdotibus, & studiosis Liturgicis.

Ratoldus Abbas Corbejenfis codicem Liturgiae composuit, de quo apud Bernardum curiosioribus videre est. Obiit

981. ante ann. 981.

Ratramnus, Bertramus etiam dictus Monachus Corbejenfis libros 4. eruditione plenos contra Graecos scripsit, in quibus validissimis argumentis ostendit, quod etsi mutantur Ritus, & caeremoniae in Ecclesia, fides tamen firma consistit. Male tamen nostro auctori tribuunt aliqui scriptores libr. de Corpore, & Sanguine Christi Domini, qui fuit Joannis Scoti Erigenae, ut probant eruditi Critici.

S. Remigius Antisiodorensis in Ecclesiasticis doctrinis eruditissimus librum reliquit omni majori diligentia compositum de expositione Missae, sive de Off. Missae. Floruit ann. 876. vel ut alii affirmant 900.

876.

Ricardus Simeon diffuse scripsit de Canone Missae, & eruditissimis annotationibus ornavit Apologiam Gabrielis Severi, qui fuit Metropolita Philadelphiae. Ejus opera maxime aestimatio

nis sunt, sed non nisi in magnis Bibliothecis inveniuntur. Vidimus in Vaticana.

Riculfus Episcopus Moguntinus, ex Hispania in Galliam detulit labente VIII. saeculo epistolas supposititias Pontificum quorundam, in quibus agitur de origine hujus vocis *Missa*, a quodam Hispano sub nomine Isidori pia fraude confictas, sub VII. saeculo. Erud. Card. Baronius de istis epistolis differens ann. 865. eorum falsitatem agnovit.

Robertus Card. Bellarminus S. J. ab omnibus commendatur propter suam pietatem, & eruditionem. Inter plures tract. etiam plurima publicavit de Sacrificio Missae, in quo opponitur non immerito sententiae Antonii Democares circa vocabulum *Missa*. Vivebat

1620. ann. circ. 1620.

Rupertus Abbas Fuitiensis sensu profundus tractando de Eucharistia utitur locutionibus subobscuris, ideoque attente legatur. Scripsit etiam super vocabulum *Missa*, & ejus sententia a multis defenditur. Vivebat circ. ann. 1116. vel ut scribit Pater Le Long. 1135. Non confundatur tamen cum

alio Ruperto Monacho Benedictino
Limburgenſi Abbate.

D. Robertus Sala Taurinenſis ſcriptor
Bibliothecæ Pontificiæ Ord. Congr. S.
Bernardi: annotationes fecit ad Li-
turgiam Card. Bonæ, & typis man-
davit Taurini cum maxima acclama-

1782. tione totius Italiæ. Vivit adhuc.

S

Sabinianus Papa, S. Silverius, S. Sil-
vester, S. Simplicius, S. Siricius, S.
Soter, S. Stephanus, & Simmacus
a Liturgicis ſcriptoribus inter Litur-
gicos numerantur. Eorum opera, vel
ſcripta non vidimus, qua de re judi-
cio alieno judicamus.

Salvus Abbas Monasterii Albaidenſis a-
liquas Miſſas, Orationes, Hymnosque
pro ritu Mozarabico compoſuit. De
origine hujus Auctoris multi multa
dicunt, ſed nobis arridet opinio Alvari
Gomez, & Card. Bonæ.

Sauſſajus quamvis de paramentis Sacer-
dotalibus generaliter ſcripſiſſet, tamen
particulariter in ſua Panoplia Sacer-
dotali de Amiæti origine locutus eſt.

Scultingius Bibliothecam Eccleſiaſticam

pluribus tom. compilavit ; sed in 4. tomo diffuse loquitur de illis verbis positis post *Pater noster* = *Sed libera nos a malo* = .

S. Sergius Papa ordinavit, ut a Clero , & a populo caneretur *Agnus Dei* .

701. Vivebat, & gubernabat ann. 701.

Severus Patriarcha Alexandrinus saeculo VI. vivebat . In suo lib. *Ordo Missae* = hostiam nominat variis nominibus . In sacra Liturgia peritus fuit , & in sacris Ritibus .

Simeon Thessalonicensis ex clauistro Monastico ad Episcop. sublimatus fuit . Librum accurate scripsit de Divino templo , de ejus Ministris , de sacris eorum vestibus , de sacrosancta Mystagogia . Hunc Simeonis commentarium latine vertit , & una cum textu graeco Parisiis ann. 1667. vulgavit in Rituali graeco Jacobus Goar. Extat alterum opus de sacris Sacrificiis & Mysteriis omnibus Ecclesiae ex Scripturis , & Patribus collectum , quod graece MSS. habetur in Bibliothecis Vaticana , & Caesarea , & alia denique MSS. in eadem Bibliotheca Vaticana .

Simeon Subder ex Londinensi Episcopo , Cantuariensis Archiepiscop. crea-

tus , de celebratione Missarum tractatum scripsit . Pro Regni pace Londini occisus fuit .

S. Simeon Syracusanus . circ. ann. 790. propriam Liturgiam scripsit ; in aliquibus tamen discrepat ab aliis Liturgiis .

Simeon Barbosa vir doctrina celebris ann. 1637. suum librum publicavit omnibus carum de Sacrificio Missae .

P. Simeon Sothray Anglus Ord. S. Augustini , non magnae molis Opus composuit de Sacramento Corporis Christi .

Simeon Wangnereckius interpretavit MSS. graecum , quod postea Venetiis impressum viderunt eruditi sub nomine *Syntagma* . Rationem etiam assignat noster auctor , cur in Canone Missae nominentur SS. Cosma , & Damianus .

Sinesius scriptor vetustissimus plures epistolas composuit eruditione plenas , & signanter in 58. loquitur de Missa , quae ab ipso vocatur Arcanum , Mysterium , quod idem est , ac Telet juxta Graecos . Terrena reliquit ann. circ.

448. 144. vel melius 148.

Siricius Papa plurima Decreta fecit de oblatione in pane fermentato , quae quidem Card. Bona in suo lib. 1. Rerum Liturgicarum transcripsit , & ex-

plicata fuerunt ab Innocentio III. Regnabat sub ann. 398.

Stephanus Brulefer splendor Ord. min. S. Francisci non minus pie, quam erudite explicationem Mysteriorum Missae scripsit; item de antiquis Missalibus, & orationibus anteparaeparatoriis. Cum moestitia Eruditorum tumulatus fuit ann. circ. 1480.

1480. mulatus fuit ann. circ. 1480.

Stephanus Durandus de Canone Missae accuratissime scripsit ann. 1269.

Stephanus Eduensis circa medietatem saeculi X. de Sacrificio Missae, & de Sacramento Altaris egregie librum publicavit.

Stephanus Tornacensis, qui saeculo XI. floruit, plures epistolas de vestibus Ecclesiasticis Cardinali Albino scripsit.

Stephanus IX. alias X. Gozzelonis Ducis Lotharingiae filius, Fridericus antea appellatus, ex Cassinensi Abbate, & Cardinali Presbytero; uno omnium consilio Pontifex electus, scripsit de Corpore Domini, in quo libro omnia, quae Graeci adversus Latinorum Sacrificium delatrabant, destruxit.

S. Telesphorus Papa, qui Sedem Petri occupabat ann. 154. confirmavit sacros ritus. Huic Pontifici aliqui tribuunt Liturgiam celebrandi tres missas in nocte Nativitatis Domini.

Teodorus Balsamon inter alia multa erudita scripta, reliquit etiam de Missa sabbati sancti. Uniformatur in suis opinionibus Valdensi, Amalario, Durando, aliisque doctissimis viris. In Canone Apostolorum etiam scripsit graece, & latine, ut videre est in impressione Parisiensi. Floruit ann. circ. 1191.

Teodorus Episcopus, juxta scripta eruditissimi Allatii, fecit expositionem Liturgicam Missae.

Teodoricus Ruinart in descriptione S. Justinii Martyris doctissime explicavit originem sacrae Liturgiae. Diligentiam nostri auctoris Liturgici scriptores commendant. Scripsit etiam de Pallio Archiepiscopali, ut videre possunt studiosi in tom. 3. Joannis Mabillon.

Tertullianus, qui in limine saeculi III. florebat, merito latinorum scripto-

rum antesignanus appellatus est . Inter multa ejus scripta de Pallio etiam egit, & in suo Apologetico de Divina Psalmodia, & de Rit. Ecclesiae .

Tilianus Codex sub ann. 1032. omnes orationes paramentorum Sacerdotalium complectitur .

Tobias Lohner S. J. eruditam piamque instructionem composuit de Sacrificio Missae juxta Rit. Romanae Eccl. offerendo : de horis Canonicis etiam sub ann. 1717. publicae utilitati mandavit .

Theophilus Rainaldus Gallus domicilio , sed ortu Nissardus , diffusissimum Onomasticum Eucharisticum scripsit , in quo etiam legitur de prima Missa , & alia multa scitu digna , atque Ecclesiasticis necessaria . Fuit Religiosus S. J. & ann. 1652. ejus opera , quae non pauca sunt , ut videre est in serie Auct. Eccles. Lugduni publicata fuere .

Theodoretus , de quo asserit Abraham Ecchellensis , in suo opere Liturgiam scripsit .

Thomas Brett circ. ann. 1720. optimam collectionem praecipuarum Liturgiarum eruditis porrexit , & merito laudem pro labore suo reportavit in saeculo nostro .

Thomas Winterton Anglus, Monachus Starfordiensis, contra Wicleffum librum complevit de assertione SS. Eucharistiae.

Thomas Beauxamis Parisiensis Carmelita, Parisiis publicare fecit suum librum de Sacrificio Missae, & de veritate Corporis, & Sanguinis Christi in Eucharistia ann. 1574.

Thomas de Vio Ord. Praedic. ac S. R. E. Cardin. eruditissimus, praeter alia opera contra Lutherum scripta, opusculum etiam publicare fecit de Missa. Obiit ann. 1534.

Thomas Smith epistolam eruditissimam de hodierno statu Ecclesiae Graecae publicavit ann. 1678.

Thomas Valdensis in tom. 3. Operae doctrinalis constantissime asserit, quod suo tempore, idest post ann. 1400. celebrabatur Missa sabbati sancti ad notum. Alii auctores talem sententiam non rejecerunt.

Thomas Giarmachita Liturgiam scripsit, de qua videre est apud Abrahamum Ecchellensem in suis notis ad catalogum Hebedjesu pag. 134.

Thomasius S. R. E. Card. piissimus, eruditissimus, liberalissimus, acquiescens

eruditorum voluntati; libros Liturgicos, & hymnarium univit cum maxima diligentia. Videatur illius Codex Sacramentorum.

Tydeus Bonamicus Liturgicam suam eruditionem demonstravit, scribendo de modo efformandi cruces super oblata. Ejus scripta anno 1720. anglico idiomate Londini publicata fuerunt.

Vallemontius Apologiam Rubricae Missalis gallico idiomate ann. 1710. publicavit.

Walfridus Strabo Abbas Augensis, qui saeculo IX. florebat, inter scriptores Liturgicos sui aevi ab omnibus eruditis reponitur. Opponitur Baronio, & Basilio loquendo de hymno glorificationis. Ejus opera Parisiis impressa fuerunt ann. 1624.

Walfangus Latius sub nomine Caroli Magni publicavit Ordinem Romanum, & tract. eruditissimum Ecclesiasticorum Rituum.

Verus Codex de Missa ab Hittorpio; nescimus tamen, utrum adhuc existat.

Veterum Patrum Bibliotheca. In tome 10. agitur de Divinis catholicae Ecclesiae Officiis, & Mysteriis vetustorum Eccl. Patr. Parisiis impressa fuit ann. 1624.

S. Victor Papa, qui Ecclesiam gubernabat ann. 203. inter sacrorum Rituum conservatores, & Liturgiae defensores adscribendus est.

Victorianus Voconius Episcopus Castellanus in Mauritania, eleganter de Sacramentis; & Officiis scripsit. Asserunt nonnulli ipsum auctorem fuisse Canonis Missae; sed falsa est talis opinio: nam Apostoli ipsum composuerunt. Opera nostri auctoris vix inveniuntur. Vivebat inter ann. 400. & 600.

Victorius Scialach Maronita linguarum Orientalium peritissimus, ex lingua Aegyptia tertiam Liturgiam S. Basilii in latinam accurate traduxit etiam cum interpretatione Arabica. Opus auctoris in Bibliotheca PP. legitur.

Wicellius qui fuit primus discipulus Lutheri, sed recte postea cogitans factus est optimus Catholicus, & eruditus Liturgicus; transcripsit cum summa diligentia Missale unum, quod *Lytaniam* appellavit auctor antiquae Liturgiae, eo quod antiquam formulam Lytaniarum continebat.

Vigilius Pontificiam Sedem occupabat ann. 555. Multa huic Pontifici attribuentur in sacra Liturgia. Scimus scripsisse de Canone Missae in sua epi-

stola ad Eucher. & suae opinioni Liturgici acquiescunt.

Vincentius Riccardus in commentariis Procli de traditione Missae clare scripsit.

S. Uldericus ann. 1070. univit consuetudines Cluniacenses, ex quibus resultat, quod hostiae pro sacrificio non erant magnitudinis unius denarii, ut asserunt aliqui scriptores. Talis magnitudo denariorum in fine ejusdem saeculi inventa fuit. In Liturgiis Graecorum, & in lib. 8. constitutionum Clementis Papae alterum formularium invenient curiosi investigatores rerum Liturgicarum.

Urbanus Papa II. auctor fuit Praefationis B. V. M. regebat Romanam Sedem sub ann. 1099.

Urbanum IV. VI. & VIII. inter Liturgicos, & sacr. rituum restauratores ponendos esse affirmat Card. Bellarminus.

Uranus, qui vivebat an. cir. 440. scripsit de illa voce *Oremus*, quae a Sacerdote post *Dominus vobiscum* ponitur. Videatur in vita S. Paulini.

X

Xyftus Pontifex a multis scriptoribus Liturgicis, & praesertim a Gabriele Sionita dicitur auctor Litur-

140. giae . Inter auctores sexdecim Anaphorarum Xystus collocatur.

Xystus II. III. IV. & V. plura, & varia de sacris Ritibus ; & Liturgia tractarunt. Legatur Cronologia Bellarmini.

Z

Zaccharias Andrianus, qui floruit ann. 1576. de Sacrificio Missae diligenter scripsit.

Zaccharias Papa tempore sui Pontificatus, idest circ. ann. 752. multum sacrae Liturgiae cooperavit. Traduxit librum Dialogorum S. Gregorii.

Zaccarias Pasqualigus C. R. vir pietate, ac doctrina insignis plures tom. publicavit ann. 1707. de Sacrificio Missae.

221. S. Zeffirinus extensionem Liturgiae, ac sacrorum Rituum procuravit, & contra pseudoparacletos montanos spiritualibus armis se opposuit. Vere dignus fuit Petri successor.

419. S. Zosimus Papa, qui Cathedram Petri occupabat ann. 419. plura suo tempore fecit, & majora fecisset, si plusquam annum vixisset. Decevit Cereum Paschalem, & quod Diaconi levas tectas haberent pallis linostimis. S. Augustinus nostrum Pontificem a calumnia Juliani defendit.

Opusculum sacrae Liturgiae unā cum serie scriptorum Liturgicorum jussu Reverendissimi P. Vic. Gen. S. Officii Vercellarum ego infrascriptus attente lustravi, nihilque reperi, quod ejus impediāt impressionem. Dabam Vercellis in Coenobio Minor. S. Francisci Convent. die 31. Augusti 1785.

F. Antonius-Bonaventura Presbitero,
S. Facultatis Doctor, Definitor
perpetuus, nec-non S. Officii Con-
sultor Ordinis Minorum Conven-
tualium.



Attenta praemissa adtestatione

IMPRIMATUR

F. Joseph Hyacinthus Cappelli S. T. M.
Ord. Praed. Vicarius Generalis S. Offi-
cii Vercell.

V. Rostagni R. V. C. P.

V. Se ne permette la stampa

RUBINO Prefetto per la gran Cancelleria.

CATALOGO

D'alcuni libri che si trovano in maggior numero

P R E S S O

FRANCESCO PRATO

*Librajo in Torino nella contrada
di S. Teresa.*

A riosto Orlando furioso 12. tom. 2. ll.	2	5
Alemanni Avarchide Bergamo 12. tom. 2.	.	2 15
== Girone il cortese 12. tom. 2.	2	15
Borghetto Orazioni 8. tom. 3.	4	10
Bossuet Storia variazioni 12. tom. 4.	3	.
== Storia universale 12. tom. 2.	2	10
Breteville Quaresimale 4. . .	2	.
Bagnati lezioni 4. tom. 5 .	17	.
Biblioteca de' Parroci 12. tom. 15.	18	.
Bossuet sermoni 4. tom. 2. .	10	.
Bordoni buona morte 4. tom. 3.	9	.
Caro Eneide di Virgilio 18. Milano.	1	.
Campadelli Domenicale 4. tom. 2.	3	.
Croiset esercizi 12. tom. 17.	18	.
Dolce oraz. di Cicerone 4. tom. 3.	9	.
Dizionario di sanità 8. tom. 4.	5	.
Corticelli Toscana eloquenza 8 tom. 2.	3	.


Educazione , ed istruzion cristiana		
8. tom. 3.	ll.	5
Leclerc storia medicina 8.	4. vol.	8
Dizionario Storico portatile 8.	7. vol.	
Napoli .		9
Indirizzo spirituale 18.		19
Ferreri Catechismo		3
Figatelli Aritmetica .		1 15
Giacco Orazioni panegiriche		2 5
Lambertini notificanze		4
= Feste		5
= Casi di coscienza		3
Liguori Domenicale.		3
Martini Grammatica delle scienze		
8. figurata .		2 10
Muratori Filosofia morale 8. tom. 2.		2 10
Gilblas storia galante 8. tom. 7.		6
Joli Domenicale 4.		3
Ovidio poesie malinconiche 12. tom. 5.		3 10
Ovidio tristezze del Bianchi 8.		1 15
Petrobelli ragionamenti 4.		3 10
Platina vite de' Pontefici 4.		4
Odi di Orazio 8.		1 10
Epistole di S. Gerolamo 12.		1 5
Maffei impiego del denaro 4. Roma.		4 10
Rossi Panegirici 4.		2
Rodriquez Esercij 8. tom. 3.		3 10
Rotigni spirito della Chiesa 8. tom. 3.		6

Ricciardetto	12. tom. 2.	•	II.	3
Gratino da Vicenza	orazioni	4.		5
Bandiera	orazioni	8. tom. 7.		14
Puffendorf	diritto della natura	4.		
	tom. 4.			15
Scaramelli	direttorio mistico			3
— Ascerico				5
Nuovo testamento	8. tom. 2.			2
Hardion	storia universale	12. tom. 20.		30

VERCELLIS. 1786.



CUDEBAT JOSEPH PANIALIS.



2001
+ 2
- 10

1602

28

22



